



711 Ry. H. 9...



JOHN CARTER BROWN
LIBRARY 
ACQUIRED WITH THE
ASSISTANCE OF THE
T. KIMBALL BROOKER
SIXTEENTH-CENTURY
FUND 

JOHN CARTER BROWN
LIBRARY

Purchased from the
Trust Fund of
Lathrop Colgate Harper
LITT. D.

So erfundne Heylsame / vnd bes

wärte arznei / gewisse hilff vnd radt / mit al-
lein die Franzosen oder bösen blatern / sunder
auch andere sorgliche schwere fräckheyt man-
gel vnd gebrechē / menschlichs leibs / so sich euf-
serlichen oder innerlichen erheben / aber bis her
für vnheylbar geacht worden / gründlichen
vnd gantzlichen zū vertreiben / heylen vnd Cu-
rieren / mit vormals vnbeantert / vnd bis auff
dise zeit vnbeantert bereytung / gebrauch vnd
würckung des Indianischen holtz Gua-
iacum oder Franzosen holtz genen-
net / yetzund newlich erfundē /
vnd an tag geben.

Durch M. Gualtherum S. Kyff in Teütsche
sprach verfasst / vnd in truck verordnet.

Weitern inhalt diß büchlin findstu an der an-
dern seiten diß blätlin verzeychnet / sampt
einem vollkommenen Register.

Mit Königlicher Maiestat Freibeys

M. D. xli.

Kurtzer begriff vnnnd inbalt dieses büchlin.

Sie new erfundne/heylsame/vnnd bewärte artzney des Indianischen holtz/ Guaiacum /oder Franzosen holtz genät/ist in iiii-teyl vnder scheyden vn̄ abgeteyle.

Der erst teyl zeygt dir flärlichen an die natur/eygenschafft vnd würckung des Indianische holtz/auch wie solchs zü mancherley kräck heyten vnd gebrechen sunderlich bereyitet vnd außserlesen werden soll.

Der ander teyl begreiff die recht art vnnnd ordnung solche kostbarliche artzney des holtz in mancherley fäl vnd mängel/schwerer kräck heyten des leibs nutzlich zübrauchen/solche züuertreiben vnd gründlichen züheylen.

Der drit teyl halt in̄/die art vn̄ eygenschafft der Franzosen oder bösen blatern / sampt alle schedlichen vnnnd bösen zufällen/ die sich in solcher sucht erheben/solchs gründlichen züheylen/wenden vnd Curieren.

Der vierdt vnd letst teyl haltet in̄/ ein nutzlichen bericht vom wein / wie der selbig in diser new erfundnen artzney nutzlichen gebraucht/vnd zügelassen werden mög /auch zü dem Indianischen holtz vermischet/biß auff dise zeit bey wenigen im brauch gewesen/

Vorred zum Leser.

Das kostbarlich vnd
heylsam gewechß des In-
dianischen holtz (Guaiacū
od Franzosen holtz genen-
net/günstiger Leser) wurde
von den frembden Insulen
newlichen im hohen mör gegen mittag erfun-
den / zū vns gebracht / von welchen orten her
auch die grausam vnd erschrocklich franckheyt
der Franzosen oder bösen blatern iren vrsprung
vnd anfang haben soll/ vns vormals in vnserē
landen frembd vnd vnbekant / aber an disen or-
ten fast gemeyn / also das sy sich leichtlich von
mancher ley vrsach erhebt/ ob sy gleich von kei-
nem andern ererbt wirt/wiewol sy bey vns al-
lein ererblich ist/also das einer von andern ver-
unreynigt/sich aber für sich selbs gar selten er-
hebt. Inn solcher franckheyt brauchen die ein-
woner gemelter Insulen dises kostbarlich vñ
heylsam holtz / für ein gewisse vnd bewärte
artzney/also das ein yeder/ so darmit beladen/
gar leichtlichen geheylet vnd gesunde darvon
wirt/allein mit diser eynigen hilff. Solchs ha-
ben die vnseren so in disen Insulen wonē / die
A ij are

Vorred.

art vnd gegne züerfündigen auch war genom-
men/vnd alle die so auch mit solcher schweren
Franchtheyt beladen wurden/gebraucht/ Die-
weil aber solchs wol erschossen/ auch weiter
mit sich herauß bracht/ vnnnd in vnsern landen
vnderstanden dise Franchtheyt darmit züheylen
vnd vertreiben. Als aber solche nutz vnnnd gü-
t erfunden/ist dise kostbarliche artzney gar nahe
in allen landen außgebräytet vnd angenomme-
worden/also dz man es bissher für di kostbar-
lichest artzney/ vnd gewiffste hülff der Fran-
zosen oder bösen blatern geachtet hatt. Die-
weil aber dieses holtz in gemelten new er fund-
nen Inseln nit allein zü den Franzosen/son-
der auch vil andern Franchtheyten/ vnd garn-
he zü allen fällen vnnnd gebrechen des leibs ge-
braucht wirt/ Haben auch die vnseren solches
ein exempel genommen/ vnd angehaben dieses
holtz auch in andern Franchtheyten zübrauchen/
also das solchs holtz nit allein zü den Franzo-
sen/sunder auch vilen anderen Franchtheyten/
deßgleichen auch yetzund inn vnseren landen
gemeynlich gebraucht wirt. Si weil aber
wir auß sunderm geneygtem willen/zü nutz
vnd wolfart meniglich/auch auß pflichte vn-
sers ampts/vnsern höchsten vnd müglichsten
fleiß angewendet haben/ den rechten vnd ge-
wissen

Vorred.

wissen grunde diser artzney zierfaren vnd erkündigen / durch vilfeltigen brauch fleissigem nachtrachten vnnnd stätiger übung / haben wir befunden / das solche kostliche artzney bey vilen on gründlichen verstand der artzney / bereyt vnd gebraucht wirt in mancherley franckheyt / nit angesehen die art des gebrechens / natur vñ Complexion des Francken / sunder on alle vora betrachtung auff geradt wol / geordnet / gegeben vnd gebraucht wirt / darinnen schwerlichen geirrt / nit on grossen schaden vnd nachtheyl der presthafftigen / Dañ die welt sy die heylsam artzney in allen franckheytē auff einerley weiß vnd art bereytē / wirt etwan einem geholffen / vnnnd zehen herwiderumb so einer andern natur vnnnd eygenthschafft seind / auch mit andern Franckheytē beladen / verderbt / auch etwa der gebrech vnd schaden gemeret. Derhalben wir fürnemlich bewegt / dise kurze / newerfarne / vnd wolgegründte vnderriehung zubeschreiben / darnit dise heylsame vñ kostbarliche artzney des holtz von allen mißbrüchen vñ schwerlichen irthummen erledigt wurde / dañ ich die inn disem büchlin gar eygentlichen für augenstell / wie solchs holtz eygēlich erkant / vnderseyden / auch erlesen werden soll / auch wie man es nutzlich bereyten vnd brauchen soll / nit

A iij allem

Vorred.

allein in Franzosen oder bösen blater & /sunder
in einer yeden Franckheyt vnnnd gebrechen des
leibs /in einer yeden natur vnd Complexion ei-
nes yeden menschen / auch vnder scheyden in ye-
dem alter /zeit vnd gegneten /in frischē vñ ver-
alteten schäden vnd Franckheyten. Damit aber
sollichs vnser schreiben verstandlicher wer /inn
sunderliche teyl vnd Capitel vnder scheydē vnd
verordnet /allen denen zu nutz /trost /vnd
wolfart /so mit leiblicher straff vnd
anfechtung diser vnnnd ande-
rer schwerer Franck-
heyt beladen
seind /:c.

Von

Von rechter bereytung vnd nutz-
lichem gebrauch des Indianischen holtz/vnnd
das sollichs nit in gleicher art vnd weiß in alle
francfheyten/vnnd einem yedem bereyrt/
vnd zügleich gebrauchet werden soll.

Das erst Capitel.



Die höchst vnd grösset
vsach / so vns fürnemlich be-
wegt hat / dise neuwerfundene
artzney zübeschreiben / ist / das
wir vilmals war genommē ha-
den (wie auch droben gemel-

det) dz dise kostbarliche artzney gemeyniglich
von yederman / gleicher maß vnnd gestalt ge-
braucht vnd bereyret wirt in mancherley frack-
heyten / vilerley natur / art / vnd Complexion d̄
menschen / darab ich mich vilmals seer verwū-
dert hab / das solcher brauch gar nahe bey allen
yetzigen artzten eingerissen / dieweil doch sol-
ches wider den rechten verstand ist / also das
man meyne dise artzney von gleicher materi-
vnd auff gleiche weiß vnd art bereyrt / sol man-
cherley widerwertige francfheyten / auß vilerley
widerwertiger vsach entsprungen / heylen vñ
Curieren mögen / in einem yeden menschen / so
A n̄ vngleichet

New erfundner gebrauch des
vngleiches natur/Complexion/alters vñ der
gleichen seind/alte vñd netirwe Franckheyt/en/
yede zeit des jars / welche sich doch mercklich
vnder scheyden/vnder wan gang vñd gar zu
wider seind/dieweil doch solches genzlich wi
der die natur eins yede dings ist/ wie auch Ari
stoteles bezeügt/das ein yedes ding dieweil es
vnuerandert wirdt / stätz sein gleiche würck
ung behalt / es ist auch vngleiches ding allzeit
vngleiches vrsach / Derhalben auch die natur
des dings/damit man vngleichliche ding vol
bringen will/auch vngleich sein muß/aber sol
che widwertige vngleiches natur mag im In
dianischen holtz nit gefunden werden für sich
selbs/es sey dan durch vngleiches bereytung vñ
gebrauch. Derhalben größlich von nöten sein
will/vñd erforders die natur also das dise kost
barliche artzney/dieweil sy widerwertige hüff
thün soll/in widerwertigen franckheyt/en/vn
gleichen cörpern der menschen / widerwertige
natur/kräfft vñd alters / das solche auch
in der bereytung geendert vñd gebraucht wer
de/wie auch weiter solchs Galenus bezeügt.

Eygentliche beschreibung des

Indianischen holtz.

Das ij. Capitel.

Indianischen holtz.

Es ist bey den eltesten vnd erfarneste ärzten wargenommen worden/ das in einer yeden einfachen vnuermischten artzney fünffer ley betracht werden soll / Erstlich was es an jm selbs sey / Zum anderen welches das besser sey züer wölen / Zü dritten/was natur / Fräfft / würckung vnnnd eygenschaft es habe / solchs wöllen wir auch nach ordnung in diesem Indianischen holtz fürhanden nemen / vnd erstlich anzeygen / was es sey / dann etlich haben gemeynt / es sey den alten ärzte auch bekant gewesen vor vilen jaren / vnd vermeynen es sey dz Baron daruon Auicenna schreibt / andere vermeynten / es wer eben desselbigen holtz / das er Bestedeem nennet / aber jhr vil haltens für das Ebenum / vnd haben solchs ein gründlichere vrsach. Fürnemlich auß den wortē Aristotelis / das ein yedes holtz im wasser entporschwimne vnd nit zü boden sinck dan allein das Ebenum / aber diß Indianisch holtz fellt gleicherweiß zü boden / der halben sy es eben für dē Ebenum gehalten haben / oder doch zum wenigsten für ein art vnnnd geschlecht des Ebent / so bißher vn bekant gewesen / fürnemlich die weil auch das Indianisch holtz gleiche hilf erzeygt inn über flüssigkeyt der glider / dann es auch den steyn bricht / vñ die bläng des lauchs

A v gelegt

N^ew erfundner gebrauch des

gelegt vnnnd wendet. Die aber dises holtz für das Baron Auicenne gehalten haben/ sendt auß den worten Auicenne /darzü verursachet worden/welcher dem Baron züschreibt/das es ein gewisse hilff vnd artzney sey wider alle fäl vnnnd gebrechen der Gleych/ gleiche vrsach haben sy auch vom Bestedeen. Aber fürwar das Indianisch holtz ist vil ein anders/dann das Baron/wie Auicenna schreibt/ ist allein dienstlich zü den gebrechen der Gleych / so sich von eüsserlichen züfällen erheben /oder verursacht werden/als verrenckung beynbrüch / vnd der gleichē eüsserliche züfäl/darzü eüsserliche hilff gebraucht wirt. Aber das Indianisch holtz ist ein frefftige heylsame artzney aller erblichen Franckheyten / allein innerthalben gebraucht/ für fäl schwerer züfäll vnnnd Franckheyt /wirt auch von disem vnnnd allem anderem holtz in dem vnderseyden / das die selbigen alle entporschwimmen / aber dises allein zü grund sitzen. Aber von dem Ebeno/ dieweil er ihm in dem theyl gleich ist/namlich das sy beyde zü boden sincken/wirdt er doch hierinn vnderseyden/dz der Ebenus kolschwarz ist /aber dises hat vil ein andie farb/wirt auch in der herte vnderseyden/dafi das Indianisch holtz mag in reinem wasser er weycht werden/wie Auicenna von

Indianischen holtz.

na von dem Ebenu schreibt / den er zu etlichen Colirijis braucht / der Ebenus auch so er zum feür gelegt wirt / verbrünet er bald / aber dz Indianisch holtz mag nit angezündt werden / das Indianisch holtz gibt auch keinen solchen lieblichen vnd guten geruch von sich als der Ebenus / darab wol züuernemen das der schwarz Ebenus vil ein ander gewechß ist / daß dz Indianisch holtz / möcht aber doch wol ein art od geschlecht sein des Ebenu / den alten ärzte gar unbekant / daß dise newe artzey ist newlich vñ new erfundenen landen vnd Inseln zu vns gebracht worden. Das auch Aristoteles schreibt / das kein ander holtz im wasser zu grund gange wann der Ebenus / ist war / aber allein von alle holtz das im bekätlich gewesen ist / dieweil diß holtz erst hernach erfunden worden ist / biß hieher vñ erkandt.

¶ Wie das Indianisch holtz züerkennen / vnd welchs das best sey.

Das ij. Capitel.

S Jeweil das Indianisch holtz inn vilen orten der new erfundenen Inseln wechß / ist von nöten das wir anzeigen / an welchem ort das best vnd krefftigst bekommen

Neu erfundner gebrauch des

men werde mög/dañ es wirt zu vns gebracht auß der Insel Sanct Johans / auß der Insel Sanct Dominici / vnd auß des heyligē Creütz Insel/aber alle dise Insulen seind gegen mit tag gelegen / doch eine näher dann die ander/ auch zimlicher weitte von einander / wie dann solchs gar eygentlich anzeygt wirt / von den Weltbeschreibern / vnd denen so dise art erkündiget haben / vnd ist erstlich das Indianisch holz auß der Insel Sanct Dominici / zu vns gebracht worden / das haben die ärzter ein lange zeit im bräuch gehabt / biß man es dise zeit auch auß der Insel Sanct Johannis vnd des heyligen creütz Insel banger / vnd ist also das Indianisch holz / so inn der Insel Sanct Johannis gewachsen / für das best befunden worden / vnd vil heylsamer vnd nutzlicher / wann das / so man erstlich auß der Insel Sancti Dominici gebracht hat / dann es etwas truckner was / vnd die Francken zñ fast verdorret. Aber das so man auß der Insel Sanct Johannis bringet / erfeuchtet den leib des menschen in hiezigigen Franckheyt / vnd erhelt die natürliche feuchte / wie man solches durch gewisse erfahrung erlernet in den schwindfüchtigen vñ abnehmenden. Das aber solcher vnder scheyd des Indianischen holz beyder Insulen nit wider die

die

Indianischen holtz.

die natur sey/gibt ein anzeygung die gelegens
heyt der ort vnd gegnen/dañ welche gegne de
mitleren zirkel/dauon der himel in zwey gleis
che theyl geteylt wirt/am nächsten ist/soll/ als
die alten Astronomi bezeügen/von wegen der
Sonnen gang/hitziger vnnnd durrer sein/also
ist auch die Insel Sancti Dominici solchem
zirkel am nächsten gelegen / derhalben vö der
vnmässigen hitz vnd trückne von stätigem wi
derglast des Sonnē scheins/ der heylsam saffe
vnd feuchte des kesslichen Indianischen holtz/
vertrücknet vnd verdoeret. Derhalben wir dz
holtz auß der Insel Sancti Johannis für das
best vñ nützlichest achtē. Weiter aber soll auch
dieses holtz von einem baum genummen wer
den/der mittelmässiges alters sey /darmit es
auch dest krefftiger sey in der würckung/ dann
die jungen bäum seind noch vnuollkommen/
aber die altē schwach vnd krafftloß/solche mit
telmässigkeit soll auch an den ästen betrachtet
werden/also das man nit die fleynē zweiglin/
oder den vndersten grossen stammen/sond mit
telmässige äst nemē/nit zū grob oder zū starck.
Wlich halten die wurzel vnd den nächsten stä
mē auff der wurzel für das best teyl/solchs ist
wol war/aber allein an den orten/da man sol
ches holtz grien vnnnd frisch gehalten mag/ als
dañ

Neuerfundner gebrauch des

dan ist mer safft in der wurzel dann inn den
ästen/so bald es aber trucknet/so verdoren die
wurzlen vil ehe dann die äst. Derhalben dieses
holz/wiewol es fast grob/hart/vnnd dick ist/
also das es nit bald verdürbt oder vermudert/
ist doch das grien frisch vnnd safftig das aller
best vnnd nutzlichest / dann ye frischer es ist/ye
krefftiger vnnd heylsamer es befunden wirdt/
Dann ein yedes holz wa es trucknet /so ver-
leirt es von not wegen etwas von seinem safft
vñ natürlichen feuchten. Sieweil aber dieses
holz von art vnd natur wenig safftis hat/ vol-
get darauß das es den selbigen schneller verlie-
re / vnnd von seiner eygen natur wegen belder
verdore. Sieweil nun sein größte kafft im
safft seind / wirdt sein würckung dest mer ge-
schwecht/ye truckner oder dürzer es wirt/der-
halben das grienest vnnd frischest (wa man es
habē möchte) am besten vnd nutzlichsten wer/
sunder in hitzigen trucknen krankheytren vnnd
gebrechen / die weil sein natürlicher safft noch
nicht verschwunden ist / der hierin fürnemlich
würcken soll. Darumb soltu wie gesagt / für-
nemlich das holz erlesen/welchs von der In-
sel Sancti Johannis gebracht wirdt / mittel-
mässigs alters/zimliches stammens oder äst/
auch das frischest vnd grienest/so du gebahen
magst/

Indianischen holz.

magst/nit über ein jar gelegen/schwer am gewicht/noch inn der rinden/an der farb/braun schwarz/dulsch/oder blaw vnd gelb.

¶ Von der natur / eygenschaft / vnd Complexion des Indianischen holz.

Das iij. Capitel.

Sie fürtrefflichen vnd vilfeltigen tugel vnd würckung des Indianischen holz geben ein anzeygung seiner temperierten rechtmässig vermischten natur / dan durch dise heylsame artzney vil schwere vnd sorgliche Franckheyten gründlichen geheylt werde mögen/on sundern vertruss oder beleydigung des Francken/welchem es auch ein sunderliche narung vnd sörung gibt vor andern/der gleichen einfachen stucken oder Simplicien / die zu vilfeltiger artzney des menschen leibs gebraucht werden/vnd wiewol es solche vilfeltige würckung vil mer auß seiner eygne vñ inderliche substanz vollbringet dan auß seiner qualiter zu hitz od kelt vnd der gleichen eygenschaft geneigt/wirckt es doch auch zügleich auß solchẽ qualiter/welche (wie gesagt) gar rechtmässig temperiert vnd vermischet seind/aber durch die qualitet soltu verstion dz natürlich wesen / zu kelt/trückner

Neuerfundner gebrauch des

trückne/wöme/ vnd feuchte geneygt / in welchem es zugleich trefflich würcket/ daß es werden dardurch kalte/warme/feuchte/ vñ trückne Franckheyten vnd gebresten gewendet vñnd Curiert. Aber hie soll dich nitt irren dz droben gesagt vnd angezogen worden ist/ auß der meinung Aristotelis/ das vngleiche widerwertige ding auch vngleiche vnd widerwertige vrsach haben / dergleichen auch das kein widerwertigs sein gegenteyl annem/ daß diese heylsame artzney des holz/ nit also schlecht für sich selbst vngleichliche Franckheyt / vngleichlicher vnd widerwertiger art/ natur/ vnd Complexion heylet / wie yetzund daruon gehalten wirt/ vnd bey den newen vñnd yetzigen ärzten im brauch ist/ sunder wa es also nach art eins yede gebrestens vnd eygenschafft des Francken geändert vñnd sunderlich bereyt vñnd gebraucht wirt/ als wa du den tranck oder solche artzney kräftiger haben woltest/ das vil mer des holz darzu genumen werd/ zu ringerer vnd milderer auch weniger holz gebraucht werd. Das aber diß holz gänzlich temperierter vñ rechtmaßiger / vermischter natur sey / mögen wie weiter auß seiner vilfeltigen würckung (wie auch droben gemeldet) erfahren vñnd erachten nach der leer Auerrois/ vnd der älteste ärzter/
die

Indianischen holtz.

die solchs auß dreyerley würckung abnemme
vnd ermessen/ Die erst würckung ist erhitzig
erkelten/trücknen vnd erfeuchten / Die ander
würckung auß den ersten/als von wörme vnd
feuchte/erweychen/von kelte vnd trückne / er=
harten/ Die dritt vnd leyst würckung gschicht
in bequemen ort vnd statt als den harn fürdes
ren / die gall oder Cholerisch feuchte austreis
ben/20. Auß der ersten würckung erscheint diß
Indianisch holtz gänzlich Temperierter/vnd
gleichmäßiger vermischung / daß es nit über
die maß erhitzig noch erkeltet/auch nit vnmaß
siglich erfeucht oder trücknet / inn summa es
übertrit die rechte maß nit so man es braucht/
daß es gibt kein hitzigere narüg od geblüt/dar
von der leib auffenthaltē vnd gfürt wirt/sun
der ein ganz temperierte vnd rechtmässig ver
mischte. Dañ nach der meynung vnnnd leer A
nerrois / so ist das ein rechtmässig vermischte
temperierte artzney/welche so sy gebraucht/vñ
der materi so darvon außgetriben / vergleiche
wirt/nichts eusserlichs frembds erweckt/ wie
daß auch dises holtz die art vnnnd eygentchafft
hat. Weiter so erscheint auch dises holtz durch
die ander vnd dritt würckung/gänzlich tempe
rierter vnd rechtmässiger vermischter natur/
daß es zeibet zñsamen vnd stopfft/löset vnd er=
B weycht

Uew erfundner gebrauch des

weycht fast mäßiglichen. Desselgleichen auch so es die lung oder die leber reynigt / den harn fordert oder den schweyß außtreibet / würcket es solchs alles fast mäßiglich on beschwermiss oder verletzung des leibs. Derhalben klar vñ offenbar ist/dz es ganz temperierter vñ rechtmäßig vermischter natur sey / wiewol es fast schwerlich vom Philosopho vnd Arzetz Auerroezügelassen wirt/das ein einfache artzney erfunden werden mög in aller würckung ganz temperiert vnd rechtmäßiger vermischter natur/haben wir doch solches ein güts wissen in disem holtz auß täglicher übung vnd gewisser erfahrung. Aber doch wiewol es ganz temperierter natur ist/so ist doch von nöten / das ein qualitet gleich wie in allen einfachen artzneyen einer qualitet/die andern übertreff/vnd hierin stimmen alle yetzige ärzetz zusamen/vñnd halten das dises holtz warmer vñ truckner natur sey/ aber in welchem grad/ ist inē nit allen bewißt/ dan etlich meynen das es den dritten grad erreiche/ aber ich spuch das es allein den andern grad in der wärme erreiche/vñnd nit weiter/welchs ich also probieren will/Nämlich wa dises holtz den dritten grad der wärme erreicht/wurde es in zweifel denē so es in die lēge brauchen hitze febris/entzündung / vnd der gleichen

Indianischen holtz.

den hitzige gebrethen erwecken von wegen der
hitz. Si. weiles aber augenscheinlich würckt/
on cynig nachteil/schaden oder verletzung des
leibs/muß es gewißlich den andern grad der
wörme nit übertritten/wie auch solchs Gale-
nus bezeitigt. Auch hör ich warhafftiglichē sa-
gen/das inn denen Insulen/da dieses heylsam
holtz wechset/die kinder geboren werden nit
verunreynigter haut/pforzen vnnnd geschwer-
lin/daruon gar bald nach der geburt der gantz
leib verunreynigt wirt/von der scheytel an biß
zu vnderst des fuß/aber so bald sy des berey-
trancks von diesem holtz brauchen/namlich vō
der frischen wurzel bereyitet/ werden sy reyn
vnnnd gänzlich gesundt inn kurzen tagen. Es
seind aber die wurzlen vil stercker vnd kräfti-
ger dan andere theyl dieses baums/deßgleichen
auch der leib junger kinder/zarter/schwecher/
vnd vil leichtlicher vnd belder geschedigt oder
geletzt/ aber sy entpfahen keinen schaden oder
nachtheil/ sunder gesundtheit von diser artz-
ney/darauß klärlich geschlossen werden mag/
das dieses holtz den andern grad in der wörme
nit übertritt/ vnd gänzlich temperierter
vnd rechtmässig vermischter na-
tur sey/20

B ij ¶ Von

New erfundner gebrauch des
Von der trefflichen / krefftigen /
vielfeltigen würckung des Indiamischen
holz. Das v. Capitel.

In vorgeendem capitel / haben wir dieses
kostbarlich holtz / warmer vnd truckner
natur gesetzt / nun wollen wir auch sein
krefftige treffliche vielfeltige würckung erzö-
len / daß es nit allein nutz vnd behilfflich ist dē
francken / so einer / vnd gleicher natur vñ Com-
plexion seind / auch nit in gleichliche franckheis-
ten / sunder in allen vnd yeden Complexionen /
vnd widerwertigen franckheyten / sunderlich
wa es rechtmässig bereyt wirdt / Dañ über die
krafft seiner innerlichen natur / vnd substanz /
würckt es auch auß seinen qualitetē / nit allein
hitze vnd truckne / sunder erfeuchtet vñnd keltet
auch vnderweilen / wa es von nöten ist. Der-
halben soltu aber nit gedencen / das solchs wi-
der die natur sey / das ein ding mancher ley wi-
derwertige würckung thue / so es in der berey-
tung / vermischung / vñnd gebrauch geendert
wirdt / Dañ Galenus bezetügt am ersten von d
natur / kraft vnd würckung einfacher artzney /
das mancher ley widerwertige kräfte vnd tu-
gent in einfachen artzneyen erfunden werden
mögen, die in selbst gegen einander widerwer-
tig

Indianischen holtz.

tig seind/also das man wol in einem stuck/ein
wärmende krafft/widerumb ein keltende/auch
wol ein erfeichtende/vnd dargegen ein trück-
nende erfinden mög/wie dan auch inn diesem
holtz gesunde wirt/welchs alle dise wärckung
vollbringen mag/so es rechtmässig darzu be-
reyt wirdt in seiner vermischung/so du zu we-
nig wassers vil holtz/oder zu vilem holtz we-
nig wassers nimpst/Seßgleichē so mans offte
oder selten vil oder wenig braucht. Also magst
du klärlich mercken/das die krafft vnd wärck-
ung dieses holtz manigfaltig/vnd fast krafftig
seind zu mancherley fäl vñ gebrechē des mēsch-
lichen leibs/so mans ordenlich/als sich gebürt
bereyt vnd braucht/wie nachfolgen wirt.

In was franckheyten man von
dem holtz absteen sol/vnd andere artzney
erwölen. Das vi. Capitel.

Wiewol nu dise kostbarliche artzney des
holtz in allen franckheyten vnd gebrech-
chē des leibs fast nutzlich vnd heylsam
ist/miß man sy doch erwan vnderlassen vñ ein
zeitlang daruß abston/als namlich in dē fran-
zosen oder bösen blatern/wa solliche veraltet/
tieff eingewurtzlet weren/vnd über die zeit ge
B ij were

Neuerfundner gebrauch des

weret hetten/irretten wir zu dem schmieren vñ salben mit quecksilber / aber doch soll es in keinen weg geschehen/ du habest daß des trancks von diesem holtz zwey oder drey mal gebraucht/ vñnd gänzlich gewiß seyest das sunst nichts helfen wöll/dann die artzney des holtzs ist ein gewisse vñd bewärte hilff der Franzosen / vor allen andern artzneyen/dañ der leib weder geschedigt noch geletzt wirt darvon/ welches gar nit geschehen mag mit dem Quecksilber vñnd Zinober/von welchem der leib trefflich geschedigt/vñd vnerstattlichen geletzt wirt/ wie wir auß langwiriger erfahrung vñd täglichem gebrauch vñd übung erlerner haben. Derhalben die schwerlich irren so vnderstond solche stuck zu Corrigieren oder jr giff zu benemen/ daß sy werden nichts außrichten / dieweil das quecksilber ein tödtlicher vñnd schädlicher feind ist/ der fürnempften glider / deßgleichen auch aller anderer glider/ daß es zerstört vñ verderbt die beyn in grund vñd das geäder/erweckt beßlen vñd harte knorren in beynen vñd gleichen/wiewol wir vns auch ein läge zeit bemühet haben/ jm sein schedliche krafft zu benemen durch mancherley kunst vñnd geschicklichheyt / aber noch wenig außrichten mögen/derhalben wir es gänzlich darfür achten vñd halten/ das jm
solche

Indianischen holtz.

solche giftige schedlicheyt in feinen weg zübenemmen sey / der halben du in den Franzosen von dem holtz nit ablassen solt vnd schmierung oder salben von quecksilber brauchen / es habe daß der bresthafftig vor vñnd ee das holtz zwey oder drey mal gebraucht / vñnd aber nichts geholffen / also das der gebrech züfast veraltet vñ der franck züscer verunreynigt wer / als dann magstu dise artzney des schmierens brauchen / dem sprüchwort nach ein halb truncken kalb sey gut züwagen / aber daruon weiter züreden / ist dises ort nit vnser fürnemmens / die weil vnser red allein auff die vilfaltig tugent des Indianischen holtz geordnet ist / also hastu in kurzem die würckung / natur / vñnd krafft dises holtz. Nun will ich dir weiter anzeygen / wazer dises holtz solche wundbarliche krafft hab / sampt etlichen gemeynen regeln / so ndrig zü wissen ee ich dir die rechtmäßig bereytung vñ nutzlichen gebrauch anzeyge / r.

Auß was ursach dz Indianisch holtz also kräftig / mancherley franckheit züwenden vnd Curieren.

Das vij. Capitel.

B iij. Ye.

Neu erfundner gebrauch des

Mer sich ein yede artzney der wöime/
des leibs des menschen ver gleicht/ vnd
der natürlichen leblichen feüchten/ vnd
sich inn solche feüchte verwandelt / daruon der
leib ernöt vnd erhalten wirt/ ye kräftiger / si-
cherer/ vnd augenscheinlicher sy würckt. Dañ
die vollkümnest vnd best artzney ist/ welche/ zu
dem das sy ein artzney ist / auch den leib speiset
vnd fürt. Also ver gleicht sich auch die heylsam
artzney des holzts vor andern artzneyen/ dem
safft vnd der feüchte daruon der leib genöt/ ge-
fürt/ vnnnd alle glider gespeißt werden/ darin
sich solche artzney auch leichtlich ver wandlet/
vnd gibt dem leib ein reichliche kräftige speiß
vnd narung vor allen andern artzneyen vnd ge-
tränck/ dañ die Francken so den tranck des holzts
ein lange zeit gebrauchten mit fast ringen ande-
rer speiß/ werden eben der massen geführt vñ ge-
speißt / als ob sy mit viler anderer kost ernötet
vnd erhalten oder reichlichen gespeißt würdē/
Dieses tranck gibt auch kein ringere narüg / od
kräfti/ dañ hünnerbräuln vnd dergleichen kräfti-
rige speiß. Derhalben kein wunder ist / das vñ
diser kräftigen artzney vilerley Franckheyt vñ
gebreechen Curirt werden mögen/ diereil sol-
che artzney also fast gleich vnd ähnlich ist / dñ na-
türlichen feüchte/ vnd narung der glider / vnd

Indianischen holtz.

ir eygnen substanz/ auch darzu mit heylsamer
tugent vnd kräftten begabt ist/ von natur/ die
alle ding würcket / Dañ von diser heylsamen
artzney wirt gemelte / natürliche / vnd lebliche
feuchte von tag zu tag gemindert vnd gesterckt/
vnd alle schädliche böse materi daruon kräft-
tiglichen außgetriben / dañ daruon wirt das
geblüt gereynigt/ vnd alle giftige materi gelö-
set vnd zerteylet/ die glider gesterckt vnd bekräf-
tigt von der heylsamen narung / die sich durch
den ganzen leib er stretcht/te

¶ Das nitt allein die Franzosen/
sunder auch andere schwere sorgliche zufäll vñ
franckheytē/ mit dem Indianischen holtz
Curiret vnd gewendet werden mö-
gen. Das viij. Capitel.

W On der heylsamen artzney des India-
nischen holtz werden nit allein die Fran-
zosen oder bösen blatern / wie anfang-
lich als dises holtz erstlich erfunden worden/
im brauch gewesen/ geheylt vnd Curiret / sund-
er auch vil andere sorgliche vnd schwere franck-
heyten / als die schwindsucht vnd abnemmen/
das Podagra/ die fallend sucher vnd andere vil
vnzölicher franckheyten mer / auß gleicher vz-
B v sach

Neu erfundner gebrauch des

fach / als inn vorgehenden capiteln gnügſamlich angezeygt vnd bewärt worden iſt / vnd iſt ſolches erſtlich erkündigt worden in den Franzoſen / mit welchem ſich vilmalen auch andere ſchwere Franckheyten vermischen / als aber die artzney des holtz zu den Franzoſen gebrauchet auch andere Franckheyten hinweg nam vnd Curiert iſt ſolchem weiter nach getrachter vnd bewärt erfunden worden. Wie aber diſe heylſame artzney zu allen Franckheyten nützlich gebraucht werden mög / wil ich vmb merers verſtands willen von einer yeden ein ſunder capitel ſetzen / aber das ſoltu für ein gemeyne regel halten / das du diſe artzney nit brauchest du habest dan andere hilff vnd radt vergeblich gebraucht vnd nichts außgericht / als dan ſoltu dem leſte zuflucht haben zu diſer artzney / wie die ſchiffleut ſo inn höchſter not den ſterckſten ancker außwerffen. Weiter will ich dir anzeygen / wie man ſich zu diſer koſtbarlichen artzney ſchicken ſoll.

Von erwölung des ortz vnd gemacht darein der Franck gelegt werde ſoll / diſe artzney des holtz zubrauchen.

Das ix. Capitel.

Siewell

Indianischen holtz.

S Zeweil vor allen dingen / die schedlich
feuchte auß dem leib getriben werden
soll / vnnnd man dan erst die materi der
francfheyt lösen vnd erweychen muß / vnd die
heymlichen gāng der schweyßlöchlin eröffne/
das solche verrichen vnd dardurch außgetri-
ben werden mög / ist von nöten das der francf
die zeit so er Curiert werden soll / sich an d wör-
me in einem warmen ort oder gemacht halte/
darmit die schedlichen feuchten von Felte nicht
gröber vnd dicker / die haut hart vnd verstopft
werde / dardurch du inn deiner würckung ge-
hindert würdest sampt der artzney / dann von
der Felten / werden die heymlichen gāng der
schweyßlöcher enger vnd zūsammen getribē.
Derhalb das gemacht / darin der francf ligen
soll / von natur warm sein muß oder gewör-
met / doch soll hie inn der wörme gewisse maß
vnd ordnung gehalten werden / nach art vnnnd
gelegenheyt einer yeden francfheyt / dan in kal-
ter sucht vö viler schedlicher feuchte geursache
ist ein hitziger gemacht von nöten / aber in hitzi-
gen gebrechen von ringer feuchte / ein ringers
wörme / also soltu nach art des francfen /
vnd des gebrechen das gemacht
erwölen.

¶ Von

New erfundner gebrauch des
Von erwölung bequemer zeýt
des jars. Das x. Capitel.

SJe best vnd bequemest zeit die kostbar-
lich artzney des holtz zübrauchen / ist der
Glenz od Frülíng / darnach d Herpst
von wegē rechtmässiger vnd temperierter ver-
mischung in wörme vnd keltē / der Summer ist
mit als bequem / sunderlich in hitzigen frack-
heytē / auch denen so hitziger natur vnd Com-
plexion seind / von wegen grosser schwachheyt
überschwencklicher hitz / Deßgleichē auch der
Winter soll vermiten werden in kalten süch-
ten / vnd denen so kalter natur seind / dan ein je-
der vil mer geletzt vnd geschädigt wirt vō glei-
cher qualitet seiner natur / dan von dem gege-
teyl / als die so hitziger Complexion seind / mös-
gen weniger hitz dulden / deßgleichen die kal-
ter natur seind / weniger keltē. Wa aber die heff-
tigheyt der frackheyt / vñnd dich die not darzü
reunge / vñnd es gleich im stercksten vñnd keltēstē
Winter were / soll das gemach dester baß ge-
wörmet werden / eben dermassen / als ob
es in der wörme / im Frülíng
were /c.

Von

Indianischen holtz.

Von der speiß vnd narung / vñ
warumb die selbig fast genaw vnd ring
sein soll. Das xj. Capitel.

Welche dise kostbarliche artzney des holtz
gebrauchen wöllen / sollen mit fast
weniger speiß vnd ringer narung ge-
fürd werde / daß die dāwung ist nichts daß ein
verwandlung der speiß in ein bequeme narung
des leibs von d natürlüche hitz. Wa aber sampe
dem getranck des holtz vil überflüssiger speiß
gegeben wurden / vermöcht die natürlüche wör-
me nit zügleich den tranck des holtz / der nicht
leichtlich zūdawen ist / überwinden / vnd sy bei-
de zü bequemer narung bringen / dar durch daß
die dāwung zerstört wurde / derhalben soll der
presthafftig mit ringer speiß fast genaw erhal-
ten werden.

Von erwölung des brots / damie
der presthafft die zeit der Cur gespeißt wer-
den soll. Das xij. Capitel.

Es ist vil nutzzer vnd besser das der präck
oder bresthafft die zeit der Cur mit zwey-
bach (das ist brot / das zwirend gebachen
ist) gespeißt werde / daß mit ander m gemeynē
brot

Neuerfundner gebrauch des

brot/vrsach halber/dieweil das zwibach dürzer
vnd truckner ist/erhaltet es den tranck des hol
zes lenger im magen/dar mit solch tranck nit
schnell auß dem magen fließ/vnnd also vnge
dawet in die adern außgossen werd/dann wa
die feuchte des tracks ledig im magē schwim
me/wurde sy gar bald von der leber ansich zo
gen/derhalben sy von dem trucknen zwibach
gehalten werden soll biß zu vollkūnner dāw
ung/dar mit der leib daruon gesterckt/vnd die
sucht daruon vertriben werden möge. Dises
brot ist auch fast leicht/auch derhaltē deß nutz
licher/dañ es kan dē magē nit heffig beschwe
ren/wie das gemeyn brot. Diser zwibach soll
auch an im selbs rechtgeschaffen bereyrt wer
den/also das es sauber vnd reyn sey/ gesaltzen
wol gewürckt/gebfelt vnd wol gebachen/es
soll auch auß reyn gebütteltem māl gemacht
werdē/dar mit es freffiger sūre/wiewol auch
nit hoch daran gelegen ist/ob du ihn gleich mit
gemeynem weißbrot speiseste/doch das es wol
gebachen/vnnd der massen bereyrt sey/wie erst
gemeldet/sunderlich so der franck mager vnd
nit wol bey leib were/hitziger Complexion vñ
hitzigen franckhesten. Dann die dāwung des
trancks vō holtz von solchem gemeynem brot/
wa es rechtgeschaffen bereyrt ist/nit gehindert
wird

Indianischen holtz:

wirt/auch in schwachen vnd krafftlosen Francken.

Gemeyne ordnung vnd regimēt
der speiß/deren sich der franck die ganz
zeit der Cur gebrauchen soll.

Das xij. Capitel.

Sie gemeyn ordnung in der speiß/welche der franck durchaus die ganze zeit der Cur halten soll / des morgen imbiß vnd nacht imbiß ist/dz er des zwibachs vj. lot / mörtreübel iij. lot / mandelkern wol getrücknet ij. lot brauche. Wer aber der franck fast fräsig/möchtest jm noch ij. lot brots zugeben / also das er viij. lot hett des abents vnnnd morgens. Aber gemeyner speiß vnd narung / daruon er ernört vnd erhalten werden soll vō anfang biß zu end der Cur/soltu jm junge hünner vnd hennen bereyten/Capaunen/Fasanen/hartem gesfügel/kitzen oder jung zyglin fleysch /die noch saugend/von solchem fleysch soltu jm vj. lot geben morgens vnd abends/ mit sechs lot brots/ Wa es aber die sucht oder gelegenheyt des fräcken erforderen wurde/magstu ihm auch noch zwey lot zugeben / also das er des brots acht lot habe / vnnnd acht lot des fleyschs/ Aber am fleysch ist es am aller besten/das du an jungen
hennen

Neu erfundner gebrauch des

bennen anfahest/die noch nit gelegt haben/biß die Cur den merern teyl vollbracht ist/dañ solche speiß abwechselst/Wa es auch von nöthen sein wirt/magstu im müßlin bereyten von zerstoßnem vnd durchgetribnem hünere oder Cappaunen fleysch/vnnd hünerebrülin von anfang an end.

Wie die ordnung vnd regiment

in der speiß züuerendern sey nach gelegēheyt der sucht/vnd des francken.

Das xiiij. Capitel.

Witter soltu wissen das in der Cur des holtzes nit allzeit gleichliche ordnung vnd regiment in der speiß oder diet gehalten werden soll/sunder die selbig nach art d'franckheyt/zeit/Cöplexion vnd alter des bresthaffrigen/dañ nach mancher ley art vnd eygenthschafft der sucht/soll auch die Diet geendt werden/am anfang/zünemen/höchsten d'franckheyt vnd im abnemen/auch etwan die gemeyn Diet/etwan freßfugende speiß gebraucht werden/nach ordnung des xiiij. Capitel/s wie solches die art vnd eygenthschafft des francken vñ die sucht erfordt. Dañ die Sanguinei vñ Choleric/ wiewol sy etwas gleich seind/mögen doch die Sanguinischen den hunger baß vertragen

Indianischen holz.

tragen wann die Cholerischen / wa sunst nichts hindert/der halben das der Sanguinisch minder entzündet wirt / von wegen rechtmässiger vermischten temperierten wö:me/vnd auch dz die feüchtigkeyt in jm langsamer gelöset wirt von wegen seiner feüchten Complexion / Die flegmatischen /wiewol sy zum teyl den melancholischen verglichen werden mögen /dulden sy doch leichtlich den hunger von wegen überflüssiger feüchte/dafi der melancholisch trückner ist/in der felte übertrifft auch in disem teyl der flegmatisch den Sanguinische / also mag der Cholerisch vnder allen Complexionen vnd naturen den hunger am aller wenigsten dulden/von wegen der vnmässigen hitz vñ trückne. Der halben auch nach solchem vnderseyd die ordnung vnd Diet geendert vnnnd vnderseyden werden soll / vnnnd werde solchs auch in mancherley alter betrachtet vnnnd gehalten/dañ die so gestandens alters seind/ mögen den hunger vil baß dulden dañ das jung volck/wa sunst nichts irret/ die jungen noch minder dañ die kinder. Aber vor allen dingen soll d'francß des tags so er purgiert oder gereynigt worden ist/mit fleysch gespeiset werden/ von wegen d'schwachheyt vnd frassilosigkeyt so von der reynigung vnnnd lárung erwechßet/ aber doch soll

E für

New erfundner gebrauch des

fürnemlich verhütet werde roheyt oder vndä-
wigkhey des magēes/wa auch der mag zūblöd
vñ schwach wer/soll er widerüb erquickt wer-
den mit gestoñnen vnd durchgetribnen müß-
lin von hūner fleysch / des morgen imbiß vñnd
nachtimbiß. Das fleysch sey auch wol gesottē/
oder auff senfften kofse für lin gebraten on ey-
nig salsen/pfeffer/oder gewürtze bülin/ fast we-
ng oder gar nichts gesaltzen/damit die krafft
oder würtkung des trancks vom holtz nit ge-
schwecht oder zerstört werde/darffst dich auch
keins vnwillens des magens besorgē / dan der
selbig auß eygner natur vnd krafft des trancks
vom holtz gesterckt vñ gekreffigt wirt/sampt
der dawung / welche auch darvon gefürdert
wirt.

¶ Wie der bresthafft innerlichen
purgiert oder gereynigt werden soll.

Das xv. Capitel.

Al einer yeglichē franckheyt die mit dem
tranck des holtz Curiert werde sol/ müß
der presthafft ye zū acht tage ein mal pur-
giert oder innerlichen gereynigt werden/ oder
wa ein grosse menge überflüssiger schädlicher
feuchte erscheine/ye des sechsten tags ein mal.
Wer aber solcher schädlichen /überflüssigen/
feuchte

Indianischen holtz.

feuchte fast wenig/ist gñig ye über dē zwölff
ten tag purgiert werden. Hierin soll d geleere
vnd erfahren artzet / gar eygentlich warnemen
vnd betrachten/die art/natur /vnd Complexiō
der Franckheyt vnd des bresthafften/vnd fürnē
lich die maß der übrigen schädlichen feuchten/
dañ solche überflüssigkeyt vō tranck des India
nischē holtz gelöset vnd gedawet werde/vnd
auß allen ortē zūsamē gezogen/nach mächer
ley art d materi vil baß dañ von keiner andern
arzney/dañ die dünnen subtilē feuchten treibe
es auß durch den schweyß/ aber die groben zä
hen schleim erweyche solcher tranck/vnd für dē
sy zū leichterē außgang. Derhalben der brest
hafft zum offerē mal purgiert werde sol/aber
fürnēlich zū anfang der Cur. Aber nachmals
so die Cur angefangē ist/vnd du in purgierest/
soll er desselbigen tags den träck vom holtz nit
trinckē/weder morgens noch abēds. Wa aber
in der purgation od würcküg der arzney heffa
tiger schmerzen oder stechen im magē wer od
in den dārmen/oder die arzney leichtlich wür
cket vnd nit wol vō statt gieng/magstu im wol
brülin geben von hünern / die ungesalzen sey/
mit zucker bereyttet / vnnd dergleichen andere
hilff/daruon die arzney gefürdert werde/dañ
solchs hindert nichts in der Cur.

E h ¶ Wie

New erfundner gebrauch des
¶ Wie sich der Franck inn zeit der
Cur halten/auch was er meiden soll.

Das xvj. Capitel.

SEr Franck soll in der zeit der Cur / eeli-
che werck gänzlich meiden vnd slichē/
wa er auch fast geneygt darzu wer / soll
man jm die lenden vnd nieren mit Falten sälb-
lin schmieren / vnd der gleichen arznei brauch-
chen / daruon solche begird außgelöschet wer-
de / auch nach der Cur soll er sich auff xxx-tag
lang erhalten. Weiter soll er auch alle sorg / kü-
mer / leyd vnd vnmit außschlagen / vnd alle an-
fechtung des gemüts ferz hindan treiben / dan
daruō auch der leib gekränckt wirt / wie solchs
Galenus bezeüigt in einem sundern büch / das
er hienō gschriben hat. Wa es auch sein möcht
wer nutz vnd güte das der Franck lustig vñ frö-
lich wüerde von güter freünd geschwet / Liebl-
chen instrumenten der Music vnd der gleichē/
was zu freüden vnd wollust dienet / vnd allen
kummer vertreiben mag / wa auch den Francken
ein stätigs wachē ankām / vnd er nit mer schlaf-
fen möcht / ist böß vnd gefährlich / soll auff das
beldest gewendet werden / dan gleich wie der
schlaff ein haffi vnd band ist leiblicher krefft vñ
stercke / also ist dz wachen wid ein zertrennüg
vnd

Indianischen holtz:

vnd schwächüg der selbigē/dañ als fast dleib vom schlaff gesterck vnd bekräftigt wirt /als blöd matt vnd krafftloß wirt er von vilen vnmäßigem wachen/darumb der schlaff bald gefürdert werden soll/mit dem Syrop vō Mag samen vnd andern der gleichen stucken/darmit auch der kräck sicherer Curiert werd / ist besser das er die ganz zeit der Cur zū betth lige /bis die Cur fast auff das halb kumpt/ aber hernach mag er nach dem er des morgens geschwitz hat/wol auffstehen /vnd die übrigzeit des tags vertreiben womit er will/ aber doch das er nit erkalte oder bemüdet werd/dañ vmb diser vñ anderer ursach mer soll die franckheyt inn vier zeit geteylt werden/wiewoletliche Cur in kurzer zeit gschicht/nemlich in xx-tagen/ aber die gemeyn Cur ist xl-tag. Es sollen auch weiter in der Cur kein eüsserliche artzneyen gebraucht werden/der franck sol sich auch hüten/die gätz zeit der Cur/das er die hend mit keinem kalten wasser wäsche/sunder mit weissem wein oder warmē wasser/damit nit die schedliche feuchten von der Felte hinder schlagen oder züruck getriben werden.

¶ Vom schweyß vnd was hierin zübetrachten sey. Das xvij-Capitel.

C ij Der

Neu erfundner gebrauch des

SEr schweyß wirt (wie auch dioben gesagt) von eygner natur des holzts getriben/welcher zu anfang vnd erste fürfahren der Cur hefftiger ist / dann die zeit so der merer teyl der Cur vollbracht ist/vnnd zu ende neygt / Wa auch der franck die ganze zeit der Cur hefftig schwitzet / ist ein zeychen das vil schädlicher vnd böser feüchte vorhanden seind. Solcher schweiß wirt etwan auch verur sacht / wa der franck fast hitziger natur ist / oder die heimliche gäng der schweyßblöchlin weit. Welcher aber nit schwitzen möcht / dē sol d schweiß mit bequemer hilff gefürdert vnd außgetribē werden / als mit einem heysen ziegelsteyn mit weißem wein begossen / vnnd vnden an die sohlen der füß gelegt / daß solches erwecket den schweyß krefftiglich / aber der schweyß soll nit allzeit gleichlich erwecket werden / sonder etwan vil / etwan fast messiglich / auch vnderweilen gar wenig / wie solchs die gelegenheyt des francken / vnd die art der franckheyt erfordert / oder erhaysen wirdt. Darmit auch die feüchte dem haupt nit schädlich sey / wer nutz vnnd güt das der franck gar ploß biß auff die haut beschoren wurde. Man soll ihm auch den schweyß gar wol von der scheytel an biß zu den füßen

Indianischen holtz.

füssen hinab abtrücfnen / damit an keinem ort etwas von solchem schweyß bleib vnnnd weeren schaden bring oder die sucht mere / derhalbender ganze leib / vnd fürnemlich das haupt gar fleißig vnd wol abgetrücfnet werde solle.

Von rechter vnd ordenlicher bereytung des trancks vom Indianischen holtz.
Das xvij. Capitel.

Wiewol von vilen meysteren mancherley art der zubereytung diser kostbarlichen heylsamen artzney erfunden ist / als durch Pillulen / küchlin / Latwergen / auch einbeyzungen der blümlin daruon / vnnnd zarten zweiglin / oder bereyteren Sirop von dem safft solcher zarten ästlin / ist doch solchs alles vergeblich vnd gar vnnutzlich erdacht vnd also erfunden worden / dieweil solches kein gemeyne / sunder ein sunderliche artzney vnnnd hilff ist / daruon nit der ganze leib vnd alle glieder inn ihr rechte natürliche gesundtheyt gebracht werden mögen mit stäter vnd langwärriger franckheyt beleydiget vnnnd überladen / aber der best / nutzlichest / sicherest vnd gewissest weg ist / der tranck von gesottnem holtz /
E iij daß

New erfundner gebrauch des

dañ solches ein gemeyne fürreffliche artzney vnnnd hilff ist/ dauon auch die Francken hefftig gespeiset/geführt vnd gekreffigt werden / das es billich ein artzneische speiß vñ fürüg möcht genant werden / wie wir auch droben anzeygt haben. Zu disem tranck soll von dem holz ein stuck genummen werden / zimlicher dicke vnd größe/mässigs alters/das fast schwer sey vnd frisch /an der farbe etwas braun vnd /gelfarb vermischet/ auß der Insel Sancti Johannis/ oder auß des Heiligen Creütz Insel/ wie wir auch droben vrsach' erzölet haben/ mit eygenlichem berichte/ warumb die wurzel hierzu vntauglich sey in vnsern landen/ &c.

¶ Vrsach warumb sollichs tranck ein langen sudt bedarff. Das xix. Capitel.

In vorgehenden capiteln haben wir klarlich angezeygt / wie dz Indianisch holz trucken/hart vnd dürr sey / dieweil aber zu rechter vermischung weyche fließende ding erfordert werden/ist auch von nöten/das dises holz zu ordenlicher vermischung erfeuchtet / vñ erweyhet werde. Solchs mag aber inn keinen andern weg geschehen in disem Indianischen holz/

Indianischen holz:

holz/wan durch langes kochen vnd sieden/ da mit ein rechtmäßige vermischung werde möge des holz vnd des wassers/welche hierinn gar widerwertiger natur seind.

¶ Wie das Indianisch holz erstlich zu dem tranck bereyt werden soll.

Das xx. Capitel.

S Armit aber das Indianisch holz das leichtlicher erweycht werde im beytze/ vnd ee vermischet werd vnd erfeychtet/ soltu es vor vnd ehezü dünne zarten spänlin hoblen lassen / vnd dan in ein saubern geschire wol beytzen. Der gefeß sollen auch zweyer ley sein /das ein iridin das ander gläsin. Die zeit seiner erweychung oder einbeytzung in kalten süchten ist auff die xij. stund vor dem es gesottē wirt/darmit es sich baß vermisch vnd leichtlicher erweyche / darvon es kräftiger würcken mag/aber in hitzigen gebrechen oder krankheiten soll es gar wenig oder gar nit erweychet werden/darmit es auch nicht als freffriglich oder züheffrig würcke/als wir in sunderheyt von einem yegklichen eygentlichen sagen wöllen.

¶ Wie

New erfundner gebrauch des
Wie/ vnnnd wie offft der tranck des
Indianischen holzts gesotten werden soll.


Das xxj Capitel.

Er erst weg der kochung oder sieden des
trancks von dem Indianischen holz/ ist/
dz man die erweychten vnd eingebeyzten
spänen neim/ sampt dem wasser in einē glesin ge-
schirz/ wie gsagt ist/ vnnnd diß glas oder kolben in
ein andern kupffern kessel od' geschirz setz/ gerings
herumb mit stro oder hew wol vmblegt vnd be-
stopfft / dz es von dem wasser nit entpor getriben
werd/ oder mit darzü bequemen bleyen ringē be-
festigt/ wie diß nachfolgend figürlin anzeygt.



Indianischen holz.

Form vñ gestalt des kessels oder kupfferin gefeß



Disen kessel füll daß voll wassers / vñnd ver-
schon aber des glaß / das es nit zerbrochen werde
im kessel / so du es verstopffest vñnd befestigest. So
bald nun das wasser im kessel (welchen du in ein
sund ofelin einmauren magst) erhizigt vñnd siedē
wirt / so facht auch der tranck an im glaß zū siedē /
aber dise zeit wirt allein solcher tranck schlechti-
che in eim iridin geschir: mit kofteür gerings her
umb vmblegt / gesotten / aber die erst meinūg mit
dē glesin geschir: ist besser / zū hizige tranckheitē /
hizigen leütē als den Cholerische vñ Sanguini-
schen /

New erfundner gebrauch des

sehen/ Aber der and träck schlechlich in irdinē
geschirz bereit/ist hitziger vñ dienstlicher in kal-
ten sūchten oder gebrechen/vnd denen so kalter
natur seind / als den flegmarischen vnd Me-
lancholischen. Siweil wir aber droyen ange-
zeygt haben/wie solchs tranck ein gūte zeit ge-
sotten werden soll / soltu aber mercken das inn
allen oder yeden franckheytē nit gleichliche zeit
erfordert wirt des sudts/dañ etliche ein lengeren
/eulich ein kurzern sudt erfordern. Derhal-
ben du gewisse grad des siedens setzen solt als
den ersten grad so ein pfundt überbleibt / den
andern neū vnz / den dritten sechß oder sibē
vnz/vnnd also fürtan. Weiter so werden auch
die spān des ersten sudts ein mal oder mer wi-
derumb erweychet / durch gesigen / vnnd wol
außgetruckt wider eingeweycht / vnnd zū dem
andern /oder so es von nöten wer /auch zū dem
dritten mal gesotten. Der erst sudt wirt dz erst
tranck/erstes wasser /oder der Sirop des hol-
zes genennet / Der ander sudt/das and waf-
ser /der dritt das dritt wasser vnnd also fürtan.
Aber der Sirop oder das erst wasser /ist hitzi-
ger vnnd dienstlicher /zū kalten sūchten kalter
leüt. Aber das ander tranck keltet mer / vnd ist
in hitzigen franckheytē vnd hitzigen Comple-
xionen nutzlicher. Herbst zeitē vnd zū end des
Glenzers

Indianischen holtz.

Glentzen oder Frühlings soll das getranck ybe
über den drittē oder auch den andern tag frisch
bereytet werden / dann es von der wöime bald
zerstört wurde. Aber im Winter ist es gnüg dz
mans ye über den fünfften oder sechste tag be-
reyt / das in der kelte mag es lenger vor seülniß
vnd zerstörung erhalten werden / derhalbē im
Winter ein ganz pfund zum sudt genummen
werdē sol / aber hitziger zeit nur ein halb pfund
also soll das heylsam tranck gesotten werden.

Ob auch in dem tranck des In-
dianischen holtz andere bequeme stück
nützlich gesotten werden mögen.

Das xxij. Capitel.

Vend der Cur vnd in hitziger Complexi-
on mögen auch nütlichen küende kreüt-
ter / als Wegweiß / Endiuin / Ochsen-
zung / Burretsch vnnnd dergleichen kreüter ge-
sotten werden / fürnemlich die leber vnnnd das
geblüt zükülen / Das ich aber von end der Cur
gesagt hab / mag auch inn preferuierung oder
verhütung / vnnnd inn der Cur selber gebraucht
werden / sunderlichen wa die leber vnnatürli-
chen geschickt wer / fürnemlich denen / welchen
auff den schinbeynen bläterlin / oder geschwer
auff

New erfundner gebrauch des

aufffaren/welche sunst mit keiner artzney vertriben oder Curiert werden mögen/in solchem tranck darein freitter vermischer seind/sole du gleiche ordnung vnnnd regiment in speiß vnnnd tranck halten/biß zu volkumner Cur wie sunst das getranck des holzes gebraucht wirt.

¶ Wie das holz tranck in mancher ley grad in sunderlichen gebrechen yeder zeit bereydet werden soll.

Das xxij. Capitel.

S Je oberzölten grad vnnnd viler ley weg vnd art das getranck des holzes züsienden sollen vnderfcheyden werden/erstlich der zeit nach inn hitz vnnnd keltē/wa sunst nichts hindert/dañ Winterzeiten soll das getranck lenger gesotten werden / vnd in höherē grad/aber Herbstzeiten ringerē vñ nidererim grad / Deßgleichen anch in zeit der Cur als zū anfang im auffsteigen/ain höchsten/ im nachlassen vnd abziehen soll nit gleiche weiß gehalten werden in gleichen frantzheytē/ vnd gleicher Complexion / wie wir sunderlich hernacher anzeygen wöllen. Dich soll auch hierin nit abweisen/das die einwoner der new erfundne Insel/daher wir dise heylsame artzney haben/ solche

Indianischen holz.

solche allzeit gleich auff einen weg vnd manier
brauchen/ daß dises volck gar keinen verstand
hat der artzney/ sy haben auch das holz frisch/
welchs villeicht sunderlich auff jr Complexio
geartet ist/20

¶ Wie der Sirop oder tranck des
holzes zūbrauchen sey.

Das xxiiij. Capitel.

Sies gerranck des holzes soll von dem
franckē morgens vñ abends gebraucht
werden/aber doch vor der speiß ein sol-
che zeit als sich gebürt/das er verdarret werde
mög/nach dem der magen freßtig/starck/od
blöd vñ vndäwig ist. Hierinn haben die
schwerlichen geirret/so dises tranck zwo stun-
den nach der speiß gegeben haben/dañ solches
wider alle reglen der artzney ist. Aber die zeit d
darung solchs trancks sey bey vier stundē vor
dem abend imbiß minder oder mer/ nach dem
die darung vnd kraft des Sirops od trancks
erfordern wirdt. Es wer daß der gebrechen im
hirn /als daß soll der tranck nach der speiß ge-
geben werden / wie ich dir an seinem ort klär-
licher anzeygen will.

*Das tranck
sol vor effen
gebey werg.*

¶ Das

Neuer fundner gebrauch des

Das nitt gleicher tranck in sters
cke vnd in der maß oder vile allezeit
gegeben werden soll.

Das xxv. Capitel.

In diesem Sirop oder tranck des holzs
soll auch nit alle zeit ein gleiche gesetzte
maß gegeben werden/sund du solt er sta
lich mit wenig anfahen vnd täglichen mören/
dan die natur leide kein gählinge enderüg/dar
umb soltu dem schwachen vnd blöden francke
erstlich auffdrey vntz/das ist sechs lot des Si
rops des morgens vnnnd abends zūmal geben/
nachmals im auffsteigen oder zūnehmen auff
vier vntz/das ist acht lot/ am höchsten vnd im
abnehmen oder nachlassen sechs vntz/das ist/
xij. lot/etwan soll auch diser tranck allein abets
erwan allein morgens gebraucht werden. Wa
dem francken seer dar ab vnwillete/oder ein bö
sen vnd ewigen magē het/dz solcher tranck nit
verdawet werden möcht/als offt sich gebürt/
vnnnd soll dises fürnemlich von denen betrach
tet werden die des francken pflegen oder war
ten. Weiter soll auch hier in das alter betrachtet
werden/defgleichen auch fürnemlich die art
der sucht oder gebrechens/das die recht maß
gehalten werd/wie wir solchs alles an seinem
gebürlichen

Indianischen holtz.

gebürlichen ort weiter begreiffen vnd anzeygē
wöllen/was wir auch hie in disem capitel von
der maß gesagt haben/soll auch von der stercke
des getrancks/langem sieden /vnder weychen
verstanden werden.

¶ Wie man sich halten soll/wann
der tranck dem Francken fast züwider ist/
vnd hefftig darab vnwillet.

Das xxvj. Capitel.

S Gleich einer grossen vnwillen vñ heff-
tigs abschewen het von dem tranck des
Indianischen holtz / soll doch die Cur d
vrsach halben nit vnderlassen werden/ dan sol-
cher vnwillen wirt sich von tag zü tag minde-
ren vnd abnehmen / vnd der magen ye lenger
ye stercker vnd krefftiger werdē. Wa auch sol-
cher vnwill auß angeborner hitz des magens
entstünd/soll der tranck zü kelte geneygt wer-
den / wa es die gelegenheyt des Francken also
erfordern oder zülaffen wurde/also das solcher
tranck weniger /vnd in ringerem grad gesot-
ten werd/ Darmit auch die bitterkhey von sol-
chem tranck genummen werd/mag wol berey-
ter Coiander oder Zucker rosat / vnd derglei-
chen stuc darzū vermischet werden/ dan sol-
che

Neu erfundner gebrauch des

the Franckheyt benomen werde/ doch dz solchs
auch der Franckheyt bequem vnd nutz sey.

¶ Wie auch etwan solcher tranck
vnderlassen/oder ein zeitlang angestellt werde
mög. Das xxv. Capitel.

S Vanfang der Cur in denen Franckheytē
oder gebrechen / darinn hefftiger schmerz
vorhanden / pflegt der selbig schmerz vil
mer gemeret dann gestelt zu werden / von we-
gen der entpöung vnd betrübung der feuch-
ten von dem bewegt. Aber derhalben soll die
Cur nit vnderlassen werden / dann gewißliche
gesundtheyt folgen wirdt / wa die krafft vnnnd
würckung der artzney also für faret. Wa aber
in d zeit der Cur ein anderer zufall darzu schlie-
ge / als febres oder flüß des haubts / als dann
magst du für den Sirop oder das erst wasser /
das wasser des anderen sudts geben / mit der
speiß / oder so lang anstellen biß der selbig zu-
fall gewendet wirt. Wolte aber solcher zufall
nit leichtlich weichen / vnd du andere gefärlig
feyt besorgest / ist besser / das die ganz Cur ab-
gelassen werde. Wer aber solcher schad innert-
halb inn den inneren gliedern des eingeweyds /
lung leber vnnnd dergleichen / welchen du mit
andern

Indianischen holz,

andern Siropen vnd Latwergen wenden k^{an}
dest/soll der tranck des holz darumb nit vn-
derlassen/ sunder mitt solchen bequemen arz-
neyen vermischet vnd gebraucht werden / doch
das solch tranck des tags allein ein mal gen^u-
men werd/oder das er allein des zweytr^e sudts
für sein gemeyn getranck an statt des weins
brauch / solches wasser soll aber ring oder fast
gesotten sein/vil oder wenig / nach art d^e suchte
vnd gelegenheyt des francken zu w^o:me oder
felte geneygt. Dife weiß zu Curieren/hab ich
offtmals fast nutz/bewärt vnd heylsam erfun-
den/also mir vnd dem franckē wol erschossen.

¶ Wie der getranck des Indianis-
schen holzes in der Cur vnd heylung der
Franzosen oder bösen blatern/
zūgebrauchen sey.

Das xxvij. Capitel.

Were die plag oder suchte der Franzosē
od bösen blatern frisch new vnd vnuer-
altet/als vnder vj-monaten /ist allein
erfleichigung von nöten/vnd seübrüg od rey-
nigung der glider / mit sterckung vnd erquick-
ung d^e selbigen/ welchs fürnēlich durch solchs
getranck des Indianischen holzes geschehen
D ij mag

New erfundner gebrauch des

mag/welcher endere vnd küle. Dañ so wir in frischen Franzosen/die nit lang gewäret heten/starck getränk von solchem holtz dz hefftig erhizigt/geben wurden /welchs zu veralteten eingewurzelten blatern gehöret / wurde der gebrest dardurch vil böser werden vnd gemeret. Dañ das hizig tranck/welchs/wie gesagt/in alten eingewurzelte Franzosen nutzlich ist / wurde durch lösende vnnnd öffnende krafft in frischer sucht die schmerzen d gleychmeren/beülen vnd harte gschwulst im gebeyn erwecken/die fürnembsten glider entzündet/vnd von irem natürlichen wesen vnd Complexion bungen / vnd den ganzen leib mit schwarzen zufällen beleydigen/welchs alles geschicht von vnorordenlicher bereytung des getrancks zu hefftiger hitz geneygt /derhalben der getranck des holtzs ganz widerwertiglich gebraucht werden soll in newen ersten Franzosen dañ in veralteten vnnnd tieffeingewurzelten gebrechen/wie wir von einem yeden an sunderliche ort weiter sagen werden / werē auch in zeit der Cur schäden des munds/mögen die selben darzwischen gewäschen vnnnd gereynigt werden mit Mercurio vnd dem holtz / vnnnd soll solche salbung vō Mercurio sibē tag gebraucht werden/den halß darmit geschmiert / aber andere schäden

Indianischen holtz.

schäden anderer glider herüb/ sollen allein des abends vnd morgens geschmiert werde. Wurde aber die hirtz der salben / dem schaden schädlich sein / magstu jm ein andere salben bereyten / die etwas küler wer / endert vnd trüeknet / doch das vorhin die schäden gereynigt werden / aber hieupon wirt hernach von einem yeden in sundrheyte weitleuffiger gehandelt werden.

¶ Wie man sich halten soll / nach der Cur des Indianischen holtzes.
Das xxx. Capitel.

Nach dem die Cur des Indianischen holtzes in einer yeglichen frantcheyt oder sucht vollbracht oder vollendet ist / auff dise weiß wie ich dir bißher erzölet hab / sol erstlich folgende regel gehalten werden / nämlich das der so bresthafftig gewesen ist / an keiner kalten statt oder ort wonen soll / oder gänzlich keinen frost empfahen oder fülen / Dan von wegen der eröffneten dünnen schweyßlöchlin möchte sich gar leichtlich ein neüwe frantcheyt erheben die fast schwerlich wurde zühyle sein / sonderlich wa solche sucht kalter natur wer / oder in kalter zeit des jars entsprunge. Weiter soll auch maßigkeit in speiß vnd tranck gehalten
S ij werden

Uew erfundner gebrauch des

werden/ zu dem wenigsten auff zween monat/
also das er fleysch brauch/ das leichtdäwig sey/
vnd andere speiß die gar vnshädlich ist/ deren
soll als wenig sein/ das der magen daruon nit
belestigt od beschwert werd/ welcher schwach
vnd krafftloß ist von wegen ver gangnens auß
hüngerens/ damit auch die speiß baß gedäwet
in güte gebüt ver wandlet werden mög. Wa
aber nach volbrachter Cur entzündung oder hi
tzige gschwulst der leber vorhanden wer/ sun
derlichen inn Sanguinischer oder blütreichen
Complexion/ welche ein anzeygung ist/ das du
in der Cur geirret/ vnd den tranck zu krefftig
bereytet hast/ ist von nöte/ das solchs geendert/
die leber erkület/ vnd wider zu recht gebracht
werde mit dem Sirop von Endiuien vñ dem
gedistillierten wasser daruon/ oder andern kü
lenden stucken/ oder ob es gebürlich wer/ das
ein ader geschlagen wurde. Wer aber einer ei
ner langwirigen suchet/ die schwerlich zu wend
en ist/ als vom Podagra vnd dergleichen er
ledigt/ vnd wolt sich fürhin hüten vnd verwa
ren/ das er weiter nit in solche franckheyt fal
len möchte/ der gebrauch sich folgende zeit/ yhe
über den vierden oder sechste tag des trancks
so zu dem andern mal gstoffen worden ist/ oder
das besser wer vnd krefftiger dann des ersten
trancks

Indianischenholz.

franco vom ersten judt. Wa auch einer nach vollkümner zeit der Cur / namlich über die xltag nit heyl oder gesundt wirt / der soll über etlich Monat / oder über das jar die Cur widerumb anfaben / vnd wa es von nöten sein wirt / solches zum dritten / vierdten / oder mer malen / versüchen. Bedarff hierinn nichts gefährlichs besorgen / dan dise kostbarliche artzney als heilsam vnd nutz ist / das sy nicht allein zu vil mazen wider angehaben / nicht schadet / sunder die glider wunderbarlich sterckt vnnnd kreffiget / den ganzen leib erquicket / vnnnd in frischer jugent behalt.

Dises seind die fürnehmsten puncten vnnnd reglen / welche zu der gemeynen Cur diser kostbarlichen artzney gehörend. Weiter will ich die auch von einer yeden franckheyten / yeder Complexion / vnd yedes alters / zeit vnd gegne / sunderliche vnderrichtung geben in güter folgender ordnung. Die vsachen aber solcher franckheyten / ist dises orts nicht von nöten / dieweil sich fast vil trefflicher leüt darinn bemühet haben (vnd auch wir von allen eüsserlichen vnnnd innerlichen franckheyten / ein sundere gemeyne practie der ganzen leibartzney beschriben haben) Aber wie ein yede franckheyten durch rechte

Diij berey

New erfundner gebrauch des
 bereytung vnd bequemen gebrauch des heylsa-
 men holz Curiert vnnnd gründlich gewendet
 werden soll/will ich dir in disem andern theyl
 trewlicher anzeygen/ doch vorhin zu mehrerem
 verstand ein kurzgen bericht geben/ auß was vrsach
 dieses holz solche vilerley wunderbarlich-
 er würckung vollbringen mög.

Auß was vrsach dz Indianisch
 holz vilfelige würckung vollbringe/ Das
 xxx. vnd lestt Capitel des
 ersten teyls.

Soben haben wir angezeygt / wie das
 Indianisch holz warmer natur sey im
 andern grad vnd trucken / Derhalben
 kein wunder ist/ das darmit solche frackhen vñ
 frackheiten Curiert vnd geheylt werden / die
 falter vnnnd feüchter natur seind/ darab ist sich
 aber züner wündern/ das es nicht weniger auch
 truckne/ vnd hitzige frackheiten denē so hitz-
 ger natur vnnnd Complexion seind/ vertreibt.
 Die vrsach aber solcher manigfaltiger wider-
 wertiger natur/ wie auch droben gemoldet/ ha-
 ben wir erkant befunden / vnnnd erlernet auß
 langwirigem gebrauch vnd gewisser erfariß/
 das

Indianischen holtz.

das solche manigfaltige würckung zürwegen
bracht wirt/auß vilerley weiß der bereytung/
Dan wa solcher tranck leichtlich gesortē wirt/
nimpt auch das wasser die krafft des holtz gar
leichtlichen an sich/welches auch gar wenig in
seiner natur geendert wirt/auß solcher vermis-
schung/der halben durch solchen ringen sude
oder kochung/ gar wenig der krafft vom holtz
aber vil vom wasser vermischer ist / der halben
auß solcher vermischung halben / diser tranck
nit hitzig oder trucken ist/ sunder feüchter vnd
kalter natur /vil nutzlicher auß solcher vrsach/
zñ hitzigen Franckheytē hitziger personen.
Weiter mag solchs auch nach der vile des hol-
zes gegen dem wasser zürrechnen/geschehen/dz
der tranck kalter vnd feüchter natur werd /al-
so so man zñ vilem wasser wenig holtz nimpt/
als dan hatt auch der tranck mer eygenthschafft
des wassers dann des holtzes. Also die weil
nun dises holtz gleichwol heysß vnd trucken
ist / so mag doch solliche hitz vnd truckne auß
funst des siedens oder bereyrens/vil oder we-
nig von ihm genummen werden. Aber die
fürnemest vrsach / warumb dises holtz sol-
che wunderbarliche vilfeltige krafft übet vnd
würcket inn dem menschlichen cōper / ist sein
D v eygne

New erfundner gebrauch des
 eygne natur / krafft / eygenschafft vnd würck-
 ung / jm on zweifel von dem gütigen Gott
 vns mensche zünutz vnd trost sun-
 derlichen verleyhen / sein gros-
 se wüderwerck züscha-
 en vnd erken-
 nen.

End des ersten teyls / in welche
 du klärlichen bericht findest vö der natur
 eigenschafft / vnd würckung des
 Indianischen holz / &c.

Indianischen holz.

53.

Der ander theyl diser
new erfundnen heylsamē artzney/
vil schwerer vnd sorglicher zufäll/franckhey-
ten vnnnd gebrechen/ mit rechtgeschaffner zu
bereytung vnd nutzlichem gebrauch des
Indianischen holzß zuwenden/
vnd gründlichen zu Cu-
rieren.

Vorred zum Leser.

In diesem andern theyl
(günstiger Leser) wöllē wir dir
klärlichen anzeygen/ vnnnd einen
gründlichen bericht geben/ wie
du durch die heylsam vñ bewärts
artzney des Indianischen holzß/
vil schwerer vnd sorglicher franckheytt/ so biß-
her für vnheylbar von andern ärzten geachtet
wordē/ gründlich wenden vnd Curieren sol-
lest in mächerley Complexionen/zeit/alter vnd
vnder scheydlichē feuchten verursacht / vñ einē
yeden bsunder in sunderlichē capitel verordnē/
zu mererem verstand/vñ an dem schwerlichstē/
müsamesten / langwirigsten hauptwee einen
anfang

Neuerfundner gebrauch des

anfang nehmen/welcher vor andern sanderlich schwerlichen vnd gar vnmöglich zühyle/oder züwenden ist.

¶ Von langwirigem schmerzen/ vnd veraltetem weetagen des haupts.

Das j. Capitel.

SEr scharpff vnleidliche schmerz vnnnd weetagen des haupts/ der auch vnderweilen Hemicrania genant wirdt/der vrsach halb/das er offimals allein ein seirē des haupts beleydiget / an allen orten des haupts/ doch so mitt har bewachsen/ Dieweil aber solches übel vnd weetagens / vilerley vndscheyd seind/ will ich doch hie allein von dem hauptwee redē/welches über alle andere gar schwerlich vnnnd garnahē vnmöglich ist züheylen mit anderer artzney/ wiewol dises gebrechens vilerley vrsach seind/ wirt er doch auß innerlicher vrsach fürnemlichen erweckt/also das er vō leib selbs innerlichen entspringe / es sey allein vom haupt oder mit zühüung anderer glider als das miltz/leber Anagen/ bärnätter / vnnnd dergleichē. Aber fürnēlich wirt solcher schmerzen auß dem magē verursacht/welches du erkennen magst/wa der schmerz im fordern teyl des

Indianischen holtz:

des hauptis ist. Wiewol auch der schmerz der die bärmiter er weckt / an disem ort herumb gefület wirt / die leber er weckt schmerzen an der rechten seiten / aber das miltz in der linken. Sieweil aber solche langwirigkeyt dises gebre sten geursacht wirt von flegmatischer od Melächolischer feüchte / ob solche vö art im leib gewesen seyen od durch enderüg der gegne / oder anderm gebrauch / speiß / träckts / vñ dergleich en / eüßerlicher ding erwachsen seind / wöllen wir erstlich daruon sagen.

¶ Wie das veraltet eingewurtzlet hauptwee vö flegmatischer feüchte verursacht in einem jungen Cholerischē oder Sanguinischen menschen Curiert werden soll. Das ij. Capitel

Erstlich so die vrsach der franckheyt / nämlich die flegmatisch feüchte / gemindert ist / vnd der jung blöd wer / soltu ihn also Curieren / speiß in die ganz Cur mit frefftigē der speiß / von anfang biß zu gänzlichem auffsteigen der Cur gleich / abends vñnd morgens / namlich mit vj. lot zwibach / vñnd souil gesotens fleyschs / so die Cur am höchsten ist / mit vj lot brots / vnd iij. lot fleyschs / dan laß ihm wid zu

New erfundner gebrauch des

zū/die sechs lot fleyschs biß zū abnehmen/dañ
mager wol acht lot niessen biß zū end der Cur/
doch das die speiß nit gählingen zūfast oder zū
wenig gemindert oder gemeret werd/ Dann
hierinn nit/wie Celsus sagt/ auffüberige erse-
tigung hunger/vnd auff hunger überige erse-
tigung nutz ist/trinck auch abends vnnnd mor-
gens den tranck des holzes/wie ich dir anzey-
gen will/Vñ ein halb pfund der düñ gehob-
lenen spänen/thü sy in ein irzdin verglasurt ge-
schirz/geüß xv.pfund wassers darüber/ laß es
also ston vnd wol erbeyzen auff zwölffstund/
dann laß sieden ob einem sanfften Kolsfeürlin/
das sich das wasser verzöze oder einsiede / biß
auff acht pfund/seühe es durch / vnnnd behalts
wol verdeckt inn einem verglasurten geschirz/
von solchem Sirop oder tranck soll der frack
abends vnd morgens yedes mal acht lot trin-
cken/von anfang der Cur biß zū dem höchstē/
dañ so die Cur auffs höchst kummen ist/solt du
im fürthin sechs lot geben/ solchen Sirop soll
er warm trincken/zum gmeynen tranck/Vñ
die erst gesotnen spän wol außgetruckte / thü sy
in ein glaß/vnd seüß sy in einem darzū bereyte
fessel/wie ich dir droben angezeygt habe/ geüß
darüber zwentzig pfund wassers / laß es siedē
mit einem hellen holzfeürlin /biß fünffzeben
pfund

Indianischen Holz.

pfund bleiben/oder fünffpfund sich verzdren/
seühe es durch/vnnd behalts wol vnnd gehebt
verdeckt / Von disem zweyten wasser soll der
Tranck des morgens vnd nachtmittig trincken/
sowil ihn gelustet/dañ daruon wirt er trefflich
wol gekület. Wer im aber solchs wasser vö we
gen der bitter keyt fast zürwider vnd entgegen/
so vermisch im bereyten Coriander darunder/
wie ich dir droben anzeygt hab. Wer aber der
jüngling starck vnnd krefftig/ solt du gleicher
maß fürt faren/allein das du ihm an der speiß
kecklicher abbrechen darffest/ vnnd deren Si
rop meren durch die ganze zeit der Cur / dann
in solchem ist die leblich natürlich hüt stercker/
daruon der tranck gedawet wirt.

Solche sucht in einem Flegmas
tischen vnd Melancholischen jüng
ling zhwenden.
Das ist Capitel.

Süßer werde gespeiset / wa er schwach/
vnnd blödt ist/ mit krefftiger speiß/wie
droben gemeldet/ das fleysch soll aber
gebraten vnd nit gesotten sein / doch dz du das
hart vnd verdort vom feür allenthalb herab
nemest. Wer er aber fast starck vnnd krefftig/
brauch er die ordenlich Diet vö Mettreübeln/
Feigen

New erfundner gebrauch des

Feigen vnd Mandelkernen/wie droben angezeigt worden/der Sirop / vnd auch der ander tranck/sollen ein wärmende krafft haben / auff dise weiß bereyttet/ Nimm ein halb pfundt von den dünn gehobleten spänen/thu sy in ein irzdin geschirz/geüß xv.pfundt wasser darüber / laß also xij.stund beytzen/ laß dan sieden biß es vff vij.pfundt einseüdt/seühe es dan durch vnd behalts/wie ich dir droben anzeigt hab / von diesem Sirop gib jm die ganz Cur/biß sy auff dz höchst steigt/aber in heffrigem auffsteigen der Cur biß zu dem ablassen gib ihm des Sirops/ der biß auff xxiij.pfundt eingesotten sey/ das ander wasser bereyt ihm also/Nimm die außgetruckten spänen/geüß xx.pfundt wassers darüber/laß sieden / biß es auff x.pfundt kumpt/ oder der halb teyleinseüdt/ Diß tranck brauch er die ganz zeit der Cur/wie droben gesagt/ in den malzeiten.

Veraltet hauptwee von Flegmatischer feuchte in einem alten Cholertischen oder Sanguinischen zu Curieren.

Das iij.Capitel.

WA ein solcher alter schwach/blödd/ vnd krafftloß wer/vnd du vorhin die ursach solchs weetages geendert hettest/soltu ju mit

Indianischen holtz.

In mit krefftigender diet speisen durch die gantz
Cur/auch mit gestoßnem vnd durchgestrichne
hüner vnd Cappawen fleysch/ sein brot sey zwē
bach oder hart gebachen / als vil als wir auch
einem jungē solcher Complexion verordnet ha
ben / den Sirop oder ersten tranck soltu diesem
alten also bereyten/ Nimm ein halb pfund d spā
nē/die er weych in xiiij-pfundt wassers/die zeit
wie droben gesetzt / seüds inn einem irrdin ha
fen ob einem kofseür lin/biß es eingeseüdt auff
siben pfundt/von diesem Sirop gib dem fran
cken abends vñ morgens biß auff die halb zeit
der Cur iiij.vntz/das ist viij.lot/nachmals die
übrig zeit der Cur ein halb pfund /das ist sechs
vntz oder xij.lot / inn der zeit d Cur soltu auch
fleissig acht haben/auff die reynigung vnd pur
gierung/wie solches dem Francken vnd d suche
am bequemesten sey/Das ander tranck brauch
er zu der speiß/dermassen/wie von dem jungē
Flegmatico gsagt ist.

¶ Wa die Melancholische feüch
te ein vrsach wer solchs langwirigen haubt
wes ein jungen Cholerischen oder
Sanguinischen zu Curieren.
Das v.Capitel.

Neu erfundner gebrauch des

Ist die Melancholische feuchte des schmerzens ein vrsach / so werde die selbig etlich gemindert / vnd der Franck mitt der krefftigende diet gespeiset / der Sirop werde also bereyt von anfang biß auff das halb teil der Cur / Nimm ein halb pfund der spenen / beytz oder erweych sy inn xv pfund wassers / laß erweychen xij. stunden lang / seüds im Kessel mitte wasser / biß es sich auff xj. stund verzört / das behalt / wie droben gesagt / in einem reynen glesin geschirz von solchem Sirop / gib jm abends vñ morgens auff ein halb Medicinalisch pfundt / das seind xij. lot oder vj. vntz / Das ander wasser für seinen gebreüchlichen tranck schütt auff das holtz xv. pfund wassers / vñnd laß sieden / biß es sich verzört auff x. pfund. Von dem halben teyl ander Cur / bereyt jm den Sirop also / Nimm x. pfund wassers / vñnd laß sieden / biß es auff ij. pfund einseüde / vnd von dem selbigen Sirop gib ihm abends vnd morgens auff acht vntz / das seind xvj. lot / ein gmeyn gebreüchlich halb pfund / Das ander wasser des gemeynen trancks / soll auch stercker werden / also das x. pfund wassers biß auff sechs einsieden. Wer aber der Franck fast durstug / also das du jm nit zükommen möchtest mitte dem tranck von den erstgesottnen spänen / oder nit gnüg daran haben

Indianischen holz.

ben möchtest / so bereyt jm ein frischen tranck /
Nun sechs vnz der frischen spän / laß er weych
en in einem irzden verglaseten haben in fünf
zehn pfund wassers / biß es auff zehn pfunde
einseide / vnnnd v. pfund sich verzören / seiße es
durch vnnnd behalts wie droben gesagt. Dises
wasser magstu an statt des andern sudts brau
chen / wa du nit gnüg haben würdest.

I Solchen gebrechen in einē altē
Cholerischen oder Sanguinischen zu Curire.
Das vj. Capitel.

En alter der Cholerischer oder Sanguis
nischer Complexion ist / vnd mitt solchen
gebrechen beladen were / der soll / nach dē
die schädlich materi gemindert ist / vnnnd er sch
wach vnnnd blöd were / mit sterckender Diet ge
speiset werden / wie ein alter Flegmatischer na
tur. Der erst tranck werde durch die ganze
Cur hitzig bereyret / auff dise weiß / also das ein
ganz pfund der spänen in einem irzdin gschir
in vierzehn pfund wassers gebeyzt werden /
wie droben daruon gesagt ist / nachmals gesot
ten / biß es sich auff das halb teyl verzört / vñ vff
vij. pfund einseide / Von solchē tranck trinck er
adens vnd morgēs vff ein halb Medicinalisch
℞ ij pfund

Neu erfundner gebrauch des

pfundt/ für den andern vnd gemeynen tranck
sollen die gesotten vnd außgetruckten spän / in
einem glesin kolben in xx. pfunden wassers ge
beytzt werden/ laß im kessel mitt wasser sieden
das sich fünff pfund verzören/ vnnnd xv. pfund
überbleiben/ Wer aber der Franck starck vnnnd
krefftig/ soll er vnderweilen mit der ordenliche
Diet der Feigen/ mörtreübel/ vnd Mandelker
nen gespeiset werden/ mere jm auch den tranck
des Sirops/ also das er acht vntz trincke durch
die auffsteigung der Cur biß zum höchsten.

¶ Solche gebrechen zuwenden in
einem alten Flegmatischen vnd Melan-
cholischen. Das vij. Capitel.

Sier alter sol die gantz zeit der Cur mit
dem ordenlichen Diet der Merretübel
gespeiset werden mit zwibach / zu dem
Sirop nim ein gantz pfund des holtz/ beytzt es
in xvj. pfund wassers/ seüds bey einem kolfeür
lin/ biß siben pfundt darauß werden / seühe es
durch/ vnd behalts wie zum offern mal ange-
zeygt. Von disem Sirop nem d Franck abends
vnd morgens/ vö anfang der Cur biß auff den
halben theyl vier vntz/ nachmals biß zu end vj.
vntz / Für das ander wasser vnnnd gemeynen
tranck/

Indianischen holz.

tranc̃/nim̃ zu den gesotnen vnd außgetruckte
spänen xx. pfundt wassers / vnn̄d laß biß auff
xviij. pfundt einsieden. Wer aber d̄ alt starck vñ
krefftig / soltu ihm den tranc̃ des Sirops me-
ren vnd den andern sudt stercker machen / also
das er biß auff xvj. pfundt einsiede.

¶ Von vnmäßigem vnnatürlichem wachen. Das viij. Capitel.

Vnmäßig vnnatürlich vnd überflüß-
sigs wachē wirt fürnemlich auß viler-
ley vsach verursacht / als von vnmäßig-
ger trückne / vnnatürlicher hitz / Cholerischer
oder Melancholischer feuchte / vnd versaltzner
Flegma / vnd ist die trückne des hirns die für-
nemste vsach / so hitzige dempff von entzünd-
ter leber oder anderer hitziger vsach über sich
steigen vnd aufftriechen / das hirn so vortruckē
ist / noch fester verdoren. Derhalben solchen
fāl zu Curieren / soll erstlich die vsach gemin-
dert werden / nachmals vnder scheydlich-
en soll nach der Complexion vnd al-
ters eins yeden die Cur ange-
fangen werden / wie
folget.

¶ ij ¶ Vnna

New erfundner gebrauch des
Vnnatürlich vñ vnmäßig wa-
chen in jungen Flegmatischen oder Sanguini-
schen menschen zuuer treiben.
Das ix. Capitel.

EIn solcher Franck werd gespeiset mit ge-
sottnem fleysch junger hünner / vnd trinck
allein auff zwen Monat lang / folgēds
träck / Vñ der spänen vom Indianischē holtz
erstlich ein Monat lang iij. vntz oder vj. lot /
folgēder zeit vier vntz od viij. lot / des wassers
zwenzig pfund / laß beytzen / vnd scüds im kes-
sel voll wassers inn einem glesin kolben / biß es
auff fünffzehen pfund wirt / vnd die v. pfund
eingesotten seyen / Durch disen tranck wirt dz
gld / welches den schaden fürnemlichen erwe-
cket inn seinem vnnatürlichen wesen geendert
werden / dan er sterckt / vñnd bringt wider zu
seinem natürlichen wesen / ein yedes gld / so in
seiner Complexion verendert vnd zerstört wor-
den ist. Aber hierinn soll sich niemand ver wun-
dern / dan ich solches selbs personlich inn einer
trefflichen person erfahren / vnd bewärt erfunden
hab / welche von vnnatürlichem wachen /
auß entzündig der leber gar nahe in die höchst
not vnd gefärligkēyt des todts kummen wer /
aber allein mit gemeltem tranck die leber erkü-
let /

Indianischen holtz.

let/vnd solcher fäl vnd mangel von mir gentz^l
lich Curiert vnd zu seiner vorigen gesundtheyt
wider gebracht worden ist/nicht on sunderlich
verwundern sein selbs vnnnd anderer versten-
diger leüt.

Erstgemelte sucht /inn jungen
Flegmatischen vnnnd Melancholischen leüten
zūwenden. Das x. Capitel.

EIn solcher junger sol eben dermassen ge-
speiset werden/wie von dem vorigen ge-
sagt ist/doch etwas ringer vñ genawer/
vnd werde ihm ein solcher tranck bereyt/Vñ
vier vntz des holtzes / des wassers xij. pfund/
seüds in einem kolben glaß im kessel biß es auff
siben pfund einsiede / von solchem tranck ge-
brauch sich der Franck die ganz Cur allein des
morgens vj vntz/Das ander wasser zū gemey-
nem tranck werde jm bereyt/wie im nächst vor-
geenden Capitel anzeygt worden ist.

Ein alten Cholerischen od sans-
guinischen von solchem fäl vnd man-
gel zū entledigen.
Das xi. Capitel.

Neuerfundner gebrauch des

G B dir ein alte gestandene person für k̄me/ mitt solchen gebrechen des st̄tigen wachen beleydigt / der inn seiner Com-plexion von jugendt auff / Cholerisch / oder Sanguinisch gewesen were/ solt du/ nach dem du jm die schädlich feuchte gemindert/ vñ ein teyl außgetriben hast/ jm in der krefftigenden Diet halten/ vñ den Sirop vñ das ander wasser des andern sudts geben/ daruon sein Com-plexio geendert werd/ Zñ dem Sirop nim̄ des holz ein halb pfunde/ wassers xx. pfund/ laß erweychen in einem glesin geschir/ vnd seüds in ein kessel voll wassers biß xv. pfund darauß werden/ Von diesem Sirop gib jm abents vnd morgēs ein halb pfunde/ das ist vj. vntz/ durch die ganz Cur/ für den tranck/ oder das wasser des andern sudts/ nim̄ die gesotnen vnd außgetruckten spänen/ geüß xxv. pfund wassers darüber/ seüd es auch im kessel/ biß es xx. pfunde werden / möcht aber der franck an diesem wasser nit gnüg haben/ vnd wer seer durstig/ so bereyt jm das ander wasser vom ersten sudt/ droben angezeygt.

Solchen fäl vnd mangel in einē alten flegmatischen oder Melancholischen zūwenden. Das xij. Capitel.
Gleicher

Indianischen holtz.

Sleichet weiß soltu dich mit diesem halts
wie von dem vorigen gesagt ist / daß ob
gleich die Complexion an jr selbs feuchte
ist / müstu ihn dennocht erfeuchten / die weil der
mangel allein von überflüssiger trückne geur
sacht ist.

Von verwirrung verstands vñ
vernunfft / mit verliering der gedächtniß.

Das xij. Capitel.

Verwirrung verstands / vernunfft / vnd
verliering der gedächtniß / werden nit
anders vnder scheyden dann durch die
heffrigkeyt oder ringigkeyt der vsach / vnd des
orts halben / am haupt / dahin sich solcher fäl vñ
gebrecken begibt / daß solchs auß gleicher schäd
licher feuchte geschicht / Aber hie soltu verston
von der verliering vnd verwirrung der ver
nunfft / die on ein feber entstadt / auß verfeül
ter flegmatischer feuchte oder überflüssiger
Gallen / darzu auch andere glider auch eit wan
vsach seind / als namlich die leber vnd dz hirn /
daß auß vnmässiger hitz vnd entzündung der
leber / werden die natürlichen feuchten verbrät
vnd verdoret / vnnd in ein schwarze Cholera
verendert / darauß diser gebrecken entstat. So
E v ist

New erfundner gebrauch des

Ist auch etwan das hirn allein solchs ein vrsach
vñ seiner bösen Complexion wegen/dañ von
seiner felte wirt die flegmatisch feuchte geme-
ret. Es seind aber auch etwa bede gemelte für-
nemme glider ein vrsach dises fäls vnnd man-
gels/ deßgleichen auch andere glider mer/von
hefftiger felte vnd feuchte wegen / daruon di-
ser gebrechen auch entston mag. Aber auß was
vrsach solcher fäl vnd mangel entstand ist doch
allzeit der tranck des holztes / ein gewisse hilff
vnd bewärte artzney darfür/dann hierin groß
von nöten ist subtiler materi zu der speiß/wel-
che das holz krefftiglich gibt/so ist auch übe-
rige fülle vñ überladung der speiß vñ trancks
fast schädlich inn disem fall/welches dem leb-
lichen geyst fast zuwider ist. So ist auch dises
tranck fast nutz vnnd güt/derhalben dz das ge-
blüt daruon getrücknet vnd geschickter wirdt/
auch das diser tranck mäßiglich wörmet/ dar-
mit dann allein die leblichen kreffte / sinn/vnnd
vernunfft gestercke werden mögen. Aber fürte-
her zu der Cur soltu vor allen dingen die sched-
lich feuchte die solcher zerstörung der ver-
nunfft vnd sinn ein vrsach ist/min-
deren vnd zum teyl auß-
führen/te.

¶ Verweis

Indianischen holtz.

Verwirrung der vernunft vnd
sin mit verliering der gedächtniß / zuwenden
in jungen Cholerischen oder Sanguini-
schen / wa der gebrech von flegma-
tischer feuchte geursacht wer.

Das xiiij. Capitel.

En solcher junger werde die ganz zeit
der Cur mit der sterckenden Diet gespei-
set / wa er schwach wer. Bereyt ihm den
Sirop von ein pfund des holtz vñ acht pfund
wassers. So es erweycht ist so seüds in einem
irdin geschirz / bey einem kolfürlin / das der
halb teyl einsiede / oder iij. pfund überbleiben /
Disen Sirop soll er im anfang der Cur / biß
auff den halben teyl trincken / abends vnd mor-
gens auff iij. vntz. Zu dem anderen tranck des
anderen sudts / schüt über die spän xij. pfund
wassers / laß sieden biß vij. pfund darauß wer-
den / die über ig zeit werde der Sirop in gleich-
er maß vnd gewicht bereitet / allein das er mer
gesotten werde / also dz nur ij. pfund überblei-
ben / dauö gib jm abends vñ morgens ein halb
pfund / dz ist vj. vntz. Das ander wasser bereye
jm von x. pfund wasser / laß auff vij. pfund ein-
siede. Wer aber d jüngling starck vñ krestig so
hale

New erfundner gebrauch des
halt gleiche ordnung/allein das du jm die speiß
minderst/vnd den Sirop merest.

¶ Solchs in einem jungen / Fleg-
matischer oder Melancholischer Com-
plexion zuwenden.
Das xv. Capitel.

Sÿer/wa er schwach vnd blödd ist/ sol er
auch mit der krefftigenden Diet gespei-
set werden/biß auff die halb zeit d' Cur/
darnach fürtan halt er die ordenlich Diet von
Nertreübeln/20. er wurde dan schwach vnnnd
Krafftloß/das man vnder weilen die sterckende
Diet von fleysch wider brauchen müßt/den Si-
rop bereyt jm durch auß die ganze Cur vö ein-
pfundt holz/vnd x. pfundt wassers / seüds in
eum irdin gschurz bey einem kofseür / biß sich d'
halb teyl verzöit/daruö gib dem Francken abes
vnnnd morgens zu anfang der Cur ij. vngz / im
auffsteigen / nachmals biß zu end vj. vngz / der
ander tranck werd bereyt von xij. pfundt waf-
fers/ingesotten biß auff x.

¶ Ein alten Cholerischer od' sans-
guinischer natur/von solchen gebrechen zu-
entledigen. Das xvj. Capitel.

Der

Indianischen holtz:

S Er werde durch die ganz Cur gespeis-
set mitt krefftigender speiß oder Diet.
Bereyt ihm den Sirop von eim pfund
holtz/vnnd xij. pfund wassers/seüds in einem
irrdinen geschir: bey einem koltfeür / biß es sich
auff vij. pfund verzört. Disen Sirop soll er
brauchen biß auff die halb Cur abents vn̄ mor-
gens auff iij. vntz/ Der ander tranck werd be-
reyt von xij. pfund wassers/auff x. eingesortē/
die überig zeit bereyt jm den Sirop von einem
pfund holtz/vnd x. pfund wassers / eingesortē
auff v. pfunde/des gib jm des abends vnd mor-
gens vij. vntz/den andern tranck bereyt jm die-
se zeit vō xij. pfund wassers/laß vff vij. pfund
einsieden. Wer aber der krank starck vnd kreff-
tig/soll jm die speiß/nach dem ers leiden mag/
gemindert werden.

Ein alten/ Flegmatischer oder
Melancholischer natur/von gemelter such-
zū entledigen. Das xvij. Capitel.

Nach dem er starck oder schwach ist / soll
er mitt der ordenlichen Diet der Mer-
treübel/ze. oder der krefftigenden Diet
gespeiset werde/oder ye eins vmbś ander/ der
Sirop werde durch die ganz Cur bereyt / von
eim

New erfundner gebrauch des

ein pfund holtz/vnd x. pfund wassers /eingesortē biß auff iij. pfund in einem iridin gschirz
dauon gib ihm abends vnnnd morgens biß auff
die halbe Cur iij. vntz. Die überig zeit fürthin
vj. vntz. Das ander tranck werde bereyt von x
pfund wassers/biß auff vñ. pfund eingesortē.
Wer aber der alt starck vnd krefftig/ soll er die
ganz Cur / mit der ordenlichen Diet mitt den
mertreübeln/2c. on fleysch gespeiset werden vñ
der Sirop gemeret.

¶ Wa die Melancholische feüch-
te ein vrsach wer schwacher gedächtniß vñ ver-
wirrung sñ vnd vernunfft/ein jungen Cho-
lerischer oder Sanguinischer Com-
plexion zu Curieren.

Das xvij. Capitel.

WA ein solcher junger schwach vñ krafft-
loß wer/soll er mit der sterckenden Di-
et gespeiset werde durch die gätze Cur.
Bereyt ihm den Sirop von ein halben pfund
holtz/vnd iij. pfund wassers/wañ es erweyche
ist/so seüds in einem iridin geschirz/laß auff vj
pfund einsieden / dauon gib im von anfang d
kranchheit biß zu der halben zeit abens vñ mor-
gens iij. vntz/die übug zeit vj. vntz/ Der ander
tranck werd bereyt von xvj. pfund wassers/vñ
in einem

Indianischen holtz.

in einem glesin gschirz in fessel vol wassers gesotten/biß es auff xij. pfund einseüdt. Wer er aber stercker/soll jm die speiß geminde werde.

¶ Solchen gebrechen in einē jungen flegmatischen oder Melancholischen zūwenden. Das xix. Capitel.

Sÿe sollen die ganz Cur mit der ordenlichen diet der merkreübel gespeiset werden. Wer er aber zū mittelst der Cur schwach vnd krafftloß/mag er wol fürtan mit der sterckenden diet vō fleysch biß zū end d' Cur gespeißt werden / den Sirop bereyt jm biß vff die halbe zeit d' Cur vō eim halben pfund holtz/vnd xij. pfund wassers/wañ es erweycht ist/so seüds in eim irzinen hafē/das er biß auff vij. pfund einsiede/daruon gib dem francken abē vnd morgens vj. vntz. Der ander tranck werd bereyt vō xv. pfund wasser/ingesotten biß vff xij. in eim glesin gschirz in einem fessel vol wassers/über die halb Cur fürthin werd d' Sirop bereyt von eim pfund holtz/vnd x. pfund wassers/ingesotten biß auff v. pfund/in eim irzindin gschirz/daruō nem̄ der franck vj. vntz/abends vnd morgens. Der ander tranck werd bereyt von xvj. pfund wassers /in eim glaß vnd fessel voll wassers/ingesotten biß auff xij. pfund.

¶ In

Uew erfundner gebrauch des

In einem altē Cholerischen od
Sanguinischen solchen fäl zuwenden.

Das xx. Capitel.

EK werde mit der sterckenden Diet des
fleyschs gespeiset durch die ganze Cur/
den Sirop bereyt im vō ein pfund holz
vnd x. pfund wassers/in einem ir:zin geschirz/
biß auff v. pfund eingesotten/darvon trinck er
abends vnd morgens biß auff die halbzeit der
Cur iij. vntz/nachmals biß zu end vj. vntz/der
ander tranck werd bereyt von xv. pfund was=
sers in einem glesin gschirz vnd kessel vol was=
sers gesottē/biß es auff x pfunde einseüdt. Ist
dañ der tranck starck vñ krefftig / so werd der
Sirop vnd auch der ander tranck stercker ge=
sotten/namlich von ein pfund holz.

Ein alten Flegmatischen oder
Melancholischen in dieser sucht zu Curieren.

Das xxj. Capitel.

Nach den krefftigen vnd seiner stercke / soll
diser alter gespeist werden mit der or=
denlichen Diet von mertreibeln /oder
der krefftigenden mit fleysch. Den Sirop bes=
reyt ihm durch die ganz Cur von einem pfund
holz

Indianischen holz.

holz / vnnnd x. pfundt wassers / so es erweyche vnd gebeyzt ist / laß sieden in einem irzdin geschirz / das es sich auff vj. pfund verzör od einsiede / daruon gib dem francken des abens vnd morgens / yedes mal vj. vntz / wa es die krafft der leber dāwen mag. Der ander tranck werd von xvj. pfund wassers bereyt / biß auff zwölff pfund eingesotten / wurden aber beyde franckē der vorig jung vnd diser alt durstes halben an disem andern tranck nit gnüg haben / so bereyt für den andern tranck / ein ersten sudt / von iij. vntz des holz / vnd xv. pfund wassers / laß es einsieden auff x. pfund.

¶ Von der tobsucht vnd wanwizigkeyt auß Melancholischer feuchte.

Das xxij. Capitel.

¶ S seind mancherley art vnnnd geschlecht der wanwizigkeyt od tobsucht / aber hie wöllen wir allein von dem geschlecht reden / darin das gemüt vnnnd die vernunft der massen verruckt wirt / das der mensch seiner sijn gentlich beraubt wirt on feber / welchs entstadt auß böser schädlicher Melancholischer feuchten / oder wa sunst der vier natürlichen feuchten eine verbrant vnd verdort wirt / auch

F auß

New erfundner gebrauch des

auß blödigkēy wegen des milchs oder entzündung vnd verdorung der leber oder eines andern fürnemlichen glids/ auch auß gemeynlicher verdorung des leibs. Solche Melancholische tobsucht mag wol durch dē gebrauch des holztranccks gewendet werden/ wa sy nit gar zūlang geharret / vñnd über die maß veraltet wer. Wa dir nun ein solcher fracker zūhandē käme/ den du mit dem holztrancck Curierē woltest/ so schaff das du dich gētzlich auff das wider spil richtest/ speiß in mit bequemer speiß zū diser frackheyt dienstlich. Gib ihm über den morgen imbiß vñnd über das nachtmal an statt des weins/ zwen Monat lang des tranccks vō dē Indianischen holz/ auff dise weiß bereyter/ Nūm des Indianischē holz drey vñnz/ wassers xv-pfund/ so es woler weycht ist / werde es in einem glesin geschirz inn einem kessel voll wassers gesotten biß auff x-pfund/ darnach so Curier ihn weiter/ ein yeden nach seiner art Complexion vñnd alter/ wie folgt.

¶ Die Melancholische tobsucht
in einem jungen Cholericchen oder Sanguinischen zū Curieren.

Das xxij. Capitel.

Speiß

Indianischen holz.

Speiß ihn die ganz Cur mit krefftigen
der Diet/zü feuchte geneygt/mit küle-
den gartē kreüttern/wie es sich gebürt/
solche speiß werde am ersten dermassen gebē/
nach dem es seine kräfte dulden mögē / nach ey-
gentschafft seiner Complexion vnd verdorrüg
der glider/welche narung erfordern. Der Si-
rop werde ihm bereyt auff dise weiß/Vñ ein
halb pfund des holzes/wassers zehen pfund/
nach dem es erweicht ist/seids inn einem gles-
sin gschirz biß es auff fünff pfund einsied /dar-
von gib dem francken von anfang der Cur biß
auff die halbe zeit abends vñ morgens ein halb
pfund das seind vi.vntz/ nachmals biß zü end
der Cur acht vntz. Der ander tranck werde vō
xxiiij. pfund wassers auch in einem glesin ge-
schirz in einem kessel auff xx. pfund eingesottē.

Wanwitzigkeit in einem jungē
Flegmatischen oder Melancholi-
schen züwenden.

Das xxiiij. Capitel.

In diser Complexion vnd alter/soll eben
gleichliche Cur vñ ordnung gehalten
werden/dann dise sucht allein auß ver-
dorrüg vnd verbrennung der feuchte geursacht
F ü wirt

New erfundner gebrauch des

wirt/derhalben nit grosser vnder scheyd in vn-
gleichem alter vnd vngleichen Complexionen
gefunden wirt/dañ allein grobheyt oder dün-
ne der schädlichen feüchten / Darumb ye gro-
ber vnd irrdischer die materi ist/ye lenger die
Cur weren soll/dañ solche materi souil mer der
erfeüchtung /lösung vnd außstreibung wider-
spenstig ist.

¶ Von gemelter tobsucht ein altē Cholerischer oder Sanguinischer Com- plexion zü Curieren. Das xxv. Capitel.

WIt der sterckenden oder krefftigenden
Diet soll er erhalten werden / die zü
feüchte geneygt sey/wie gsagt ist/aber
doch ringer vnd genawer wañ der jüngling/
dañ alte leüt den hunger vil baß dulden od ver-
tragen mögen dañ die jungen. Bereyt jm dem
Sirop durch die gantze zeit der Cur / auß acht
vng des holtz/vnd xv. pfund wassers / nach
dem es erweycht vnd eingebeyzt/laß sieden in
einem glesinen gschirz in einem fessel vol was-
sers/biß es auff acht pfunde nahe einseüdt/dar-
uon gib dem Francken abends vnd morgens vj-
vng oder weniger / wa der magen od die leber
blöd

Indianischen holtz.

blöd weren. Der ander tranck werd bereyt vñ
xx. pfund wassers/eben in solchem geschir: biß
auff xij. pfund eingsotten. Ein alten der Fleg
matischer oder Melancholischer natur were/
soltu gleicher gßalt Curieren/16.

¶ Vom schwindel oder vmbauff fen vor den augen.

Das xxvj. Capitel.

SEr schwindel des hauptes oder vmb-
lauffen vor den augen / entspringt auß
mancher ley vsach. Aber hie wöllē wir
allein von dem reden / welcher auß vsach ent-
stade/verletzung der einbildenden vñ geden-
ckenden krafft in einem fürrefflichen glid ver-
hafftet/als da ist zer störung auß hitz der leber/
oder auffriecken vñ übersich steigen vñ dempff
vñ dunst auß blödem magen / oder verrieck-
chung vñ dempffen des gantzen hirns oder
der gleichen vnnatürliche geschicklicheydt vñ für-
refflichen glider/welcher mit solchen gebrech-
en beladen ist/den bedauchte wie das ort / da er
ist/vñnd alles was er ansicht / rings weiß mit
im vmbauff vñ der gleichen/vñ wider fareet
solchs gemeynglich denen so einem ding heff-
tig vñ mit fleiß on vnderlaß nachsinnen vñ
§ ij nach

New erfundner gebrauch des

nachtrachten/ auch denen so sich eelicher werck
überflüssig vnd züvil gebrauchen. Wa dir nun
ein solcher zü Curieren für käme / soltu in vor
hin auffzween Monat lang zü solchem tranck
des holtz bereyten / dann so speiß ihn mitt der
sterckenden Diet / dermassen als sein Comple
xion vnnnd leibliche stercke vnnnd kräfte dulden
mögen / hütē sich vor allem dem daruō schäd
lich vnnnd böß geblüt erweckst / Gebrauch sich
auch die zween Monat lang in der vorbereytūg
vnnnd in zeit der Cur des holtztrancks / trincke
auch sunst kein ander getranck weder wasser
noch wein / sundtlich wa er Flegmatischer od
Melancholischer Complexion were. Solchen
tranck solt du einem jungen Cholertischen oder
Sanguinischen bereytē von iij. vntz holtz / wel
che tag vnnnd nacht in fünffzehen pfund was
sers gebeyzt werden sollen in einem glesin ge
schirz vnnnd kessel voll wassers eingesotten biß
auffzehen pfund / Aber für ein Flegmatis
chen oder Melancholischen jungen werde sein
tranck gesotten von einem halben pfund holtz /
in sechzehen pfund wassers gebeyzt in einem
irzin geschirz bey einem koltetürin gesotten /
biß es auff zwölff pfund einseüdt. In alten leü
ten soll eben gleiche maß vnd ordnung gehalten
werden / allein das in der speiß / in gewicht des
holtz /

Indianischen holtz.

holtz/maß vnd grad züsieden/seiner Comple-
xion vnd leiblicher Fräfft war genummen wer
de/vnd auch seines alters. Wolte aber auff dise
art vnd ordnung der schwindel nit ver gon/ so
gebrauch eben die Cur/ so von der Melancholi
schen tobsucht vnd vnsmügkheyt gsagt ist.

¶ Von der fallenden sucht.

Das xxvij. Capitel.

Sie fallend sucht wirt auch in etlich vn-
derscheyd vnnd geschlecht geteylt/ Sie
wollen wir aber von der alten fallende
sucht reden/die fürnehmlich von Flegmatisch-
er feuchte verursacht wirt. Wiewol auch vn-
derweilen die Melancholisch feuchte solchs ein
vrsach ist/ Also seind dise beyde feuchte solches
gebrechens ein vrsach/ es sey gleich von böser
Complexion des hirns/oder anderer fürtreff-
licher glider/ wa es allein innerlichen verur-
sacht wirt/vnd ein lange zeit geweret het/auch
sunst mit keiner hilff oder artzney het mögen
hinweg genommen werden/ als dann solt du
die Cur durch den tranck des Indianischē hol-
zes-brauchen auff nachfolgende weiß/ als ich
dir anzeygen will.

f iij Erstlich

Neuerfundner gebrauch des

Erstlich soltu das ort oder gemach darinn der
Franckligen soll/erwölen mäßiger wöime vñ
allem getöß vñ gedümmel frey/nit züfast klar
oder hell / fürdere vnd erwecke ihm hefftigen
schweyß/fürnemlich im haupt/vil mer dan an
andern orten/aber hierin soltu gute maß vñnd
ordnung halten nach der krafft vñnd vermögen
des francken/in speiß/tranck des holzes vñnd
der gleichen/das er nit in ein feber fall/oder im
flüß vñnd ander übel vñnd böse zufäll erweckst/
Dan wa du mitt der sachen recht vmbgehest/
laßt sich die franckheyt gar bald vñnd leichtlich
benennen/ wie ich dan solchs zü dem offteren
mal gewiß/bewärt/vñnd warhafftig erfunde
hab/sunderlich in einer geystlichen jungfrau-
wen von xxx-jaren/ welche mitt der schweren
franckheyt der fallenden sucht vj-jar lang be-
laden in ihrem blüenden alter/Sanguinischer
Complexus/ welche ich mit diser heylsamē artz-
ney in xxv.tagen wider zü irer vougen gesun-
heyt gebracht hab nit on groß menglich ver-
wundern yederman / es hat sy nachmals auch
dise erschrockliche franckheyt nit wider berürt.
Deß gleichen vil andere personen mer so von
andern artzten als für vnmüglich züheylē ver-
lassen waren/den hab ich mit der hilff Gottes
dise

Indianischen holtz.

dise schwere Franckheyt benommen / auff folgende weiß.

Die fallend sucht in jungen leütten Cholericcher oder Flegmaticcher Complexion zuuertreiben / vnd gründlichen zuwenden. Das xxviiij. Capitel.

WAder Franck nit zu schwach / matt oder kraftloß wer / so werde er gespeißt mit ordenlicher Diet der merretübel vnnnd mandelkernē von anfang biß auff die halb zeit der Cur / nachmals brauch er die krefftigend diet / vnnnd wa es von nöten wer / auch die ehegemelt ordenlich diet biß zu end der Cur. Den Sirop bereyt ihm biß auff die halb zeit der Cur / von ein halben pfund holtz / vñ xiiij. pfund wassers / wañ es erweycht ist / so seüds in einem irdin geschirz bey einem Kolfeürlin / biß es eingesüdt auff vi. pfund / von der halben zeit an biß das die Cur auff das höchst kumpt / laß biß vff vier pfund einsieden / nachmals biß gar zu end bereyt ihm den Sirop von ein halben pfunde holtz in x. pfund wassers erweycht / auff zwölff stunden in einem glesin geschirz / in einem kessel voll wassers gesotten / biß es auff vi. pfund ein südt / aber durch die gantz Cur soll er abendes
f v vnd

Neuerfundner gebrauch des

vnd morgens des Sirops vi. vntz nemmen.
Das ander wasser oder der gmeyn träck wer-
de von xx. pfund wassers bereyt / über die ge-
sohnen spån geschütt / vnd in einem glesin ge-
schirz im kessel voll wassers biß auff xv. pfund
eingesotten. Möchtestu aber zu dem täglichen
tränck nit gnüg habē mit diesem wasser. So be-
reyt im ein ersten sude von iij. vntz holz / vnd
xx. pfund wassers / in er stigemeltem glesin ge-
schirz vñ kessel biß auff xv. pfund eingesotten.
In alten gestandnen personen gleicher Com-
plexion / soltu dich eben der massen halten / wañ
allein das der Sirop vñ ander wasser in irzdi-
nem geschirz gesotten / sicherer vnd kecklicher
gegeben werden mögen / von überflüssigkēyt
wegen flegmatischer feüchke in diesem alter.

¶ Ein jungen flegmatischen od Melancholischen von der fallenden suchte zu entledigen. Das xxix. Capitel.

Wein solcher jüngling starck vnd kreff-
tig wer / soll er die ganz Cur durchauß
mit der ordentlichen Diet gespeiset wer-
den / Bereyt ihm den Sirop biß auff die halbe
zeit der Cur von einem ganzen pfund holz /
vnd xviij. pfund wassers / laß xij. stundē ston /
beyden

Indianischen holtz.

beytzen vnd erweychen/dañ laß einsieden auff vij. pfund/nach der halben zeit bereyt ihm den Sirop fürtan von anderhalb pfund holtz vnd sechzehn pfund wassers / laß erweychen vnd seüds wie offtigemelt / das es biß auff v. pfund einsiede bey einem kolsfürlin/ dauon trinck der Franck abendts vnd morgens/yedes mal sechs vntz./ Das ander wasser des gmeynen trancks werde bereyt von xx. pfund wassers/auff zehē pfund eingesotten. Gleiche ordnung soltu auch in alten gestandnen leüten diser Complexion/haltē. Aber wiewol das alter den hūger leichter duldet dan die jugent/soltu ihn doch mit der krefftigenden/oder sterckenden Diet speisen von schwacheyt vnd blödigkeit wegen des alters.

Die Fallend sucht den kindern
von vier jaren an biß auff das vierzehend
zūwenden vnd vertreiben.

Das xxx. Capitel.

SJe kinder dises alters sollen durch die gantz Eur / mit der sterckenden oder krefftigenden Diet gespeiset werden/ dann dises alter merer narung bedarff/ aber das fleysch soll gebraten/vnd nit gesotten werden. Si weil es aber fast schwerlich ist / junge
Kinder

Neuerfundner gebrauch des

Kindes zu Curieren/vnd man sy gar kaum darzu bringen mag/das sy von getränk vnd arzneyen etwas einnehmen / also das sy auch vö dem Sirop ein abscheühen vnd vnwillen habe wurde / magstu es allein mit dem andern wasser von gemeynem tranck die zeit Curieren/ solcher tranck werde ein kind Cholericcher oder Sanguinischer natur bereyt/von drey vntz des holtz/vnd xvj.pfund wassers in einem glesin geschir vnd kessel voll wassers auff xij.pfundt eingesotten. Aber einem so Flegmatischer oder Melancholischer Complexion wer/bereyt solchen tranck von iij.vntz des holtz / vnd xvj.pfund wassers/seüds inn einem irzin geschir bey einem kofeür lin/biß es auff zwölff pfundt einseide. Möchtestu aber das kind bereden das es den tranck des Sirops einneme/so bereyt einem Cholericcher oder Sanguinischer natur/von vier vntz des holtz/vnd x.pfund wassers/ laß sieden in einem glas vnd kessel / biß es auff vj.pfundt einseide/daruon gib im abends vnd morgens ij.vntz/in auffsteigen d Cur iij.nachmals biß zu end iij.vntz. Das ander wasser vnd gemeynen tranck/werd die gantz Cur durch auß von xv.pfundten in gleichem geschir gesotten/biß es auff x.pfundt einseide. Für die so Flegmatischer natur seind / werde der Sirop
biß

Indianischen holz.

biß auff die halb zeit der Cur von iij.vnz holz vnd xij.pfund wassers bereyt / erweycht vnnnd gesotten/biß es sich auff vij.pfund verzöt / in einē irdin geschirz bey einem kelfette / daruon werd jm abends vnd morgens drey vnz gegeben. Das ander wasser zu gemeynem tranck werd bereyt von xvj.pfund wassers/biß es ein gesüdt auff zwölff pfund/ aber die halb zeit d Cur biß zu end/bereyt jm den Sirop vñ zwölff pfund wassers auff fünff pfund eingesotten / dauon soll er abends vñ morgens iij.vnz brauchen. Aber das ander wasser werde von xvj.pfund wassers bereyt/auff ix.pfund eingesotten/Wer es aber dem kind zūvil des tags zwey mal den Sirop zum trinckē /so gib in jm allein ein mal/Wer jm dan solch tranck von der bitter keyt wegen gar zūwider vnnnd entgegen/so mach in ihm sieß mit zucker oder überzognem Coriander.

¶ Von saugenden kindern zu Cur rieren. Das xxxi.Capitel.

SJe schwer kräckheyt der fallendē sucht ist fast gemeyn inn saugenden kindern/ auß vilerley vrsach halben/vnd fürnemlich von hefftiger feüchtigkeyt wegen/aber die ganz Cur solcher saugenden kinder /soll auff die

New erfundner gebrauch des

die am oder seügmütter gelegt werden / dann
wa sy durch den tranck des holtz gerechtfertig
get wirt / so wirt auch die milch geendert wer
den / darmit sy die kind speiset vnd ernöret / Der
halben soll die seügmütter mit zarter stercken
der oder krefftigender Diet gespeiset werden /
dermassen das sy vnnd das kind sollichs erlei
den vnd dulden mögen / vnd wol gedäwet wer
den mög / dan gib jr abends vnd morgens den
Sirop / sunst trinck sy für jren gemeynē tranck
das ander wasser. Solchen Sirop vnd tranck
soltu jr ordnen vnd bereyten nach gelegenheyt
ihrer natur / Complexion vnnd alter / wie zu vil
malen gesagt ist.

Vom Parliß oder Kleinēschlag.

Das xxxij. Capitel.

SEr fleyn schlag / Parliß oder leime / wa
sy den ganzen leib berürt / wirdt sy die
Apoplexi genant / trifft sy aber nur ein
seiten / oder ein glid / nennet man es den Kleinen
od mündern schlag vnd leimniß / dann es ist kein
anderer vnder scheyd in diser sorglichen vnd er
schrocklichen Franckheyt / dann vile oder weni
ge der schädlichen feüchten / daruon erwan ein
teyl des hirns / oder sy allzumal geketzt werdē /
aber

Indianischen holz:

aber die grobe/zähe/schleimigt/flegmatische
feuchte ist solchs fürnemlichen ein vrsach/doch
nit zügrob oder dick (daruon der gang d hirn-
äderlin verstopfft/vnd der leblich geyst gehin-
dert wirt durch die glider zütringen/ daher dz
geäder nachlaßt/er lampft / vnd das glid vnene
pfündlich/lam̄ vnd vnbeweglich wirt / er stö-
ckung vnd zitteren/ (seind solchs gewisse vorbot-
ten / vnd fünffziger lämme eygentliche zeych-
en/dañ das glid erstockt von blödigkeyt wegē/
so ihm der leblich geyst entzuckt wirt/aber das
zittern wirt verursacht/wa solche krafft zerstö-
ret ist/vnd gleich als er stöckft/vnd von dē hirn
irē anfang / außgeschlossen. Dusem sāl vnd ge-
brechen sol auff dz beldest vnd fürdlichst so im-
mer möglich/radt gschehen durch die heylsam
artzney des Indianische holz / wa auch durch
die erst Cur nichts außgericht/ oder der franck
nit gänzlich Curiert wurd/zum andern/ auch
zum dritten vnd vierdten mal die Cur angeha-
bē werden/solche Cur soll auch nit/wa dz erlä-
met glid gleich die farb verlur (welchs ein sun-
derliche anzeygung ist/dz solche leñe über die
maß vnheylbar/vnnd garnahē vnmöglich zū-
wenden sey) derhalben vnderlassen werden/
sunder greiff die Cur fecklichen vnd dapffer an
auffnachfolgende weiß. Bereyt erstlichen dem
francken

New erfundner gebrauch des

Fracken auff dreÿßig tag vor dē er den Sirop
brauche/namlich /das er an statt seins gepürli
chen trancks/des holzwassers trinck/auff dise
weiß bereyter/namlich von eim halben pfunde
des holz/vnd xxx pfund wassers in einem ir
dinen geschirz / nach der erweyhung auff xx
pfund einsorten. Das er lamet glid bāhe wol
mit folgendem bad/Nim der rinden vō Ybisch
wurtzel von dem inneren holzgechten fernē ab
geschōlt/des grossen Galgands/von Zaurrü
ben oder Schmerwurz/hunds fürbßlin oder
wilder fürbßlin wurtzel/yedes vj. handtuoll/
Weiß lilien wurtzel oder Zwiibel x. an der zal/
Linsamē/Fenigrec/yedes ein halb pfund/Loz
bōz ein halb pfund/Camillen/Steynkle/yedes
vier handtuoll/zwey feyßter hamels krōß wol
geseübert vnd gebüet/Dise stuck seüd alle inn
einem kessel voll wassers zu einem bad/darmit
bāhe das er lamet glid täglich / nach vollkū
ner dāwung vor dem nachtrumbiß / nach d bā
hung soltu jm das glid wol salben vnd schmie
ren mit folgender salb/ Nim der salben von
Ybisch wurtzel bereyt / Sialthea genant/viij.
lot/des öls von gelbem Lindotter / sieß man
delkernen öl/weiß vnnnd blaw Lilien öl/yedes
ein halb pfund/vermischs wol zusamē/wōrm
es / vnnnd an der wōrme bestreich das glid wol
darmit/

Indianischen holz.

darmit/wō:m hānsin werck büschlin/vñ bind
es darauff / darnach magstu dem franckē wol
ein krefftige Latwerg oder sterckung geben/
als das Confect oder täselin von edlem gsteyn/
mit gewürtz bereytet/inn den Apotecken Ele-
ctuarium de Gemis cum Aromatibus genāt/
oder dergleichen krefftigende speiß/ damit soll
er ye etwas vom holzer anck trincken. Wa nun
der franck dreysig tag lang vffdise weiß berey-
tet vnd geschickt ist zū rechtgshaftner Cur des
holz/so halt in wie nachfolgt.

Ⓒ Rānniß jungen leüten Cholere
scher oder Sanguinischer Complexion zū Cu-
rieren. Das xxxij. Capitel.

Ⓔ In solcher franck werde die gantz zeit d
Cur durchauß gespeiset mitt ordenlicher
Diet/Bereyt im den Sirop biß auff die
halb zeit der Cur von einem pfund des holz/
vnd xvj pfund wassers/laß in einem irdin ver-
glasurten gschirz siedē/biß es sich auff sechs
pfund verzöret/daruon gib ihm täglich abends
vnd morgens vj. vnz. Der ander sudt zum täg-
lichen tranck werd bereyt von xx. pfund was-
sers / in einem irdin gschirz / eingesotten biß
auff xij. pfund/zū mittelst d Cur vnd am höch-
sten

New erfundner gebrauch des

sten auffsteigen werd der Sirop bereyt vō ein pfund holtz/ vnd sechzehen pfund wassers/ sol zwölffstunden beytzen oder er weychen/ dan in einem irzin geschirz gesotten werden/ biß es auff iij. pfund eingeseüdt/ daruon gib im abes vnd morgens acht vntz/ biß zu nachlassung vñ abnehmen der Cur/ so gib im vj. vntz. Der ander sudt vnd täglichen tranck werd von xviij. pfund wassers bereyt/ auff ix pfund eingesotten. Wa aber der franck zu end der Cur widerumb gefület werden müst/ von wegen überschwencklicher hitz des holztrancks / so bereyt ihm den anderen tranck von zwentzig pfunde wassers/ biß auff sechzehen pfund eingesotten in einem glesin geschirz vñnd kupffer in kessel/ vñnd auffdise weiß / ist ein meydlin von mir gründlichen geheylt worden / welches gentzlich er lambt gewesen was/ beyder schenckel biß zum vndersten füß mitt verlierung der farb/ vnd hat solche leme vom vierdtē in das zwölffte jar geweret.

Lemnis zūheylen in einer flegmatischen oder Melancholischen jungen personen. Das xxxiiij. Capitel.

Diser

Indianischen holtz.

Sifer sol eben dermassen mit ordenlich
er Diet der mertretübel vnd mandelker
nen gespeißt werde. Der Sirop werd
jm bereyret von anfang der Cur bis zu nachlas
fung von einem pfund holtz / vnnnd xvi. pfund
wassers in einem iridinen geschirz gesottē / bis
es sich auff v. pfundt verzöde / daruon soll er vj.
vntz / täglich abends vnd morgens einnehmen.
Der ander sudt zum täglichen tranck werd be
reyt von xx. pfund wassers / bis auff x. pfunde
eingesotten. Im abgang vnd nachlassen bis zu
end der Cur bereyret jm den Sirop von j. pfund
holtz vnnnd xv. pfund wassers / laß es einsieden
bis off vij. pfund / dauon gib ihm auch abends
vnd morgens vj. vntz. Zum täglichē tranck des
andern sudts / nim xx. pfund wassers / laß eins
sieden bis auff xiiij. pfund. Diser Sirop vnnnd
tranck des andern sudts werden die vnnatür
lich hitz des leibs miltieren vnd kühlen / welcher
von dem ersten Sirop vnd andern tranck erhi
zigt worden ist / die franckheyt züdemmē vnd
auß zütreiben. Inn den alten solt du gleiche
maß vnnnd ordnung haben. Aber zu end der
Cur darmit der franck nicht widerumb vmba
schlag in die vonge sucht / franckheyt / vnd ge
brechen / soll er sich gemeynere speiß gebrauchert
die doch nicht schädlich / vnnnd leichtdēwig sey /
G ij trinck

New erfundner gebrauch des

trinck auch hinfürt des holztracks/welcher al
so bereyt werd / Nimm ein halb pfund der dünn
gehoblenen spänen des holz/ geuß xxv. pfund
wassers darüber/laß er weychen / seüds in eim
irzdin gschir: biß es sich auff xx. pfund verzör:

¶ Vom krampff gegicht/ thönen/

• vnd spannen der glider.

Das xxv. Capitel.

SJe wöllen wir von dem gegicht oder
krampff sagen/welcher von schädlichē
bösen feüchten verursacht wirdt/es sey
in einem glid oder in merern (wie wir solches
ordenlich vnder scheyden haben in vnserē hand-
büchlin der ganzen leibartzney) vnd wirt sol-
cher gebrech gemeyniglich geursacht von fleg-
matischem schleim/ schleimiger/ grober vnn-
zäher dan daruonder schlag oder leimniß ver-
ursacht werden. Derhalben wir hie nitt vom
krampff vnnnd gegicht reden von läre/ als von
über flüssigem wachen oder langwiriger fräck
heytt verursacht/reden wöllen / sunder vō dem
so von schädlicher feüchte entspungte/ In solch
em fäl vnd gebrechen/ ee du jm den holztranck
gibst/soltu jm wol reynigen vnd seübern / von
der feüchte die solches fäls ein vsach ist/ nam-
lich

Indianischen holtz.

lich von dem groben / zähen / flegmatischen
schleim / daß so bereyt vnd schick in auch mit or-
denlicher speiß vnnnd allen eüßerlichen dingen
ordenlich zu der Cur des Indianischen holtz-
Zu anfang der Cur solet im auch die erlambrē
gezognen vnd frummen glider bähen / vñ mit
gemüß des tags zwirend warm über gelegt /
wider erweychen / solchs gemüß vnnnd bähung
bereyt also / Nimm ein pfund des holtzes zu sub-
tilen dünnen spänlin gehoblet / vnd daß zu rey-
nem puluer gestossen / seüds auffzwo stunden
lang in einem irzdin geschirz inn wasser / dann
thü darzu der marckechten rinden von Ybisch
wurtzel / acker wurtzel / schmerwurtzel / oder
zaunrüben / Alantwurtz / yedes ij. handtuoll /
seüds wider züsamen mit dem Indianischen
holtz / dann stoß es wol zümüß / streichs auff vñ
brauchs pflasters weiß / dann mit solcher Cur
hab ich wunderbarliche hilffbewisen / sy offts
mals freffrig vnd warhafftig befunden.

C Krampff vnd gegicht in jungē
Cholerischen vnd Sanguinischen leüten zu
wenden. Das xxxvj. Capitel.

W A ein solcher frant / blöd / schwach vñ
kraftloß wer / so speiß in mit 3 sterckes-
den diet die ganz Cur durchaus / aber
E ij. bis

Neuerfundner gebrauch des

biß auff die halb zeit der Cur bereyt im den Sirop von eim halben pfund des holz vnd xij. pfund wassers in einem iridin geschirz eingesotten biß auff ix. pfund / daruon gib im abendts vnnnd morgens / yedes mal vj. vntz. Der ander sudt für sein täglichen tranck / werd bereyt vō xij. pfundt wassers eingesotten biß auff neün pfund in einem glesin geschirz vnnnd kessel voll wassers. Am höchsten der Cur vnd nachmals werd der Sirop bereyter von einem pfund des holz vnd xvj. pfund wassers / in einē iridin geschirz gesotten / biß es sich auff vj. pfund nahe verzört / dauon trinck er abendts vñ morgens yedes mal auff vj. vntz. Den andern sudt zu gemeynem tranck bereyt in einem glas vnd kessel voll wassers / vōn xx. pfund wassers / vnnnd laß v pfund einsieden.

Ein jungen Flegmatischen od
Melancholischen von gemeltem Krampff
vnd gegicht zu entledigen.
Das xxxvij. Capitel.

Er werde gespeißt die ganz Cur durch
aus mit ordelicher Diet der mertreißel
vnd mandelkern / dan bereyt im biß auff
die halb zeit d Cur den Sirop vō j pfund holz
vnd

Indianischen holtz.

vnd xviij. pfund wassers / laß zwölff stund erweychen / seüds inn einem iridin geschir: / bey einem folsfürlin / biß es sich auff viij. pfund verzöret / daruon gib jm abends vnd morgens auff viij. vntz. Der ander sudt zu dem gemeynen tranck sol in einem glaß vnd kessel voll wasser geschehen von xx. pfunden / eingesotten biß vff sehen. Zum höchsten d' Cur vnd folgenden zeit bereyt jm den Sirop von eim pfund holtz vnd xviij. pfund wassers gebeyzt vnd er weycht wie der vorig / seüds in einem iridinen geschir: / biß es sich auff vier pfundt nahe verzöret / daruon gib dem francken täglich abends vñ morgens / wa er starck vñnd krefftig wer / auff viij. vntz / Ist er aber schwach vnd matt / sechß vntz. Wer er aber fast blöd vñnd krafftloß nur iij. vntz. Der ander sudt zu gemeynem täglichē tranck werd vō xx. pfunde wassers bereyt / auff acht pfunde eingesotten. In alten leüten solt du gleiche maß vnd ordnung halten / allein das du vō wegen der überflüssigen flegmatische seüchden dises alters den Sirop vnd tranck des andern sudts krefftiger machen magst vnd stercker. Dise Cur magstu auch in andern der gleichen franckheyten brauchen als vngestalter verziehung des munds vnd der gleichen Contractur.

New erfundner gebrauch des
Von hefftigem vnmäßigē oder
vnnatürlichem fluss der augzäher.
Das xxxvii. Capitel.

HJe wöllen wir von vnmäßigem vnnatürlichem fluss der augzäher reden / so nit angeboren ist / sunder ein lange zeit geweret hat / vnd gleich als für vnheylbar geschetzt worden ist. Es kum̄ solcher fluss v̄ außserhalb oder innerhalb der hirnschalen. Was aber weiter für mangel vnd gebrechen den augen widerfert / als namlich der freps / harte geschwulst vnn̄d geschwer der augen / darvon will ich an sunderlich Capitel setzen. Aber den vnnatürlichen fluss der trähen oder augzäher soltu auff folgende weiß durch den holztranc̄ wenden vnn̄d Curieren / c.

Den vnnatürlichen fluss d̄ trähen od̄ augzäher in jungen leiren Cholericer oder Sanguinischer Complexion züwendē.
Das xxxix. Capitel.

Speiß den Francken die gantz zeit d̄ Cur mit der ordenlichen Diet von mertreißeln vnn̄d mandelkern / bereyt ihm den Sirop von eim halben pfund holz vnn̄d zehen pfund

Indianischen holtz.

pfund wassers / seüds in einem iridin geschirz
auff vij-pfund ein / im auffsteigen / vnnnd wann
die Cur am höchsten ist / bereyt ihm den Sirop
von einem halben pfund holtz / xij-pfund was-
ser darüber gossen / vnnnd also auff xij stund er-
weycht vnd gebeytzt / laß in einem iridin geschirz
sieden / biß es sich auff vier pfund verzdrit im ab-
nehmen vnd nachlassen der Cur bereyt im den
Sirop wie zu anfang / aber durch die gatz Cur
gib im abends vnd morgens auff vij. vntz / Der
tranck des andern sudts werd bereit vñ fünf-
zehen pfund wassers / auch in einem iridin ge-
schirz eingesotten biß auff x-pfund.

¶ Solchen gebrechen inn einem
Flegmatischen oder Melancholischen zu
wenden. Das xl. Capitel.

In diesem Francken soll gleiche Diet ge-
halten werden / aber der Sirop werde
im bereyt die zeit der Cur durchaus von
einem pfund holtz / vnnnd xvj pfunde wassers /
in einem iridin geschirz gesotten / daruon gib im
abends vnd morgens biß auff die halb zeit der
Cur iij. vntz / darnach biß zu end vij. vntz / Der
tranck des anderen sudts werde von xx. pfund
wassers in gleichem geschirz biß auff x-pfunde

6 v ein

New erfundner gebrauch des
eingesotten. Inn alten leiten soltu gleiche Cur
vnd ordnung halten/ doch hierin das alter be-
erachten/wie ich zü offiern mal gemeldet hab-

Von fäl vnd gebrechen der oren
vnd schwerlichem gehörd.
Das xli. Capitel.

Wiewol der fäl vnd gebrechen der oren/
vnd schwerlich hörē viler ley seind/ wöl-
len wir doch hie allein von dem reden/
so vō kalter feüchte entsprungē ist/ es sey gleich
innerhalb in neruen oder gäng des gehörs /od̄
allein in oren. Wa nun solcher gebrech ein lan-
ge zeit gewert hat/vñ veraltet wer/ auch sunst
mit keiner artzney vertriben werden mag/so
brauch die kostbarlich artzney des holz als ein
letzte züflucht/ Erstlich soltu die schedlich über-
flüssig feüchte/ so solchs ein vrsach ist/ minderē
vnd eins theyls austreiben/ nachmals wa der
bresthafft jung wer / Cholerischer oder San-
guinischer Complexion/ so speise in in der erste
mit der ordenlichen Diet der mertreübel/ aber
so die Cur am höchsten ist/ mit der sterckenden
vnd krefftigenden Diet des fleyschs. Von an-
fang biß zü auffsteigung der Cur / bereyt ihm
den Sirop von ein halben pfund holz / vnnnd
zehē

Indianischen holz:

zehn pfund wassers/wan es gebeyzt vnnd er
weycht ist / so laß inn einem iridin geschirz biß
auff den halben teyl einsieden. Das tranck des
andern sudts bereyt von xij-pfund wasser / laß
auff drey pfund einsiede/das dir ix-pfund blei-
ben/vom auffsteigen biß zu end der Cur/bereit
den Sirop von eim halben pfund des holzes/
vnd x-pfund wassers/laß aber siede biß es sich
verzdrt auff iij-nahē. Der tranck des anderen
sudts werd von xij-pfund wassers eingesotte/
biß auff vi-pfundr. Von dem Sirop gib ihm
abends vnd morgens/yedes mal vi-vntz durch
auß die ganz zeit der Cur.

Ein Flegmatischer oder Melancholischer
jüngling gebrauch sich auch der ordenlichen di-
et von mer treübeln vnnd mandelkernen durch
die ganz Cur. Der Sirop werd im bereyt biß
zu dem abnemē der Cur von eim pfund holz
vnd xij-pfund wasser/eingesotten biß auff vi-
pfund. Von solchem tranck werd abends vnnd
morgens yedes mal vi-vntz eingnommen/im ab-
lassen biß zu end d Cur/werd der Sirop von j-
pfund holz vnd ix-pfund wassers gesotten in
einem iridin geschirz/biß es sich auff iij. pfund
verzdrt/von disem Sirop trinck er abends vñ
morgens xij-vntz. Der träck des andern sudts
werd bereit von xij-pfund wassers biß auff x-
pfund eingesotten.

In

New erfundner gebrauch des

In alten gestandnen leuten soltu eben gleiche Cur vnd ordnung halten/wan allein dz diese vil mer mitt krefftigender oder sterckender Diet des fleyschs gehalten vnd gespeiset werden sollen.

¶ Von schädigung vnd Flegmatischem geschwer der nasen.

Das xliij. Capitel.

In der nasen erwechset etwan ein fleyschigs geschwer / auß mancherley vrsachen / welches sich vnderweilen in einen freps verwandelt / vnd ist gar schwerlichen zu heylen / dan es entspringt von Flegmatischer vnd Melancholischer feuchte die verbrent vn̄ zerstört ist. Derhalben solche schädliche feuchten erstlich auß getriben vnd zum teyl gemunde werden sollen / nach dem soll v̄ einem geschickten / erfarnen wundartzet mit bequeme instrumentē die überflüssig materi hinweg geschnitten / gebrent / oder hinweg geetzt / vnd das glied gesterckt / nachmals die Cur des Indianische holtz gebrauch werden / auff folgende weiß / ist der Franck jung Cholericcher oder Sanguinischer Complexion / so speiß in durch die ganz Cur mit der ordentlichen Diet der mercreübel vnd mandelkern / den Sirop bereyt im v̄ vñg

Indianischen holtz.

vntz des holtz vnd x. pfund wassers/das werd
eingesotten auff iij. pfund/ daruon soll er biß
auff die halb zeit der Cur vi. vntz/ die übrig zeit
vij. vntz abends vnnnd morgens brauchen. Der
trancf des anderen sudes werd von xij. pfunde
wassers biß auff viij. pfund eingesotten. Wa
aber der Franck stercker vnnnd frefftiger were/
magstu jm den Sirop vö einem ganzē pfund
holtz bereyē. Ein junger/ flegmatischer oder
Melancholischer Complexion /werd auch die
ganze Cur mit der vordenlichen Diet gespeiset/
vnd jm der Sirop bereydet von xv. pfund was
fers/aber des holtzes biß auff die halb Cur an
derhalb pfund/nachmals von ein pfundt al
lein eingesotten in einem irdin geschir: biß vff
v. pfund. Der trancf des anderen sudes werde
eben in solchem geschir: mit xx. pfund wassers
biß auff xij. pfund eingesotten. Alte vnnnd ge
standne leüt müssen reichlicher gespeiset wer
den von wegen der schwacheyt vnd blödigkēyt
des alters/mit leichter vnd ringerer Kochūg
des Sirops vnd trancfs. Weiter magstu auch
wol das geschwer oder schaden mitt dem Si
rop bäen vnd wäschen / als mit einem spritzlin
oder bequemen Instrument darein getriben/
dañ solcher eüsserlicher gebrauch des holtzwaf
fers wunderbarliche hilff erzeyt/ gschwer vñ
böse

New erfundner gebrauch des
böse veraltete schäden zu erweyhen / lösen / re-
nigen / vnd heylen.

Von gegicht der zungen / vnnnd
dem wasserigen geschwer vnder der zunge.
Das xliij. Capitel.

Sie fäl vnd mängel der zungen / vnd dz
wässerig geschwer oder gewächßlin /
vnder der zungen / solt du eben gleicher
maß Curieren / wie vö gebrechen der nasen ge-
schwer gsagt vnd geordnet ist. Aber wa solchs
gewechß vnder der zungen sich neygen wolte
zu einem freps / ist von nöten / dz man gar flei-
sige hilff der handwürcung / der Chirurgey
brauche / nachmals die Cur des heylsamē In-
dianischen holzes.

Von losen lücken zansfleysch /
herzu fließender feuchte / schäden vnd einfres-
sung der biller / vnnnd bewegung der zän-
Das xliij. Capitel.

Alle solche gemächte / fäl vnnnd gebrechen
der biller vnd zansfleysch / habē jr ursach
auß vnnatürlicher enderung des natur
lichen wesens vnd Complexion der fürtreflich-
sten

Indianischen holz:

sten glider/als wañ das hirn über die maß er-
hitzigt ist/vil überflüssiger dämpff vnd feuch-
ten ansich zeihet/die nachmals herab fallen/vñ
sich in die biller oder zanfleysch setzen /vnd vñ
solchen schädlichen feuchten werden sy dan zer-
stört vnd verderbt / desgleichen geschicht auch
von überhitzigtem magen vnd leber. Darum
so du eygenlich die vsach des gebrestens erkät
hast/auch andere artzney nit geholffen hat/solt
du die selb schädlich feuchte eins teyle mindern
vnd austreiben/ nachmals die Cur des holzes
brauchē auff folgende weiß / Ist der Franck od-
bresthaftt jung / Cholerischer oder Sanguini-
scher Complexion/so speiß in mit der krefrigē
den diet des fleysche/ aber fast genaw vñ mā-
sig/so ferz es seine kräfte dulden mögen/ durch
auß die gantz zeit der Cur bereu im den Sirop
auff die halb zeit der Cur von ein pfund holz/
vñnd xv.pfund wassers/laß einsieden / biß es
auff vj.pfund kumpt. Die übrig zeit der Cur
nim̄ des holzes ein pfund/ des wassers fünff-
zehn pfund/seüds in einem irzdiñ geschir: biß
auff vier pfund ein. Von solchem Sirop soll er
abends vnd morgens auff sechs vntz trincken/
Der tranck des andern sudts werde bereyt vñ
zwenzig pfunde wassers/ingesotten biß auff
fünffzehn pfund.

Uew erfundner gebrauch des

Ist aber der jung flegmatischer oder Melancholischer Complexion/so speiß in mitt der ordenlichen Diet biß auff die halbzeit der Cur die überigzeit mit der krefftigenden oder sterckenden Diet des fleyschs/ Bereyt jm den Sirop durchauß die ganze Cur von einem pfund holz vnd xij.pfund wassers/laß beytzen vnnnd erweychen auff xij.stund/seid es dan in einem ir:dim geschirz/ biß es auff iij.pfundt kumpt/ Den tranck des andern sudts bereyt von xxv.pfund wassers/laß biß auff xv.pfund einsiedē auch in einem ir:dim geschirz. In alten Franckē leüten soltu gleiche ordnung der Cur brauchē/ doch jr alter fürnemlich betrachte. Weiter solt du auch die biller vnd zanfleysch offimals vnd zu aller stund mit dem holztranck oder einer andern bequemen mundschwenckung wol abspülen vnnnd wärschen/das hart gebachen brot/ solt du jm auch von wegen der erfülten biller vorhin in hünerebülın oder dem Sirop erweychen.

¶ Von brustsucht / Keichen / oder schwerlich athmen.

Das xlv Capitel.

SAs Keichen oder schwerlichen athmen/ wiewol es nit alles einerley art ist/ dan von

Indianischen holz.

von den ärzten solcher fäl in viererley art vñ
derscheydē wirt/ mag doch solcher gebrech sich
in alle weg von schädlichen feüchten erheben.
Aber inn alten leüten ist vülleicht solche vrsach
des gebrechens nit leichtlich auff zülösen vñnd
zūwenden / Si weil aber doch solcher gebrech
fürnemlich von zäher/grober/schleimiger ma
teri verur sacht ist/ vñnd aber kein andere artz
ney nit geholffen hat / soll erstlich die materi d
Franchheyt gelöset/erweycht/vñnd zum teyl ge
mindert oder außgetrieben werden. Nachmals
die Cur des holzes gebrauchet werden / vñnder
den holztranch mag man wol vñnd nützlischen
frische dactlen/hisop / vñnd ander dergleichen
einfache stuck vermischen / solchem fäl vñnd ge
brechen bequem vñnd dienstlich/ wie dan solchs
auch im alten hūsten/brustsucht / vñnd allen ge
brechen der Brust geschēhen mag/ aber vor vñnd
ee du die recht Cur des holzes anfabest/solt du
vorhin den Francken auff zwen Monat lang
darzū rüsten vñnd bereyten/also das er die zeit
speiß gebrauch die leichtdāwig sey / vñnd den ge
brechen nit erweck oder mere. Zum täglichen
tranch an statt des weins/ magstu jm ein holz
tranch siedē von drey vntzen des holz vñnd xx
pfund wassers/ ein tag vñ ein nacht eingebey
het vñnd erweycht / dan in einem irdin geschirē
bey

New erfundner gebrauch des

bey einem Kolfeürlin auff ein stunden lang gseten/nachmals Closter bysop ein handtuoll / frischer dactlen ein halb pfund darein gewoffen/widerumb sieden lassen biß es sich verzört vnd eingeseüdt auff xv.pfund. Aber die recht Cur soll also geordnet werde. Ist der bresthafft jüß Cholericcher oder Sanguinischer Complexio/ so soltu in speisen biß auff die halb zeit der Cur/mitt der ordenlichen Diet / nachmals mitt der freßtigenden vom fleysch. Der Sirop werde bereyt von ein pfund holtz/vnd xij.pfund wassers/bysop vnnnd dactlen darzu gethon / als vil sein gepürt/ werd in einem irdin geschir: gseten biß es sich auff vj.pfund einseüdt/die halbe zeit der Cur/Die überig zeit laß auff v.pfundt einsieden. Von diesem Sirop trinck er abends vnnnd morgens yedes mal auff vier vntz. Der franck des anderen sudts werd von zwentzig pfunde wassers eingesotten biß auff fünffzehē pfund. Wer aber der franck jung Flegmatisch er Complexion oder Melancholischer/ so speiß in durch die ganze zeit der Cur mit der ordenlichen Diet/Den Sirop bereyt in von einem pfund holtz vnd sechzehen pfund wassers / laß in einem irdin geschir: einsieden biß auff zehen pfund/nach dem thū darein Bysoy vnnnd dactlen souil sein gnüg ist / des bestē weisseste dānenschwāms

Indianischen holtz.

nenschwam̃s / Agaricū genāt / ein halb lot / laß
widerüb sieden biß es auff vñ. pfund kumpt /
Von solchem Sirop gib ihm abends vnd mor-
gens sechß vntz / biß zū dē auffsteigen der Cur /
nachmals biß zum end der Cur acht vntz. Der
tranc̃ des andern sudtes werde bereyt von xxv
pfund wassers einsorten biß auff xviij. pfund
auch dactlen vnd Bisop / vnd deßgleichen stuck
darein gethon / das zū der brust diene / solches
mag gleicher weiß vnd ordnung auch in alten
leüten gehalten werden / allein das man des al-
ters acht habe / vnd im wiß zū oder von zūge-
ben / dann die weil inn solchen alten leüten dise
franchheyt fast schwerlich vnnnd gar nahe vn-
möglich ist zūheylen / soll man sy doch nitt ver-
lassen / sunder zū dem wenigsten mit diser Cur
dem gebrechen wören / das er weiter nit zūnem-
men mög.

¶ Von der lungen sucht / schwin- den vnd abnehmen.

Das xlvj. Capitel.

Wiewol die lungen sucht / daruon d̃ leib
schwindet vnnnd abnimpt / ein tödliche
franchheyt ist / vnnnd für vnheylbar bey
den ärzeten geachtet wirdt / also das weiter
B ij weder

New erfundner gebrauch des

weder hoffnung noch ziuersicht vorhanden ist
soll man doch nitt gar darauff verzagen / oder
gänglich verzeihen / sunderlich zu anfang der
franchheyt / biß sy zum höchsten kumpt/dem
franken weder hilff noch trost versagen oder
abschlagen/wie auch Galenus lernet. Darum
sollen von anfang biß sy zum höchsten hinauff
gestigen ist/die gemeynen reglen vnd artzney=
en von den ärzten fürgschaben vnd geordnet/
gehalten / vnd nachmals der tranck des holzs
gebraucht werden/welcher fürnlich nutz vnd
güt ist in diser schweren vnd sorglichen franch=
heyt/dañ von wegen seiner hitzigen vnd truck=
nen qualitet oder natur / löset vnd erweycht di=
ser tranck alle grobe zähe schleim / daruon die
lung gelezet vñ zerstört wirt/ auch wa die lung
yetzund verletz vnd geschediget wirt/ werden
die selbigen schäden von disem kostlichen träck
getrucknet/gereynigt/ vnd die lung widerum
geheylt/dañ von wegen seiner kalten vñ truck=
nen natur heylt er/vñ stillt den fluß des blüts
wa er vorhanden wer/erquickt auch/ fület vnd
erhelt die natürlich feuchte von wegen der kü=
lenden vñd feüchtenden krafft / dardurch er
auch das feber oder entzündung des gebeyns
löschet / dieweil auch sundlich in diser schwerē
franchheyt mancherley artzney auch widerwer
tiger

Indianischen holtz.

niger natur geordnet werden soll / mag solches
 in feinen weg leichtlicher oder baß geschehen
 daß durch disen tranck des holtzes / in welchem
 viler ley wunderbarliche heylsamen vnd krefft-
 ige würckung befundē wirt. Siweil aber mit
 der lungensucht das schwindend feber vnd ab-
 nemmē des leibs ein sunderliche gmeynschafft
 hat / soll gleichliche Cur vnd ordnung in ihnen
 beyden gehalten werden / allein das du acht ha-
 best / wa solchs schwinden oder abnehmen ein
 vrsach wer / Apstem oder gschwer / oder ver-
 letzūg eins andern glids / das dem selbigē erst-
 lich rade geschehe / vnnd also die vrsach vorhin
 hinweg genummen werde / nachmals magstu
 zūgleich in der lungensucht vnd schwindensucht
 folgende enderung der Cur brauchen. Erstlich
 soltu vor der Cur auff zwen Monat lang dem
 francken bequeme Larwer gen / Sirop / vnd an-
 dere artzneyen / zū seiner franckheyt dienstlich /
 verordnen (wie ich dir in meinem handbüchlin
 gemeyner Practic der ganzen leibarzney klär-
 lich vnd trewlich anzeygt hab) vnd für seinen
 täglichen tranck an statt des weins ein holtz-
 tranck bereyten / auff folgende weiß / Nimm ger-
 stenwasser darcin thū ij. vntz der düñ gehoble-
 ten spānen vom Indianischen holtz / laß es iij.
 stund erweychen / daß seüße das wasser darab /
 S ij daß

New erfundner gebrauch des

dañ geüß widerum gerstenwasser darauff vff
xvj. pfund/laß in ein glas vnd kessel voll was-
sers sieden/wie zu vil malen gesagt biß es auff
xi. pfund eingeseüdt. Nach diser vorbereytung
wird der franck geschickt zu anfang der rechtē
Cur/ist er dann jung/ Cholerscher oder San-
guinscher Complexion / so speiß in mit sterck-
ender oder krefftigender Diet / auch mit ge-
stoßnen vnd durchgetribnen müßlin / von hü-
ner fleisch/nach Kräfft vnd vermögen des krä-
cken/ Bereyt ihm den Sirop von vier vngz des
holzes/geüß darüber x. pfund gerstenwasser
von gerolter gersten/laß es zwey tag vnd zwo
nacht ston vnd erweychen/seüds in einem glas
vnd kessel voll wassers/biß es auff vij. pfunde
einseüdt/darvon gib im für seinen tranck abes
vnd morgens vj. vngz. Wer aber dein fürnem-
men mer den francken zu stercken vnd krefft-
igen dann die such zuwenden/ so gib allein des
tags ein mal solches tranck / darmit er haß ge-
speiset vnd leichtlicher darwen mög. Wer aber
dein fürnemmen mer auff die franckheyt ge-
richt zuwenden/so gib im solch tranck täglich
en zwey mal. Woltestu im dann sterckung oder
Krafft Lattwer gen oder artzney geben/ zu stüd
des Sirops soll der selbig gemindert werde/
oder du müß darmit als lang verziehen/ biß
der

Indianischen holtz.

der Sirop gedawet sey. Woltestu aber das der
franck vom Sirop zügliche gekrefftiget vnnnd
auch Curiert wurde / so werde mit dem tranck
das fleysch von der brust einer güttten hennen
oder Cappaunen gekocht / dann bereyt ihm den
tranck des andern sudts von drey vntz des holtz
es vnnnd zwentzig pfund gerstenwasser / laß
es biß auff fünffzehen pfundt einsieden. Sol
ches biß auff das zunehmen oder auffsteigen
der Cur geschehen soll / nachmals biß zu end d
Cur bereyt ihm den Sirop von einem pfunde
holtz / vnnnd zwölff pfund gerstenwassers / laß
ein nacht vnd ein tag erweychen vnnnd beytzen /
dann seiuds in einem glesin geschirz vnnnd kessel
voll wassers / biß es auff fünff pfund einseüdt /
wa dann das fleysch von der brust einer hennē /
oder Cappaunen mit gesotten ist / so bereyt ihm
den tranck / den er zwischen den malen täglich
trincken soll / von iij. vntz des holtz / vnd zwen
zig pfund gerstenwassers / biß auff dreyzehen
pfund eingesotten. Wer der franck jung / vnnnd
Flegmatischer oder Melancholischer Comple
xion / soll er / wie der vorig gespeiset werden.
Den Sirop bereyte im von eim halben pfund
des holtzes / vnd zwölff pfund wassers / einge
sotten biß auff fünff pfund inn einem irridinen
S iij geschire

New erfundner gebrauch des
geschirz/ davon gib im morgens vnnnd abentds
auff vi. vntz. Den tranck des andern sudts bea
reyt im wie vor in dem glesin geschirz/ von xv.
pfund biß auff x. pfund emgesotten. Von alten
leüten / will ich hie nichts sagen noch ordnen/
dann sy gar schwerlich vnnnd fast selten mögen
Curirt werden.

Von verlorne lust vnd appetit
zü der speiß. Das xlvij. Capitel.

Es verlorne appetit vnd lust zü d. speiß
werden von den ärzten mancherley vz
sach erzölt/ nabe die böse kalte Comple=
xion/ daruon beyde kräfte / die sülend vnnnd die
ansich ziehend des magens geschwecht werde.
Deßgleichen auch zäher grober flegmatich=
er schleim/ so sich im schlund oder magenmüd
versamlet vnd angehenckt/ da dan die statt vnd
ort ist der begird vnnnd lust zü der speiß/ wie zü
vnderst des magens die rechte statt der dāw=
ung. Derhalben was hie von dem verlorne
appetit vnd vnlust zü der speiß/ gsagt wirt/ auch
auff dise böse zerstöte dāwung gezogen wer=
den mag. Es geschehe gleich solchs von wege
des hirns oder der leber zü Felte geneygt / oder
sinem andern glid von Melancholischer feich
te/be

Indianischen holz.

te/bischwerd/oder auß anderer vrsach. Wa nun
solchs gebrechens rechte vrsach tieff eingewurz
let wer/vnnd sunst durch fein andere artzney/
weder hilff noch radt geschehen möcht./solt du
dein leiste züflucht haben /zü der heylsamē Cur
des Indianische holzes. Aber der Franck wer
de vorhin zü der Cur auff xxx. tag lang bereyt/
welche zeit er güte krefftig speiß / die jm nicht
schaden bring/fast mässig gebrauchen soll. Er
trinck fein wein noch anderen tranck wañ das
holz wasser/welchs du jm bereyten solt vō iij.
vng des holzes/vnd xv. pfund wassers auff. xij.
pfund eingefotten/nach dem soltu die recht Cur
anfahen /ist der bresthafft jung / Choleric/her/
oder Sanguinischer Complexion / so soltu ihn
speisen von anfang biß zü dem auffsteigen der
Cur/mit der ordenlichen Diet der mer treübel/
vnd mandelkern/nachmals biß zü end der Cur
mit der sterckenden Diet des fleyschs. Den Si
rop bereyte jm die gantze zeit durch auß von ei
nem halben pfund holz vnnd viij. pfund was
fers/nach dem es erweycht vnd gebeyzt ist/ in
einem irdin geschir: bey einem kolsfürlin wol
eingefotten biß auff iij. pfund/ daruon gib jm
täglich abends vnnd morgens vj. vng. Der
tranck des anderen sudes werd bereyt von xv.
pfund wassers /eingefotten biß auff ix. pfund.

New erfundner gebrauch des

Ein junger flegmatischer oder Melancholischer natur/werd die ganz Cur mit der ordentlichen Diet der mertreübel vnd mandelkernen gespeiset. Zum Sirop sollen acht vnz des holzes vnd zwölff pfund des wassers genummē werden/laß es ein tag vnd ein nacht ston vnnnd beyzen/dann seüd es inn einem iridin geschirz biß es auff fünff pfund kumpt/ daruon gib jm durch auß die ganz Cur alle tag abendes vnnnd morgens auff sechs vnz. Der tranck des andern sudts werde von fünffzehen pfund einge sotten biß auff zehen pfund. Gleiche ordnung soltu auch in alten leüten halten/ allein jr alter vnd vermögen wol betrachten.

¶ Von stinckendem oder starck riechendem athem. Das xliij. Capitel.

In diesem fäl vnnnd gebrechen solt du eben gleiche Cur vnd ordnung halten/ wie in nächst vorgeendem Capitel vō verlorne aperit vnd vnlust zu der speiß vnnnd vndäwige keyt des magens geordnet vnd angezeygt ist.

¶ Von geschwer des magens.

Das xlix. Capitel.

Hie

Indianischen holtz.

HJe wollen wir von dem Apofitem oder
geschwer des magens reden / welcher
veraltet vnd ein tieff eingewurtzlete vrsach
hat / vnd sunst von keiner artzney vertribet
oder gewendet werden mag / vnnnd ist solcher
Apofitem oder geschwer ein vrsach / Flegmatic-
sche oder Melancholische feuchte / mit der zeit
im magen versamlet / welche in keinen andern
weg baß außgetriben / vnd solcher fäl gewen-
det vnd Curiert werden mag / dann durch das
kostbarlich tranck / vnnnd heylsame artzney des
Indianischen holtzes. Darumb so speiß ihn
durch die ganze zeit der Cur durchauß mit der
genawen ordenlichen Diet der mertreübel vñ
Mandelfernen / bereyt ihm den Sirop von ei-
nem pfund holtz vnnnd zwölff pfund wassers /
seüds in einem irzdin geschirz / biß es auff sechß
pfund eingeseüdt. Darvon trinck er alle tag
abends vnd morgens sechß vntz biß zu end der
Cur / Der tranck des andern sudtes werde von
achzehen pfundt wassers eingesotten biß auff
zwölff pfundt. Aber in kalter natur vnd Com-
plexion / auch in solchem alter soll der Si-
rop biß auff vier pfund eingesot-
ten werden von xij. pfund
wassers.

¶ Von

New erfundner gebrauch des
Von fäl vnnnd gebrechen der le-
ber/ vnd ersilich von hartem fleyschigem
Apostem gschwil oder gschwer-

Das I. Capitel.

Es ist fast schwerlich vnd müsam in einē
yeden einfachen stuck oder vnuermisch-
ten artzney alle die eygenthsafft zu erfin-
den so die franck leber erfordert/ Namlich bit-
ter keyt herbe vnd rauhe krafft/ glitten geruch/
zeitigung/ miltierung/ reinigung/ ein leichtlich
durchringende krafft/ leichtheyt vnd derglei-
chen. Welche eygenthsafft on noch vil andere
vnzölliche mer alle inn dem Indianischen holtz
überflüssig gefunden werden/ Derhalben dise
kostbarlich heylsam artzney in fleyschigem har-
tem geschwell oder geschwer fürnemlich nutz
vnnnd hoch von nöten ist/ man sol auch solchem
fäl vnnnd gebrechen auff das aller beldeste rade
thün/ dan wa der gebrech überhand neme/ wer
zūbesorgen/ das nichts mer helffen wurde/ on
allein dise kostliche artzney des Indianischen
holtz/ dan ob gleich solchs geschwer oder Apo-
stem gänzlich verhartet wer/ soltu doch nicht
zweifeln in der Cur dises holtzs/ in welchem al-
le oberzölte krafft vnd tugent vollkümlich ge-
funden werden. Weiter aber dem francken inn
yeder

Indianischen holtz.

yeder artzney für fäl vnnnd gebrechen der leber /
soltu fürnemlich die natur vnd Complexion d
lebern warnemmen / damit du sy nit zübeftig
erfelteft / das du den franckē in die wasser suchē
bringest / auch nit dermassen erhitzigen / das sy
züfast erhitzigt werd oder züseer verdoire. Wa
nun dz Apostem oder gschwer der lebern hart
vnd fleyschig wer von jm selbst erwachsen / od
nach einem andern gschwer / vnd sein fürnem
liche visach / daruon es entsprungē / nit leicht
lich weichen will / welches du dann erkennen
magst durch gewisse zeychen (wie ich dir solchs
in meinem handtbüchlin gemeyner Practic der
ganzē leibartzney angezeygt habe) als dann
magstu die folgende Cur des holtztrancks an
heben / ist der franck jung / Cholerischer oder
Sanguinischer Complexion / so speiß jn durch
die ganz Cur hinauß mit dem sterckenden Si
er des fleyschs / auch mit müßlin von gestoßnē
vnnnd durchgetribnem hünē oder Cappauen
fleysch / bereyt jm den Sirop auch die gätz Cur
von viij. vntz holtz / vnd xij. pfund wassers inn
eim iridin geschirz gkotten / biß auff vij. pfund /
des Sirops gib jm täglich abends vnnnd mor
gens iij. vntz. Woldestu ihm aber auch andere
artzney ordnen vnd geben / so gib ihm den Si
rop des allein nur ein mal. Der tranck des an
dern

New erfundner gebrauch des

dern sudts werde in einem glesin geschirz in ein
nem kessel voll wassers eingesotten von fünfz-
sehen pfund biß vff xij. pfund. Ein jünger fleg-
matischer oder Melancholischer natur/ werde
eben wie der vorig gespeiset / aber den Sirop
bereyt ihm die ganz zeit der Cur von j. pfunde
holz/ vnd xij. pfund wassers/ auff zwei stunde
lang eingebeyzt vnd in einem iridin geschirz
gesotten biß auff iij. pfundt/ daruon gib ihm
abends vnd morgens/ oder allein des tags ein
mal/ wie dem vorigen/ ein halb pfund / das ist/
vj. vntz. Der tranck des andern sudts werd be-
reyt von zwentzig pfund holz/ in gleichem ge-
schirz gesotten biß es auff sechzehen pfund ein-
setüdt. Wer aber der franck leichtlicher zu Cu-
rieren / so gib ihm allein für seinen gemeynen
tranck an statt des weins den holztranck/ be-
reytet von vier vntz des holzes / vnd xx. pfund
wassers/ eingesotten biß auff xv. pfundt. Du
magst auch in der kochung/ oder den sudt des
Sirops etliche bequeme stuck/ kalter oder war-
mer natur/ nach art vnd eygenthschafft d'fräck-
heyt/ vermischen/ so der lebern nutz vnd dienst-
lich seind.

¶ Von der Wassersucht.

Das ij. Capitel.

Der

Indianischen holtz.

S Er wasser sucht seind dreyerley gestalt/
vnd gschlecht/vnder welchen allein die
dritt Timpanithis genant/das ist wañ
sich vil windiger pläst im vnderen leib samlen
vnd auff pläen/nit Curiert werden mag/die vñ
sach vnd art solcher Franckheyt hab ich dir weit
leüffig vnd gar eygentlich angezeygt inn mei-
nem handtbüchlin gemeyner Practic der gan-
zen leibartzney. Siweil aber dise Franckheyt
ein tieff eingewurtzlete vsach hat/mag sy auch
nitt als leichtlich gewendet oder Curiert wer-
den. Derhalben du die Cur dises holtzes brau-
chen müst/ist dann der Franck jung/Cholerisch
er oder Sanguinischer Complexion / so speise
jn mitt sterckender Diet der mertreübel vñnd
mandelkern durchauß die ganze Cur /den Si-
rop bereyt jm die ganz Cur von anfang biß zñ
höchsten auffsteigen inn einem iridin geschirz/
von einem halben pfund holtz / vñnd fünffze-
hē pfund wassers/laß es biß auff sechß pfunde
einsieden/daruon gib jm täglich abends vñnd
morgens ein halbpfund. Den tranck des an-
dern sudts laß einsieden von zwentzig pfunde/
biß auff zwölff pfunde. Die überig zeit der
Cur durchauß / bereyt jm den Sirop vñ. viij.
vñz

New erfundner gebrauch des

vntz des holz vnd xij. pfund wassers / laß xij. stund beytze / selids in einem iridin geschir: / biß es auff iij. pfund einsetidt / daruō gib jm abets vnd morgens auff vi. vntz. Für den tranck des andern sudts seüd xvj. pfundt wassers / biß es sich verzōt oder einsetidt auff viij. pfund. Ein Flegmatischer oder Melācholischer jüingling soll mit der schmalen genawen Diet der mercreübel vnd mandelkernen gespeiset werden / durch die ganze Cur / er werd dan schwach vñ krafftloß. Der Sirop werd in einem iridin geschir: gesotten / von ein pfund holz vnd zehen pfund wassers / laß xij. stund beytzen oder erweychen / seüds dan ein biß vff iij. pfund / daruon gib jm abends vnd morgens alle tag iij. vntz / biß auff die halbzeit der Cur / darnach die übergig zeit hinauff biß zu end der Cur vi. vntz / Den tranck des andern sudts bereyt jm vō xx. pfund wassers inn gleichem geschir: gesotten / biß auff xij. pfund. Es mögen auch inn diser Franckheyt nutzliche kreüter / so zu solcher frackheyt dienstlich sind / mitt der bereytung des weins / wie im vierdten vnd letzten theyl dieses büchlin angezeygt wirdt / gebraucht werden / die weil auch den wasser süchtigen / wie ein gemeyne regel ist bey den ärzten / das wasser nit allein verbotten werden soll / zutrinken / sund auch

Indianischen holtz.

auch züsehen oder anzüschawen. Gleiche ordnung der Cur / wie ich dir biß hieher anzeyge hab / in disem gegenwertigen Capitel magstu auch nutzlich brauchē zü der gilb oder gelsucht im Apostem geschwer vnnnd verhartung des milztes / vnd dergleichen / wie wir solches zum offtern mal bewärt befunden haben.

¶ Von Franckheyten vnd gebrech en der nieren / vnd schädigung der blasen.

Das liij. Capitel.

Sie schädigung oder offne vnnnd eingefressne verletzung der blasen vnnnd nieren / von einer scharpffen beissenden oder einfressenden feuchte verursacht / oder andere dergleichen züfäll / mögen gar nahe auff gleiche weiß vnd art Curiert werden. Dañ so diser fäl vnd gebrech veraltet vnd eingewurzlet ist / mag er gar schwerlichen vnd vnmöglichē Curiert oder gewendet werden / on mit grosser müß vnnnd vnaußsprechlicher beschweruß / derhalben die größt hoffnung vnd letst züuersicht zü disem holtzranck gesetzt ist / wie wir durch gewisse erfahrung zü dem offtern mal befunden haben. Wiltu nun ein jungen / Cholericcher oder Sanguinischer complexion / vō sola
3 φεε

Neuer erfundener gebrauch des

cher sucht entledigen / so speiß ihn die gantz zeit der Cur mit der schmalen genawen ordenlichen Diet der mettreübel vnnnd mandelkernen / vnd bereyt ihm disen Sirop / Nimm ein pfunde holz / vnnnd xv. pfund wassers / laß xij. stunden lang erweychen vnnnd beytzen / seüds ein inn einem irridinen geschirz biß auff fünff pfund / gib jm abends vnd morgens vj. vntz / Den tranck des andern sudts bereyt jm von xx. pfund wassers biß auff xv. pfundt eingesotten inn einem glesin geschirz vnnnd kessel voll wassers. Der Flegmatisch oder Melancholisch jüinglinge / werde auch mit gleicher Diet gespeiset / Den Sirop bereyt ihm / wie den vougē / aber das er einsiede biß auff vier pfunde. Den tranck des anderen sudts / bereyte ihm von xxv. pfunde wassers inn einem irridin geschirz biß auff xv. pfundt eingesotten. Gleiche Cur vnnnd ordnung soltu in allen alten auch halten vnnnd brauchen.

Weiter aber so merck das es sunderlich von nöten vnd fast nutzlich ist / die geschwer vnnnd offne schädigung der blasen zühaylen / dz man aufferthalb durch bequeme vnd darzū bereyte Instrument von dem ersten Sirop des holztrancks in die blasen treib (wie du sollichs ein weiteren bericht vnd trewliche vnderweisung findest / in meiner grossen vollkummenen Chirur

gey /

Indianischen holtz.

gey / mit eygentlicher vnnnd kunstlicher abma-
lung oder Contersetzung der instrument.

Von mancherley fäl vnnnd ges-
brechen der bär mütter oder geburt glider / vnd
erslich von vnnatürlichem fluß.

Das liij. Capitel.

S Dauch nun andere überflüssige feuch-
te über die natürlich reynigüg des wei-
berblümens zü der bär mütter / gleich
als zü einer grüben vnd versamlüg aller über-
flüssigkeyt herzü fließen / wirt ettwan ein heff-
tiger vnnmäßiger fluß verursacht / vnnnd wirt
solcher fäl vnnnd gebrechen auß vilerley vrsach
verursacht / Ist auch den weibern über das /
das er die empfengniß zerstört / vnnnd frucht-
barkeyt verhindert / fast schädlich. Derhalben
wa kein andere hilff / oder artzet radt geholfen
hat / die Cur des holtzes angefangen vnd
gebraucht werden soll / auff dise nachfolgende
weiß / In solches weib werde von wegen der
bitz der leber gespeiset / biß zum höchsten auff-
steigen der Cur mitt der schmalen ordenlichen
Diet der Nertreibel vnnnd Mandelkernen /
vnd nachmals mit der starcken krefftigenden
I ij Diet

New erfundner gebrauch des

Diet des fleyschs. Der Sirop werd jr bereyt die ganz zeit der Cur von ein pfund holz vnd xv. pfund wassers in einem iridin geschirz eingesotten biß auff vii. pfund / daruon trincke sy abends vnd morgens von anfang der Cur biß zu dem höchsten auffsteigen vii. vntz. Darnach biß zu end der Cur. Der tranck des andn sudts werde bereyt von xx. pfund wassers / eingesottē biß auff xii. pfund. Sette aber ein weib solchen fluß von hefftiger erkeltung der leber / od̄ eins andn glids / soll sy die ganz zeit der Cur durch auß mit der genawen Diet der möitreübel vñ mandelkernen gespeißt werden / sy wurde dan zu schwach onmächtig vnd krafftloß. Der Sirop werde bereyt von ein pfund holz / vñ xv. pfund wassers / laß die gmeyn vnd gewönllich zeit beytzen oder erweychen auff xii. stunden / dan seüds inn einem iridin geschirz / biß es sich auff vii. pfundt verzd̄t / daruon gib jbr täglich durchauß die ganz Cur abends vnd morgens auff vii. vntz. Den tranck des andern sudts bereyt von xxx. pfund wassers inn gleichem geschirz eingesotten biß auff xx. pfund.

Unnatürliche vnfruchtbarkeit
zūwenden. Das liiij. Capitel.

Vilerley

Indianischen holtz.

Dierley vrsachen der vnfruchtbarkeyt/
werde vō den ärzten erzolt / welche du
vorhin betrachten vnd eygentlich erwe-
gen sollest / wañ du die recht vrsach erfare hast /
soltu vorhin das weib zum offtern mal purgie-
ren vñ reinigen von der schädlichen materi / ee
dz du die Cur des holtzes anfahest / vnd also die
vrsach des fäls vnd mägels vorhin hinweg nē-
mē / vñ eins teyls mundt / nach dem soltu sy vff
x oder .xx. tag baden / vnd also auffzwen Mo-
nat mit gemeyner speiß erhalten doch die nicht
schädlich oder böß sey. Für jr gemeyn träck / sol
sy an statt des weins des holtzrancks trinckē /
von einem halben pfund holtz vnd xxv. pfund
wassers bereyt / die gemeyn gepürlich zeit ge-
beytzt vnd erweycht in einem ir: din gschirz ein-
gesotten biß auff xvij. pfund. Wañ du die per-
son also vorbereytet hast / so sache die rechte Cur
ordenlicher an mit dem Sirop der d: oben be-
schriben worden ist / von hefftigem vnnatürli-
chem fluß der mütter / wa verletzung der ge-
burt glider ein vrsach wer solcher vnfruchtbar-
keyt. Ist aber die hitz der leber solchs ein vrs-
sach / so Curier sy wie von hitzigem Apostem
oder gschwer der leber gesagt ist in jun-
gen Cholericchen leüten.

New erfundner gebrauch des
¶ Vom krepss der bärmütter.

Das lv. Capitel.

SEr krepss der bärmütter entspringt vñ
verbrandter Melancholischer feuchte/
vnd ist solcher gebrech garnabe vnheyl
bar / auch dieweil er frisch ist / nachmals so er
überhand genommen hat / mag im gar schwer-
lich gewöret werden / das er sich nu mere / dar-
umb wa sunst kein andie artzney helfen wolt /
müß man die Cur des holzes brauchen. Wer
nun die verbrante Gall oder Cholerisch feuch-
te solches gebrechens ein vrsach / werde dz weib
durch die gang Cur mit der krefftigenden Di-
et des fleyschs gespeiset / welcher frisch auch ge-
kocht vñnd bereyt werden soll mit külen / dem
francken die speiß züfelten. Den Sirop bereyt
die gang Cur durch auß von ein halben pfund
holz / vñnd xij. pfund wassers / laß ein tag vñnd
ein nacht ston vñnd beytzen / dann seüds in einē
irridinen geschirz / biß es sich verzöt / auff fünf-
pfund / daruon gib jr täglich abends vñnd mor-
gēs auff vj. vñnz. Den tranck des andern sudts
bereyt von xv. pfund wassers / eingesorten biß
auff zehen pfund in einem glesin geschirz vñnd
kessel voll wassers. So aber das weib flegma-
tischer oder Melancholischer Complexio wer /
soltu

Indianischen holtz.

soltu nach Frefftigkeyt solcher natur / auch den
trancck starck oder schwach sieden / also das er
biß auff drey pfund allein einsiede. Wer aber
verbrante vnd verdorzte Flegmatische oder me
lancholische feuchte / solches ein vrsach / so speiß
sy durch die gantz zeit mit ordenlicher Diet der
Mercreübel vnnnd Mandelkernen / es hindere
dich dann grosse schwacheyt oder krafftlosig
keyt. Der Sirop werde jm bereyt in einem irz
din gschirz von ein pfund holtz vnd xiiij pfund
wassers / so es auff zwölff stund erweycht vnd
gebeyzt ist / so seüds ein biß auff iiii pfund / gib
jm die gantz zeit der Cur abends vnd morgens
auff sechs vntz. Den trancck des andern sudts
bereyt von zwentzig pfundt wassers / eingesot
ten biß auff zehen pfund. Du solt auch des era
sten Sirops zü offieren mal / also warm durch
bequeme instrument in die barmütter gießen /
den schaden oder krepß zü reynigen vnd seübe
ren / dann solches fast nutz vnd hoch von nöten
ist / gleiche Cur vnd ordnung soltu auch halten
vnnnd brauchen im krepß der brüß oder sunst an
einem anderen glid / es sey wa es wöll / manns
oder weibs personen.

Dise Cur soll auch nit allein ein mal inn die
ser gar schweren kranckheyt / welche auch fast
J iiii mühsam

New erfundner gebrauch des
mühsam/vnd garnache vnmüglich ist zühyle/
gebraucht werden/sunder wa es von nöten we
re/zü vil malen.

Von andern geschweren vnnnd
schädigung der bärmitter.

Das lvj. Capitel.

Alle andere geschwer vnnnd schädigung
der mütter / sollen eben dermassen Cu-
riert werden/wie vom geschwer vnnnd
schädigung der nieren vnd blasen gesagt ist/es
weren dan solche schäden fast eytterig vnd vol
vnsauber feyt vnnnd fistel/als dann so Curiers/
wie von dem freps gesagt ist.

Von mancherley art vnnnd ges
schlecht des bruchs zühyle.

Das lvij. Capitel.

ES werden der brüch vilerley geschlechts
gefunden / aber zweyerley art seind die
schädlichsten/namlich wa der geudel od
schmerfällin in den sack der gemächren steigt/
(wie ich dir in einem sundern capitel in meiner
gemeynen Practic der ganzen leibartzney an-
gezeygt hab) aber in allen solchen schweren vñ
vnhyl

Indianischen holtz.

vnheylsamen vnderſcheydungē der brüch/sind
iren vil mit dem heylsamen tranck des holzes
on den schnit geheylt worden/ auch vil alter vñ
schwacher leüt/so mit veralteten vnd tieff ein-
gewurzelten Franzosen überladen wārend/
Darumb ich dir die recht ordnung der Cur an
zeygen will in hitzigen leüten/die sollen gespei-
set werden durchauß die gantz Cur mit der ge-
nawen Diet der mertreübel vnd mandelkern/
Der Sirop werd bereyt von ein pfund holtz/
vñnd xvj-pfund wassers/die ordenlich zeit er-
weycht oder eingebeitzt/dañ in einem iridin ge-
schir: biß auff vj-pfund eingesotten/daruō gib
abends vnd morgens durchauß die gantz Cur
auff vj-vntz. Den tranck des andern sudis be-
reyt vō xx-pfund wassers / eingesotten biß auff
xij-pfund. Aber so der franck kalter natur wer/
müstu eben gleiche ordnung halten / allein das
der tranck biß auff iij-pfund eingesotten wer-
de/ Inn anderen geschlechten der brüch vñnd
Carnöffel magstu wol die Cur des freps brau-
chen. Lüßerthalb soltu auch ein pflaster auff-
legen von dem Indianischen holtz bereyt/wel-
ches wir zweyerley ordnen wöllen. Das erst
bereyt also / nim ein pfund des holzes fast reyn
zü puluer gstoffen/geüß frisch brunwasser dar
über/vnd seüds in einem iridin geschir: auff.ij.

3 v Stunden

N^ew erfundner gebrauch des

stunden lang / dann thü darzü Ybisch wurzel / das eüßerst marck vom inneren kern abge-
schölet / ackerwurtz / schmerwurtz (oder zaun-
rüben) hunds fürbßlin wurzel / yedes ein hal-
bes pfund / laßes widerumb siedē wol zümüß /
hebs ab vom feür / thü darzü gepulvert Her-
modacrilos / stoß wol züsammen vnnd bereye
ein pflaster oder gemüß daruon. Das ander
pflaster bereyt wie dieses erst gemelt / allein das
du noch darzü thüest Gummi Armoniac / Bdel-
lä vnd Serapini / yedes drey lot / des erweych-
ten schleims von Ybisch wurzel / Fenigrec vñ
Linsamen / yedes drey vntz / bereyt ein pflaster
darauß vnd streichs auff. Das erst solt du am
ersten der Cur brauchen / nachmals das ander
welches stercker vnnd freffriger ist / sunderlich
in fleyschigem bruch.

Von maltzey / ölschenckeln / zers-
rißnen vnnd gebrochenen adern der schinbeyn.
Das lviij. Capitel.

Sie bede gebrochen seind fast schwer-
lich züheylen / namlich die maltzey vnd
ölschenckel / daß in langer zeit wirt gar
wenig außgericht. Serhalben die Cur des hol-
zes

Indianischen holtz.

tzes höchlich von nöthen ist/die Franckheyt gar zuuertreiben/oder doch zum teyl minderen/die Cur vnd ordnung werd gehalten wie vö krepß der bärmütter gesagt ist.

Von schmerzen vnd weetagen
der gleych vnnnd glider/Podagra /huffte-
wee vnd der gleichen.
Das lix. Capitel.

In disen fällen/mänglen vnd gebrechen/
geet es eben gleich zu / wie von den erst-
gemelten gesagt ist/namlich das sy fast
schwerlich zuwenden seind / vñ yetz von yeder-
man für vnmöglich gehalten werden /zu Cu-
rieren/Aber doch wollen wir auch die Cur des
holtzes dar für ordnen/nit das es die reglen der
artzney also erheyschen/sund dieweil wir offte-
mals gesehen vñ erfunden habē /wie solchs zu
dem besten geradten ist vnd wol geholffen hat.
Es wer auch hie überflüssig zu erzölen die vil-
feltig vrsach solches gebrechen/dieweil wir sol-
ches in sunderen capiteln inn vnser gemeynen
Practic der ganzen leibartzney gar weitläuß-
fig auß der leer Galeni/Noetij/vnd Pauli an-
gezeygt vnnnd beschriben haben /dasselbst magst
du es sichen. Wir wollen auch yetz unde den
radi

New erfundner gebrauch des

radt vnd hilff solcher berümppter ärzter nit geschwecht haben / sunder ordnen das die selbig mit höchstem fleiß gehalten werde / solchs mit purgierung vnd aller anderer eüsslicher vnd innerlicher artzney / damit die schädlich materi eins teyls außgetriben / vnd gemindert werde ee man die recht Cur anfahe / nach art vnndeygenthschafft des francken vnnnd der sucht. Wann der franck purgiert vnd dermassen bereyt ist / so brauch folgende Cur / ist er jung Cholertischer oder Säguinischer Cöplexion / so brauch er die schmal ordenlich Diet von mertreübeln vnd mandelkern / biß auff die halb zeit der Cur hernach die sterckend Diet vö fleysch / der Sirop werde zu anfang bereyt von einem halben pfund holz vnd x pfund wassers / in einem irridin geschirz eingesotten biß auff iij pfund / darnon trinck er täglich abends vnnnd morgens auff vj. vntz. Den tranck des andern sudts bereyt von xv pfunden / laß es einsieden auff ix pfund in gleichem geschirz. Im auff steigen bereyt den Sirop von ein pfund holz / vnnnd xv pfund wassers / seüds ein auff v pfund. Den tranck des anderen sudts bereyt von xx pfund wassers / eingesotten biß auff x pfunde. Die übergig zeit der Cur / bereyt den Sirop von anderthalb pfund des holz / laß es die gewonlich

Indianischen holtz:

lich zeit ston vnd erweychen in xvj. pfund wassers/laß es einsieden biß auff iij. pfund. Der tranck des andern sudts werde bereyt vß fünff vnd zwentzig pfundt wassers/ingesotten biß auff zehen pfund. Wer aber der franck ein junge person/ Flegmatischer oder Melancholischer Complexion/so speiß in mit der krestigeden diet durch auß die gantz zeit der Cur / bereit im den Sirop biß zu dem auff steigen/ von einem pfundt holtz / vnnd xv. pfund wassers/ingebeyt oder erweycht die gewonlich zeit/laß es einsieden in einem iridin geschirz / biß es auff vj. pfund kumpt. Von solchem tranck gib ihm abends vnd morgens auff sechs vnz./ Den gemeynen tranck des anderen sudts/ bereyt von xvij. pfund wassers /ingesotten biß auff xij. pfund/ Die überig zeit der Cur werd d Sirop von anderthalb pfund holtz / vnnd fünffzehen pfund wassers bereyt/ in einem iridin geschirz/ingesotten biß auff fünff pfund / dauon trinck er abends vnd morgens viij. vnz. Das wasser des trancks vom andern sudt/ werd bereyt von xxv. pfund wassers /ingesotten auff xij. pfund. Aber zu end der Cur wa ein schädliche feuchte noch vorhanden wer inn glidern/ soll man auff das bresthafftig ort die pflaster legen wie sy inn dem Capitel von brüchen verordnet sind.

New erfundner gebrauch des

seind. Aber zu anfang der Cur soltu kein pflaster brauchen/ dann sy mer der schedlichen martert herzu ziehen wurden / vnnnd den gebrechen meren/2c. So nun die recht Cur also auff vierzig tag vollbracht ist/ werd der franck mit gewonlicher harter speiß erhalten/ doch die kein schaden erweckē mög / vnd an statt des weins trinck sy auff zwen oder drey Monat des holtz wassers/ Bereyter von vier vntz des holtzes in hitziger Complexion/ in kalter natur von sechs vntzen/ mitt xxv. pfund wassers gesotten/ bis es auff xvij. pfundt eingeseüdt. Wolte aber die tieff eingewurtzlete sucht/ die für war schwerlich zuwenden ist/ von der ersten Cur nit weichen/ so soll die Cur auff drey oder mer mal widerumb angehaben werden / bis zu vollkunniger gesundtheyt.

¶ Von kalten Apostemen vnd geschwulstlichen/ beülen vñ drüßlin der kinder / Das lx. vnd lezt Capitel des andern teyle dieses büchlin.

In solchen kalten Apostemen / geschwulstlichen/ erüßlin vnnnd beülen / setzen wir für die fürnempt vrsach/ harten dicken groben zähen Flegmatischen schleim/ als ein wurzel

Indianischen holtz:

zel vnd vrsprung diser frantcheyt / wiewol die Melancholische feuchte solchs auch ein vrsach sein möcht / derhalben reynigung des leibs vñ ordenlich diet hierinn fürnemlich von nöthen seind. Darumb so müßtu erstlich solchen flegmatischen schleim außführen / nachmals so der frantch wol gereynigt geseübert / vnd gantzlich bereyt ist / die recht Cur ansahen / Ist es ein junger knab / so speiß ihn mit gewonlicher kost / die doch fürderlich gütt sey / vnd kein schaden erweckē mög / vnd doch etwas genawer / für seinen gemeynen tranck gib im des holtzwassers vnd laß ihn sunst glatt nichts trincken / auff zweyn Monat lang / solchs holtztranck bereyt im von drey vntz der spänen / so er Cholerischer oder Sanguinischer Complexion were / mit fünff vñnd zwentzig pfund wassers / auff sechszeihen pfund eingesotten inn einem irdnen geschirz. Ist aber der knab oder jüngling flegmatischer oder Melancholischer natur / so nim des holtzes ein halb pfund / des wassers xxx pfund / laß es einsieden biß auff xx pfund. Wa aber in alten gestandnen knaben / solche harte trüßlin bliben vnd veraltet weren / soltu das also Currieren / ist der knab Cholerischer oder Sanguinischer Complexion / so speiß in mit der genawen ordenlichen Diet der Nertreübel vñnd
Mandel

Neuerfundner gebrauch des

Mandelkern die gantz zeit der Cur bereyt ihm den Sirop biß zu dem höchsten auffsteigen der Cur von anderhalb pfund des holtz / vnnnd xij. pfund wassers / laß es sieden inn einem iridin geschirz biß auff fünff pfund / dauon trincke er abends vnd morgens auff vj. vntz. Der tranck des anderen sudts werd bereyt von xv. pfund wassers / biß auff ix. pfundt eingesotten. Ober die halb zeit der Cur / die überig zeit werde der Sirop allein biß auff iij. pfundt eingesotten. Ein flegmatischer od Melancholischer Knab werd auch mit der schmalen ordenlichen Diet gespeiset biß zum höchsten auffsteigen d Cur / nachmals mit d krefftigendē diet des fleyschs. Der Sirop werd jm die gantz zeit der Cur bereyter von einem pfund holtz / vnnnd xij. pfund wassers / laß die gewonlich zeit beytzen oder er weychen / seüds in einem iridinen geschirz / biß es sich auff v. pfundt verzdre oder einsiede / daruon soll er täglich trincken abends vnnnd morgens vj. vntz. Seind aber die drüßlin vō krepszer fressen / vnd gleich einem weintrauben vilfeltig neben einander herumb gespreyttet / vnd der franck gänzlich Melancholischer Complexon wer / so Curier ihn wie von der Cur des krebs der geburt glider g sagt vnd geordnet ist. Auer hie in diser Cur wil ich dir ein kostliche vnd

Indianischen holtz

vnd vil mal bewärte salb oder schmierung an-
zeygen/die solt du also bereyten/Vñ hennens-
schmaltz/Enten schmaltz/Berē schmaltz/ Sa-
ren schmaltz/yedes vier lot/des öls vom gelbē
Lindortter samen/stieß mandelkernen öl/weiß
Lilien öl/yedes zwey lot/Ybisch wurzel/acker
wurzeln/schmerwurz oder zaunrüß/Fenigrec
Linsamen/yedes ein lot/quecksilber der massen
bereyt/wie ich dir im folgenden dritten teyl di-
ses büchlin anzeygen wil/vj.lot getödt in ein
steinin mörsel mit dem bärenschmaltz über die
maß wol gerürt/dz nichts mer vom quecksil-
ber erscheine mit ein hültzin stößel/nachmals
die anderen stuck darzu gethon / vñnd gleicher
maß wol vermischet / vñnd vnder einander ges-
rürt/das ein salb dar auß werde / darmit
schmier den Francken ye über den
dritten oder vierden tag
bey ein feür vor dē
nachtumbiß.

End des andern teyls dieses
büchlin.

B Von

Neu erfundner gebrauch des
Von der rechten art vñ
eygenthsafft der Franzosen oder
bösen blatern / sampt allen schädlichen vnd bö-
sen züfällen / die sich inn solcher sucht erheben /
solche durch die neu erfundene bereytung vnd
gebrauch des Indianischen holztrancks /
gründlichen vnd gänzlichē zū Cu-
rieren vnd heylen / Der drit-
teyl dieses büchlines.

Die Rechte art vñnd eygenthsafft
die Franzosen oder bösen blatern eygentlichē
zū erkennen / Curieren / vñnd heylen. Das
erst Capitel des dritten teyls.

DOn diser schweren
vñnd grausamen fräckheyt
der Franzosen / haben die
alten ärztet gar nichts ey-
gentlich beschriben / wie-
wol etlich nach kummende
ärztet vermeynen / die alten haben jr eins teyls
aber vnder dem namēn anderer verunreyni-
gung der haut gedacht / ist aber solcher jr zanck /
vñnd vergeblich hadern / wenig von nöten / vñnd
vnnutz / darumb wir solches auch faren lassen
wöllen /

Indianischen holtz?

wöllen/vnd die sucht fürhanden nemmen / jr natur vnd eygentchafft züer forschen vnd ersüchen/damit wir der Cur vnd wendung solchs gebrechens dest gewisser sein mögen/2c.vnd sprechen dz diser fäl vnd gebrechen der Franzosen oder bösen blatern ein giftige schädliche vnnnd erbliche verunreynigung sey des leibs vñ aller seiner natürlichen feüchtē/daher dan vil schädlicher vnd böser zufäll er wachsen/vnnnd erhebt sich solcher fäl vnd gebrechē gemeyniglich auß ererbüg oder verunreynigung durch fleyschliche begird / auch auß bösen anschawungen vñ Constitutiō des gestirns / also dz erstlich die gemächt verunreynigt werdē/nachmals die reynē kleynen äst äderlin/zuletzt die grossen stamadern/desgleichē die Arterie/dz sind die hertz vnnnd pulß adern/dan die leber/der gantz leib/vnnnd alle fürnempste glider/auß solcher vnnnd der gleichen ererbüg wirt der gantz leib gelezt vnd geschädigt/gleicherweiß als auch in giftigen pestilenzischen febern geschicht / welche erblich vnd sich erheben auß erhitzigüg vñ vffwallē der vier natürlichen feüchtē eine am nechsten bey dem hertzen/ auß eüsserlicher vrsach erfeültes luffts/ als ein gift eüsserlich ansich gezogen. Derhalben solche franckheiten gar schwerlich Curiert werden mögen / dan es auch

K ij fast

New erfundner gebrauch des

fast schwerlich ist ein solche artzney zu erfindē/
welche so manigfaltige glider des leibs heylē/
Frefftigen vnd erstatten mög/welche vilfeltige
glider gar weit vnder scheyden werden mögen
von irer vilfeltigen vnder scheydung der Com
plexion/schicklig/dünne/dicke/hertigkeyt/wei
che/vnd ander er vnzölicher vnder scheyd mer/
der halben in solchem vilfeltigem vnder scheyd
ein solche artzney zu erfinden / die einem yeden
sundlich dienstlich sey / nit wol möglich ist / es
entspring gleich dise sucht von böser anschaw
ung vnd Constitution wegen des gestirns vnd
Planeten/oder auß India wie man dan sagt/
daher syren ersten vrsprung habē soll/ die weil
in der selbigen gegne vnd Insel gar nahe kei
ner sey/der dise vnreynne plag nit erwan gehabt
hab/wie wir solchs ein gürt wissen haben / von
denen die gemelte ort vnd land täglichen erkün
digen. Serhalben zü glauben das der lauff des
gestirns vnd bewegung des firmaments sol
cher böser verenderung des natürlichen we
sens vnd qualitet der leber vnd ganzē geblüts
ein vrsach sey/vnd wiewol solche die ersten vnd
fürnempften vrsachen sein mögen / werden sy
doch vilfeltig würcken nach art vnnnd eygent
schafft der natur vnd Complexion des mensch
en. Dan wa der leib fast erfüllet wer/vnnd die
Cholerisch

Indianischen holtz.

Cholerisch feuchte vnd geblüt überhand genümen haben / mitt weite vnd eröffnung der heimliche gāng der schweyßschlin / so wirt on zweifel der gantz leib mit blatern vnd geschwüren überzogen werden vnd verunreynigt / vnd also von dem fürnehmste Humore oder natürliche feuchte / so überhand genummē hat / den nammen entpfahen. Ist aber der franck Melancholischer natur vnd Complexion mitt verstopffung der engigkeyt der schweyßschlin / zäher vnd grober dicker feuchte / so werden der blatern wenig erscheinen vnd gantzlich ein anzeygung geben / das die Melancholey überhād genummē hab. Also müßtu weiter auch andre feuchte vnteylen / dan in diser sucht / nit als etlich meynen / ein feuchte allein solche erschrockliche sucht erweck / sunder jr etlich nach vnderseyd der natur vnd Complexion des franckē. Darumb soltu dich auch nit verwundern / das etwan vil etwan wenig blatern aufffaren / etwan vil etwan wenig böser zufäll darzü schlagen. Also hastu die vsach diser franckheyt / vnd jr vilfeltige vermischung / derhalben soltu nit allzeit ein eynigen zeychē zu anfang diser suche nachgon / sy erstlich zu erkennen / wie bey den yetzigen ärzten der brauch ist / dan sich etwan wie gesagt / dise sucht mit vilen blatern etwan

New erfundner gebrauch des

mit wenigen/auch etwan nur mitt einem blät-
terlin allein jr anfang nimpt/vnd sich erslich
erzeygt/etwan vmb die scham herumb/etwan
am kyß/an der stürnen/am haupt/oder andern
orten des leibs/so entspringt etwan gleich in d
erste hefftiger schmerz/etwa erst über den an-
dern Monat/vnder weilen erhebt sich gar kein
schmerz oder weetagen/dañ erst über ein lan-
gezeit/so erscheinen auch vnder weilen in der
erste weder blätterlin noch schmerzen/nach an-
dere zeychen/sunder der ganz leib wirt bleych/
vnd nimpt ab/vnd werden solche zeychen inn
jrem außbruch etwan gehindert/von der en-
ge wegen der schweyßlöchlin oder anderer v
sach halber/biß sich nach vil jaren harte gesch-
wulst vnd knoren mit vnlerdlichē stechen/vñ
hefftigem schmerzen erheben/sampt anderen
bösen zufällen/wie ich dir von einem yedē ein-
sunderlich capitel setzen will/solche durch ge-
wisse zeychen eigentlich zu erkennen/vnd ordent-
lichen zuheylen/wie dan folgen wirt/10.

Wa dir nun ein solcher kräcker fürkam/mit
solchen bösen zufällen beleydigt/als mit schädi-
gung vnd löchern am heymlichen ort/gschwer-
vnd blatern/schmerzen des haupts vnd der-
gleichen/sampt harter geschwulst vnd beülen/
anderer glieder/auch anderer schädigung/als
des

Indianischen holtz.

des munds vnd der gleichen / auffgeschwundne
zitterflechten der hand vnd fuß / ampt andern
der gleichen gebrechen / vom haupt an biß vnd
hinauß. So schawe erstlich ob solcher bresthaff
tig jung sey. Cholericcher oder Sanguinischer
Complexion / dem soltu vor all. n. dingen die vrsach
daruon solcher fäl vnd gebrechen entstan
den vnd verur sacht worden ist / für derlich hin
weg nehmen vnd minderē / dan wie Galenus
sagt / so mag kein Franckheyt gewendet od
Eu
riert werden / wa man nit vorhin die vrsach da
her sy entsprungen / hinweg nimpt / mindert
vnd endert / darumb soltu zu anfang ein solchē
francken ein ader schlahē. Wa aber solche lässe
nit süglich geschehen möcht vnd gehndt wür
de / so löse / er weych / vnd purgier in nach art d
Fräckheyt / dieweil auch der natürlichen feuch
ten gar selten eine allein verunreyniget wirdt /
für sich selbst / sunder zūsamen vermischet / ist
auch von nöten / dz man vermischte vnd zūsam
men gesetzte artzney brauche. Darumb bereyt
ein solchen franckē verbranter vnd verdorrter
Cholericcher natur / diß tränklin / die mater d
schedliche feuchten zier weychen vnd zülösen /
Nimm des Sirops von Burreisch safft ij. lot /
von Erdrrauch j. lot /
des gedistillirte wassers vß Erdrrauch vij. lot
B iij 30

Neu erfundner gebrauch des

Zerknitschs wol zůsamen zů einem trāncklin/
So nun der Franck mit diesem trāncklin bereyt/
vnd erweycht ist/ so bereyt jm folgende sanffte
linde reynigung.

Nim̄ des schwarzen marcks/newlich auß den
langen Cassie fistule rōren gezogen ʒ. lot/
der purgierenden Latwerg Catholicō ander
halb lot/

Zucker violat oder himmeltaw Manna grana
ta genant/ yedes ʒ. lot/

Des gedistillierten wassers von taubentropff
der biū darinn Mirodalani vnd

Tamarindi gesorten/souil darzů
bequem oder gnůgsam ist/

Zertreibs wol zůsammen / vnd vermischs zů
einem purgierenden trāncklin.

Mit diesem trāncklin oder allein von den Lat-
wergen vnd dem schwarzen marck inn zucker
vmbgewalzt zů einem harten trucknen Flōtz-
lin/soltu die materi erstlich endern / dann zum
offtern mal nach dem sy gemindert / widerum̄
gustreiben/vnd erstlich erweychen mit folgen
dem trāncklin/

Nim̄ Rosen Sirop/
des Sirops von Wegweiß safft bereyt / yedes
zwey lot/

Sirop von hopffen safft ʒ. lot/

Indianischen holtz.

des gedistillierten wassers von Wegweiß vj.
lot/

vermische wol vndereinand zu ein träncklin/
Nach solchem digestiff oder erweyhung be-
reyt im folgenden Sirop in zu purgieren vnd
reynigen von schädlicher materi der bösen ver-
dorren feuchten.

Nim der frembden auffgedörten frucht Mi-
robalani alle fünff geschlecht/ yeder vj. lot/

Frischer Rapontica wurzel/

Senet bletter/

des frembden gewächslins Epithimi/ yedes
ij. lot/

Frisch Engelsieß oder Lychfarren wurzel/
ein pfund/

Frischen erdtrauch oder taubentropff/

Griene hopffen bletter/ yeder andthalb pfund

Vue arctice griener blätlin/ iij. lot/

Rein geschaben sießholtz j. lot/

Burretsch blümlin/

Ochsenzung blümlin/

Mertzen Violen/ auch yedes j. lot/

Setid alle dise stuck in wasser / biß es sich ver-
zört auff ij. pfund nahe/ seühe es durch vnd ver-
misch darzu des frischen saffte von erdtrauch/

Von Hopffen laub yedes j. pfund/

Zucker als vil darzu gehört / das du einen Sie

R. v. rop

N^{ew} erfundner gebrauch des

rop darnon bereyten mögest inn rechter dicke
vnd bequemer form den Aromatizier mit Bi-
sem vnnnd Amber ein wenig in ein rüchlin ge-
bunden vnnnd darein gehenckt. Von diesem Si-
rop magstu auff ein mal von vier vnz bis auff
fünff vnz geben / mit außgebrēitem oder ge-
distilliertem hopffenwasser / eilich ver mischen
noch weiter darzu ein vnz oder zwo der Latt-
wergen Samedch genant / oder der Lattwer-
gen vō der edlen Rosen safft / Electuarium de
succo Rosarum genennet / nach art vnd eygen-
schafft der schädlichen feüchten / vnnnd erhey-
schüg des gebrechens / oder mit diesem folgen-
den nutzlichen vnnnd fast krefftigen Sirop / den
du also bereyten magst /

Winn des safftes von Burretsch

Roter edler rosen safft / yedes j. pfund /

dreyerley geschlechte der Mirabolanen / nem-
lich Citrim /

Chebuli /

vnd Indi /

yedes fünff loz /

Dise frucht sollen wol zerquetscht / über nacht
inn den säfften beytzen / nachmals gemächlich
sieden vnnnd durchgesigen werden / dann so bea-
reyt diß nachfolgend tranck /

Winn der frische wurzel vō Engelsüß j. pfund
Acfa

Indianischen holtz:

Akerwurtzel ij·lot/

Fenchelsamen ij·quintlin/

Dise stuck setid in wasser wie der brauch ist / sei
he es durch / vnd vermischs zü den erst gemelte
säfften mitt weissem zucker / bereyt ein Sirop
daruon / wie sich gepürt / 20.

¶ Löcher oder auffgebrochne ge-

schwer vnd schädigung der gemacht zü=
heylen in Franzosen.

Das ij·Capitel.

Nach dē die materi der schädlichē feisch=
ten gemindert vnd außgetriben ist / solt
du für faren / vnd die löcher der auffge
brochne geschwer vnd schädigung des heym=
lichē orts vnderhandē nemen / wa sy zü anfang
erschinen / vnd folgendes wässerlin brauchen /
Nim Turbie oder grawen augsteyn / 8 vil mal
wol gewäschen sey mit weissem wein /
Spangrien wol gebrant / yedes anderhalb lot /
des gedistillierte wassers rō wegerich iij·lot /
Vermisch dise stuck züsamen / vnd laß ein eyne=
gen wall auff thun oder sieden / vnnnd brauchs /
wann du zügliche reynigen vnnnd heylen wilt /
dann wa du allein heylen woltest / so nim des
grawē augsteyns / Turbia genant / anderhalb
lot /

Neuerfundner gebrauch des

lot/vnd des Spangriens allein ein halb quint
lin. Du solt auch in disen gebrechē gar fein an-
dere artzney brauchē/dañ solchs wässerlin über
die maß nutz vnd güt ist in allen gebrechen der
scham/Woltestu aber allein solche schädigung
vnd löcher reynigen/so bereyt gemeltes wase-
ser auff dise weiß/Vim spangrien der wol ge-
brant sey ij·quintlin/

des grawen augsteyns/Tuthia/ mit weissem
wein bereyret j·quintlin/

Güts weisses krefftigs weins j·lot/

Laß ein eynigen wall auff sieden/

Wañ du dises wasser brauchen wilt / so müstu
das geschir: wol umbschwewcken / das es vn-
dereinander kum̄.

Wa aber solche eingefressne schädigung giff-
tig wer/vnd einfressend/vnd du größern scha-
den besorgē müstest/so müstu das sälblin Egi-
ptiacum genant/brauchen/zü reynigen. Wa
aber solchs wenig außrichten wolt/bereyt fol-
gendes mundificatiuum oder reynigung/die
fast starck vnd kräftig ist.

Vim Mercurij sublimati fünff gerstenkörner
schwer/

des weissen sälblins mit Campher bereitet bey
den Apotekern Unguentum album Campho-
raturum genant/ij·quintlin/

Indianischen holtz.

Opj ij. gerstenkörnlin schwer /
Vermisch dise stuck wol zůsammen zů einem
sälblin / vnnnd thū als vil Unguenti Egiptiaci
darzū / vermische es aber wol vndereinander /
vnd brauchs in bösen eytterigen einfressenden
schäden vnd löchern / dan es würckt wunder-
barlich. Wan nun solche löcher vnnnd schäden
wol gereynigt vnnnd geseibert seind / so brauch
das vorig wasser nach erheyschung des scha-
dens. Wa du aber von solchem wasser kein au-
genscheinliche hilfferkeñen wurdest / so brauch
folgends puluer / dan du gewissere vnd bewär-
tere hilffnit wol haben magst /
Nun darzū des grawen augsteyns mit Wege-
rich wasser bereyt /

Spießglas /

Bley äschen /

Bleyglet oder goldglet /

Bleyweiß yedes j. lot.

Dise stuck sollen zum aller subtilichsten puluer
gestossen oder geriben vnd gepöütelt werden /
auff zehen mal inn Rosenwasser geschwempt /
vnd allzeit widerumb am schatten auffgedörrt
nachmals darzū gethon
des schönsten Drachenblüts /
des bittern Aloes dritthalb quintlin /
Wurm mäl von altem holtz ij. quintlin.

Alle

Uew erfundner gebrauch des

Alle dise stuck züsamen vermischet zü einem
Alcohol/das ist ein fast reynes subriles steiß-
lin oder puluer/das brauch zü newen vnd ver-
alteten schädigungen vnd löchern des heymli-
chen ends/dañ es ein wünderbarliche krafft hat
alle solche fäl vnd gebrechen zü reynigen vñ zü
zühaylen. Sie soltu aber mercken / dieweil sol-
che puluer nit als freffrig seind / in tieffen / hos-
len vnd eingefressnē schäden dises orts / als an-
dere säblin vnd ölige fette / dieweil sy nicht als
freffrig seind / hinein in die tieffe zütringē / auch
die selbigen / welche doch von wegē des geäds
oder neruen an disem glid nitt als vn schädlich
gebraucht werden mögen / magstu doch folgē-
des säblin / welchs ich zü vil malen bewert be-
fundē hab / mit sicherheyt in zarten weychē per-
sonē brauchen / auff folgende weiß bereyt /
Nim des aller ältesten baumöls / so du gehabē
magst / auff j. pfund /
Rein gepuluert bleyweiß vij. lot.
Dise bede stuck seind wol mit einander / mitt so
vil wachß / das es ein säblin geben mög / auff
einem linden oder sanfften kofseür lin / mit stä-
tigem rüren on vnderlaß / bis es ganz braun
wirt / wie ein kessen. Dises säblin brauch / nicht
allein die hollen schäden an disem ort / sund auch
an andern glidern zühaylen. Weiter sole du
mercken /

Indianischen holtz:

mercken/ wa die vorhaut des männlichen glids/
dermassen ver schwollen vnd beschlossen wer/
das du zu dem gebrechen mit süßlich kummen
möchtest mit bequ: mer artzney/ soltu folgende
brü vnd kähung brauchē/ inner halb solche schē
den zü seüßern vnd reynigen/ Bereyts wie her
nach folget/

Nim gersten als vil du mit dreyen fingern be
greiffen oder fassen magst/

Wegerich Kraut ein handmoll

Wermüt halb als vil/

Sürrer Granaten plüß/ Balaustia genät/ iij.
an der zal.

Dise stuck wol zerquetscht/ laß sieden in rāgen
wasser vnd weissem wein/ vnder die durchge
signe Brü zerreib vñ vermisch Spangrün wol
gebrant in quintlin/

Rosen honig vj. lot/

Vermischs wol züsammen/ seüßer vnd reyni
ge den schaden darmit/ zü dem offtermal mit
bequemen instrumenten darein getriben / vor
hin wol gewömet.

Wer aber auch außerthalb harte gschwulst
vnd entzündung vorhanden / so müstu solches
glid wol haben mit folgender Brü/ welche du al
so bereyten solt/

Nim Bappellen bletter mit der wurtzel/

Wegerich

Neuerfundner gebrauch des

Wegerich Kraut/
Violen yedes drey handtuoll/
Seid dise stuck in frischem brunwasser vnd be-
he darmit also warm das glic/dan zerstoß ge-
melte stuck zu miß/streichs vnd legs pflasters
weiß warm auff. Wa nun die geschwulst vnn-
d herzigkheyte gelöset vnn-der weycht/die entzün-
dung gelöset/vnn-der schaden wol geseubert
vnd gereynigt ist/so heyle es zu leist zu mit sol-
gender brü oder decoction/
Nim darzu Cipressen nuß/
auffgedörte Balaustia oder Granaten öpffel
bluet/yeder vj-an der zal/
Gedörte edle Rosen/
dürre Nirtillen oder Heydelbör darfür / ye-
des souil du mit dreyen fingern fassen magst/
Seid alle dise stuck in rotē wein vnd Wegerich
wasser gleich vil/laß auff ein pfund einsieden/
darin zerreib ein quintlin wol gebrauts span-
griens/anderthalb quintlin/bereytes graues
augsteyns/ Turic wie droben gemeldet / mitt
weissen wein bereyt j-lor/vermischs wol zu-
sammen vnn-der brauchs / In die schäden sollen
auch säßlin gelegt werden mit obgemeltē fe-
stenbraunen säßlin bestrichen. Wa aber ein zä-
he hertigkheyte vorhanden wer an solchem glic/
welche mit leichtlich weichen oder erweichen
wolt/

Indianischen holtz.

wolt /dar auff soltu folgendes pflaster legen /vñ
brauchen /also bereydet /

Nim̄ des pflasters vom safft vñnd schleim be-
reyt Diaquilon minus genant /vj. lot /

Bärenschmaltz iij. quintlin /
des schleims von Ybisch wurzel /

Von Fenigrec /

von Linsamen yedes j. lot.

Bereyts vñd vermischs auff einem senfften kol-
seürlin zñ einem pflaster wie sich gepürt.

Wolte sich aber solche harte zähe geschwulst /
auch von solchem pflaster nit lösen oder erwey-
chen lassen /so bereyt jm nachfolgendes /

Nim̄ des vermischten oder Componierte pfla-
sters von merern stucken Diaquilon maius cñ
gumis genant /

des erstgemelten pflasters / Diaquilon minus
genant /yedes vj. lot /

Bärenschmaltz /

des erweychten schleims von Fenigrec /

Linsamen /

vñd Ybisch wurzel /yedes ij. lot /

Vermischs /wie erst gesagt /auff einem linden
kolseürlin zñ einem pflaster.

Wa du aber zñletzt solche vorhaut nit zürück
bringen möchtest /müß du ein schnittlin thün
nach der lenge des glids auff der lincken seite /

N^{ew} erfundner gebrauch des

an welcher es minder aderen hatt / dann heyle die wunde vnnnd schaden / wie der recht gebrauch vnnnd art ist / namlich mit erweychung / reynigung / vnd züheylung / wie solchs der gebrauch erfordert wirt. Aber hierinn solt du nicht vnderlassen die reynigung / minderung / oder außreibung der schädlichen feüchten vnd rechten ordenliche gebrauch aller eüsserlicher ding / welches wir hie vmb kürtze willen vnderlassen / dieweil solchs von andern trefflichen artzten / auch von vns anderer ort weitleüffiger beschriben vnd geordnet worden ist.

¶ Wie die blatern / rufen oder geschwer der frantzosen Curiert vnnnd geheylt werden sollen.

Das iij. Capitel.

Nach dem der gantz leib geseübert vnnnd gereinigt ist / soltu auch den blatern / rufen vnd geschweren / darmit gemeyniglich der gantz leib verunreyniget wirdt / radthün / welche auch vilfeltig vnder scheyde werden / nach vnder scheyd der schädlichen bösen feüchten / dann von überflüssiger Gall oder Cholerischer feüchte erscheinen sy gelbfarb / vñ hoch erhaben / vnnnd ye heffziger die Cholerische feüchte

Indianischen holtz.

feuchte erhitigt/verbrant vnnnd verdort ist/ye
schwertzer/braunfarber vnd grösser vō rufen
sy aussershalb erscheine. Hat aber dz geblüt übe
erhand gnumen/ vñ seind solche gschwer vnd
platern Sanguinischer art/so sind sy etwas er
habner/vnd gerings weiß herüb/ oder nur an
ein ort erscheinen sy rotfärbig. Vō flegmatis
cher feuchte/seind sy weißfärbiger vnd tieffer
mer eingewurzelt. Vō melancholischer feuch
te werde solche blatern auch tieff mit schwarz
grawer dulischer farb hart vnd beülig gesehe/
vnd seind dise am schwerlichsten zu wende / vñ
vil schwerlicher dan die flegmatischen blatern
vnd die flegmatische schwerlicher dan die Cho
lerische/vnd also fürtan zurechnē/ob gleich sol
che blatern vō vermischten. feuchte verursacht
were. Dieweil aber nun solche blatern ettwan
bald etwan langsam vnnnd schwerlich geheylet
werden / auch offtmals widerüb auff brechen/
soll man/wa sy im angesicht entspringē/darmit
es vō den schetüglischen masen nit verunreynet
vnd vngstalt werd/ein yede ruff od plater sun
derlich heyle mit trücknender artzney/dan sol
ches on schaden gseheben mag/dieweil d ganz
leib vorhin wol geseübert vñ gereinigt ist. Der
halbē brauch folgendes wasser des tags ij-mal.
Nim des sauren sämlins Sumah/

Neu erfundner gebrauch des

der frucht von Tamariscen yedes j. quintlin/
Weinsteyn von rotem wein/ duthalb quintlin/
Bleyweiß anderhalb lot/

Sublimiertes Mercurij drey gerstenkörnlin
schwer/

oder an statt des Mercurij nim ein halb quint
lin Alaun/

gedistilliert Wegerich wasser/

Rosenwasser/yedes ij. lot/

des saffis von den sauren Limonen/ij. lot/

Seid diese stück in einem Kolbengläßlin bey ei-
nem sanfften kolfeür lin / bis der vierdt teyl ein
gefesüdt/clarificiers vnnd seühe es durch.

Dises wasser magstu fecklich brauchē / dan es
gar schnell alle rufen vnd blatern an allen gli-
dern trücknet vnd heylet. Wa aber diß wasser
mit als bald sein würckung vollbringen wolte/
nach deinem gefallen vnnd begeren/vnnd du
gern etwas sterckers vnnd freffrigers haben
woltest/so bereyt volgendes säßlin/

Nim das klar von einem frischen ey/das floss
wol/thu darzu sublimiertes Mercurij ij. ger-
stenkörnlin schwer/flosses wol vnder einand/
das es in der dücke werd eins säßlins / darmit
schmier die rufen vnd blatern /zwen/ od auffse
lengst drey tag/sy heylen vnnd fallen ab. Nach
dem sy abgefallen seind/ soltu das ort mitt fol-
gendem

Indianischen holtz.

gendem öl salben / darmit häßlich annal vnd
narben züuerhüten / dann ob gleich solche ma-
sen vorhanden weren / treibt es sy hinweg / diß
bereyt also /

Nim̄ gebranten weinsteyn zü puluer gestossen
zwey pfund / binds in ein leinin tuch / hencks an
ein feuchte statt inn ein Keller / stell ein geschirz
darunder / darinn du die tropffend feuchte ent-
pfahest / behalts inn einem glesin geschirz / das
wirt Oleum Tartari genant / darmit bestreich
zwey mal des tags die statt der rufen vnd an-
mal / Wa auch die blatern wider herfür brech-
en / soltu sy als offte darmit bestreichen. Würde
es dich aber gut vnnd nutzlicher duncken / das
solche blatern vnnd geschwer heraus auß dem
leib getriben wurden / so soltu dem Franckē den
schweyß fürdern vnd treiben / doch ye darmit
den leib wol reynigen vnd purgieren / mit fol-
gendem tranck /

Nim̄ der edlen Rosen /

Nertzen Violen /

Burretsch vnd

Chsensung blümlin /

Senet bletter /

Erdrrauch oder taubenkropff blümlin / yedes
als vil du mit dreyen fingern fassen magst /

℞ iij Engel

New erfundner gebrauch des

Engelsieß oder Lychfarren wurtzel wol zer-
quetscht/ i. quintlin/

Dise stuck laß beytzen in einem pfund molcken
vnd des safft von Wegweiß kraut/

Von hopffen blettern/

von taubenkropff/

wol geleüttert vnd gereynigt/ yedes ein lot/

Uder magst es wol zusamen siedten lassen/
daruon gib im des morgens nüchtern auff ein
mal sechs vntz/ vnnnd ein mal oder zwey in der
wochen.

Schädigung vnnnd feülñiß des
munds züheylen inn den Franzosen
oder bösen blatern.

Das iij. Capitel.

Schädigung vnnnd feülñiß des munds/
welche du leichtlich erkennen magst/
seind fast schwerlich vnd kümmerlich
züheylen/ dann das ort warm vnnnd feücht ist/
vnd zü feülñiß vnd einfressen geneygt/ deßglei-
che auch mögen die artzneye nit füglich gebrau-
chet werde von vngschicklicheyt wege des ortes
so werden auch von wegen der vermischung d
speychel/ solche schädē ye lenger ye tieffer. Dar-
umb dieweil solche schäden auch ein tieff ein-
gewurtzlete

Indianischen holtz:

Gewurtzlete vrsach haben / fast vmb sich fressen
mit harter schwarzer grawer farb von Melancholischer feuchte / so brauch den ganzē leib
zū reynigen vnnnd seübern / pillulen von erdtrach / agregatuwas vnd fetidas / vnd dergleichen
auff dise weiß vermischet /

Nim der pillulen agregatiue genant in den Apoteccken / auff ein halb quintlin oder mer / nach
gelegenheyt des francken / feuchts an mitt der Latwergen Bameh zū ein harten teiglin / dar
uō trāhe viij. oder xi. pillulen / die verschluck.
Nach solchen pillulen über zwo stunden bereyt
folgendes trāncklin / vnd gibs jm dar auff /
Nim Burretschblümlin zucker / oder himmelstau / Manna granata genant / iij. lot /
Zertreibs mit gerstenwasser / oder Burretsch
wasser zū einem trāncklin.

Weitter soltu die hitz gelegen / vnd die heftigkeyt der schädigung lundern vnnnd miltern /
mit nachfolgendem gurgelwasser oder mund
schwenckung /

Nim der edien roten Rosen /

Violblümlin /

Burretsch vnd

Ochsenzung blümlin /

Gersten / yedes als vil du mit dreyen fin
gern fassen magst /

℞ iij Schwar

New erfundner gebrauch des

Schwarzer vnd roter brustbölin yeder zehen
an der zal/

Mertreübel von den inneren förnlin gereyni-
get/zwey lot/

Wegerich wasser gleich vil.

Seiße es durch / vnnnd auff anderthalb pfund
der bü genommen/ zertreib darin des schwar-
zen marcks auß den langen Cassie Fistule rö-
ren newlich gezogen/ij. quintlin/

Rosen honig/

Maulbö: safft Latwerg yedes iiij. lot.

Vermischs zusammen zu einem gurgelwasser
oder mundschwencfung/

Nach dem dan erstlich /die schädlich feuchte
gänglich außgetriben ist/vnd die vnnatürlich
bitz gelegt/so soltu sterckere reynigung brauch-
en/vnnnd namlich folgend gurgelwasser/oder
mundschwencfung/also bereyt/

Vim der frucht von Tamaristen/

der rauhen heüblin von Eychlen/

vnzeitige Rosen mit iren steüdlin/

Nirtillen oder Heydelbö: yedes j. lot/

Gersten / souil du mit dreyen fingeren fassen
magst/

der obersten zarten zweiglin vö Brombö: stau-
den/auff ij. handtuoll.

Dise stuck seiüd inn rägenwasser vnd weissem
wein

Indianischen holtz.

wein/der starck vnd kräftig sey/biß es auff ʒ.
pfund einseüdt/seübe es durch/ vnd zu der brü
vermische

Essig darinn stuck von der grossen mö:zwibel
eingebeytzt seind/Acetum Scylliticum genant
zwey lot/

des sauren Sirops /von gemeltem essig vnnnd
honig gesotten/

Vimel scylliticum genant ij.lot/

Rosen honig iij.lot/

Vermischs zu einem gurgelwasser od munda
schwewckung.

Wa aber solche artzney nitt gnügsamlichen
reynigte /so netz ein wenig baumwollen inn de
wässer lin/im nächstfolgenden capitel beschrie
ben/vmbwinde es an ein spitzigs Instrumēt
lin/vnd seüber jm damit des tags zwey od drei
mal die schädigung vnnnd seülnuß /dan solches
wasser gar schnell vnd on alle gefärligkeyt sol
che schäden reynigen wirt. Auffo lestt trückne
solche schäden vnd heils gar zu mit folgendem
gurgelwasser/welches auch das ort stercket vñ
kräftigt/das bereyt also/

Vim des sauren sämlins Sumah ij.lot/

Frischer Cipressen nuß/wa du sy habē magst/

Granaten öpffel plüßt yeder an der zal v.

Alaun anderhalb quintlin/

℞ v Rosen

Neuerfundner gebrauch des

Rosen

Mirtillen/yedes souil du mitt dreyen fingeren fassen magst.

Dise stuck wol zerquetscht/ seüd in rotē kräftigem wein vnd rägenwasser/ oder Wegerichwasser/yedes gleich vil/auff zwey pfund eingelotten/das seindt xxiii. vntz (wie du durch auß in disem büchlin verston solt/vnnd nit das gemeyn gewerb pfundt von xvj. vntzen) seühe es durch/vnd zertreibs darin

der Lattwergen von der grienen nusschölsfen safft/

des Sirops von Mirtillen / oder Heydelbödar für/yedes v. pfund/

Vermischs zu einem gurgelwasser od mundschwewckung.

Woltestu aber ein puluer durch ein rözlin in den schaden thun/so brauch diß folgend püluerlin/welchs fast gut/gewiß/vnnd bewärt ist/machs also/

Vim Alaun zucker ist in kleynen blawen spitzen hürlin/ Alumen zuccarinū genant inn den Apotecken/j. quintelin/

schön lauter Drachenblut ein halb lot/

Granaten öpffel plüß j. lot/

stoß vnd beütels zum aller reynesten subtilistestaub oder puluer/züsamen vermischet.

¶ Vom

Indianischen holtz.

¶ Vö har außfallē in diser sucht.

Das v. Capitel.

S Jeweil es sich gemeyniglich begibt /
das auch in diser schweren sucht dz har
allenthalben außfellt / daruon der leib
ganz vngestalt wirt / soltu diß folgend wasser
oder gesottne brü im brauch haben / solches zu
verhüten / bereyts wie folge /

Nimm Senerbletter ein handtuoll

der gelben Menbelwurzel ij. lot /

Rosenmarin blümlin anderthalb handtuoll /

Dise stuck seüd in frischem wasser vñ brauchs.

Es ist auch fast nutz vnd güt in solchem fal
die brü darinn Fenigrec gesotten / also warm
damit gebähet oder das Fenigrec in laugen ge
sotten /

Schlangenschmaltz od maulwerffenschmaltz
wirt auch von etlichen gebraucht / das har vor
außfallen zübewaren / vnd wider wachsen ma
chen. Deßgleichen roter wein / darinn des bit
tern Aloes zertriben vnd gesotten ist / erzeyget
wunderbarliche hilff / deßgleichen diß folgend
das bereyt also.

Nimm des schwarzen Gummi Laudani /

Mirtillen (oder Heydelbö: dar für) safft / yea
des ij. lot /

Schwartz

Neu erfundner gebrauch des

Schwarz Nagsamen/
Marien Magdalenen blümlin/
Maurrauten yedes ein handtuoll/
Wilder Galgant/
der rinden von Sañbäumen/
Epfich samen yedes j. lot/
öl von dem gelben Lindortter/
Nirtillen öl/yedes ein pfund oder xij. vntz/
die dürren trucknen stuck wol gestossen/ vnder
die öl vermischet/zü sammen in ein kolben glaß
gethon/vnd in einem kessel voll wassers gesor
ten/durchgesigen/vnd zü der nordurfft behal
ten/hat wunderbarliche krefft vnd tugent / dz
har vor außfallen zü bewaren / vnnnd wider zü
wachsen machen / oder magst diß folgend be
reyten/hat gleiche krafft/
Vñ frisches grienes Vermüts j. handtuoll/
gebrañter haselnuß schalen iij. lot/
Laß in Nirtillen öl sieden/vnd seübe es durch
damit bestreich das kal vnd blut ort warm/das
macht hefftig har wachsen. Aber vor allen din
gen soll güte ordnung gehalten werdē in speiß
vnd tranck/vnd aller eüßlicher ding/ Des
gleichen der leib mit artzney vnd aderlässe/wie
solches die schädlichen feüchten erfordern/ wol
purgiert vnd gereynigt / sunderlich den obge
schribnen

Indianischen holtz.

Schribnen Sirop von Engelseß oder Eychfarren wurzel offimals genummen.

Von flechtender vffschrändüg an henden vnd füßen / in diser sucht der Franzosen Das vj. Capitel.

SZe flechtenden schunden der hend vnd füß inn diser sucht / welche gemeynlich jren vrsprung haben von versaltzer flegma vnd verbränter verdorrtter Cholerischer feüchten / werden verursacht von heftigem austreiben der leber vnd anderer glider die solliche schädliche materi von sich schieben / Darumb die böse Complexion der leber erstlich geendert / vnd nach erforderung der bösen feüchten / die materi erweycht vnd außgetribt werden soll / fürnemlich mit dem Sirop von Engelseß oder Eychfarren im ersten Capitel gemeldet / mit güter ordnung vnd Regiment in speiß / tranck / vnd allen eüsserlichen dingen gehalten / nachmals die schunden / hartt schwie len vnd rufen / täglich mit folgender bü zwey mal gewäschen werden / die bereyt also /
Nim Ybisch wurzel vom holtzigen fernem ge seübert /

Bappel

New erfundner gebrauch des

Bappelkraut mit der wurzel/
Violkraut/yedes ein handtuoll/
mit einem Hammels kopff vñ ein halb pfund
des vnshlits daruon/

Dise stuck sollen zusammen gesotten wer= den/vnd durchgesigen / dann brauchs wie ge= sagt ist.

Nach dem solche schwülen/schunden vnd ru= sen wol gewäschen seind / sollen sy mitt einem rauhen thüch wol beriben werden / biß es an= fahet züblüten/nach dem so netze ein yegkliche schund inn sunderheyt mit dem wässerlin in dem Capitel wie von den blatern züheylen/glei cher weiß vñnd gestalt daselbst verordnet ist/ Also solt du solliche schunden auff ein Monat lang erweychen vnd seübern/zülest wäsche sy mit folgender brü/

Vñ der alten strümpff oder stengel von grie nem Kôlkrant zwo handtuoll/

Vnpigment reyn gepuluert iij.lot

Kosßschmalz vj.vntz/

Dise stuck seüd in brunnenwasser / vñ darnach brauchs/

Nach dem solche schaden also gewäschen seind solen sy mit folgendem selblin schmieren/

Vñ des ôls von gelbem Lindotter oder sieß mandelkern ôl darfür/

Engel

Indianischen holtz:

Engelsieß wurtzel wol zerquetscht v. lot
Seid dise stuck mit einander / wie es sich ge-
pürt / Darnach so nim Goldglett /

Spießglaß /

Pley äschen /

Pleyweiß /

Bereyten Tutien oder grawen Zugsteyn mit
wein abgelöscht vnd bereydet / yedes ein lot /

Des saffts von gelber menbelwurtz /

Schölkraut safft ij. lot /

Dise stuck vermisch zu dem vorigen öl / vnd in
einem bleyen möser rür es wol umb ein gute
weil / das es als dick werde in maß vnd gestalt
einer salben /

Weitter wa du disem gemelten salblin zühüst
auff fünff oder sechs gerstenkörnlin schwer
Mercurij Sublimati / wirdt es in seiner wür-
ckung vil stercker vnd krefftiger / vnd alle sol-
che flechtende schründen behend heylen. Die-
weil aber solche schründen gemeyniglich nach
dem sy geheylet / bald hernach widerumb auff-
brechen / soltu allzeit dise gemelte enderung der

Cur widerumb anheben / so lang biß der

franck gänzlich zu seiner gsundt

heyte gebracht

wirt.

¶ Wie

N^ew erfundner gebrauch des

Wie alle solche schädliche zufäll
samt den bösen Franzosen inn der erste/ die
weil der gebrech noch frisch ist / durch die heyl-
sam Cur des Indianischen holztrancks
Curiert vnd gewendet werden sol-
len. Das vii. Capitel.

Nach dem du zu gemelten zufällen der
schädigung des munds / den platern od
rufen / vnd dergleichen / geordnete Cur
gebraucht hast / vnd die krankheyt noch frisch /
vnd in der erste wer / aber nichts außgerichtet
hettest / auch die sach von tag zu tag böser wur-
de mit hefftigem schmerzen des haupts vnd
anderer glieder / welcher sich täglich merete / so
setz dein zuflucht zu dem holz / ist dan der kräck
jung / Cholerischer oder Sanguinischer Com-
plexion / so speiß in vō anfang der Cur mit der
genawen ordenlichen Diet / aber vom höchsten
auffsteigen der Cur bis zu end mit der krefftig-
genden Diet des fleyschs. Von anfang bis zu
dem auffsteigen der Cur / bereyt in den Sirop
von ein halben pfund holz / vnd x. pfund waf-
fers / eingefotten in einem irdm geschirz / nach
dem es erweycht vñ gebeyt ist / auff v. pfund.
Den tranck des andern sudrs bereyt vō zwölff
pfund wassers / bis auff viij. pfund eingefotte.
Mit

Indianischen holtz.

Mit diesem tranck des andern sudts hab ich ein
meydelin von zwey jaren gentzlichen Curirt/
vnd von diser schweren Franckheyt entledigt/
vom auffsteigen der Cur biß zum end/ bereyte
im den Sirop von ein pfund holtz/ vnd zwölf
pfund wassers/ biß auff viij. pfunde eingesor-
ten. Den tranck des andern sudts bereyt von
xv. pfunde wassers/ eingesotten biß auff neun
pfund/ vom Sirop gib ihm durch auß abends
vnd morgens die ganz Cur auff ein halb pfund
das ist vj. vntz. Wer aber der kräck jung/ Fleg-
matischer oder Melancholischer Complexion/
soll er mit der ordenlichen genauen Diet ge-
speiset werden/ Der Sirop werde im bereyret
biß zu dem höchsten auffsteigen von ein pfund
holtz vnd xij. pfund wassers/ eingesotten biß
auff v. pfund/ Den tranck des andern sudts be-
reyt von xv pfund wassers/ biß auff x pfunde
eingesotten. Vom höchsten auffsteigen biß zu
end der Cur/ werde der Sirop bereyt von ein
pfund holtz/ des wassers wie vor/ aber biß vff
drey pfund eingesotten. Der tranck des andn
sudts werd bereyt von xv. pfund wassers/ biß
auff x. pfunde eingesotten. Wa dan der Franck
kalter oder warmer Complexion im abnehmen
der Cur/ entzündung der leber oder eins ande-
ren innerlichen glids sülete/ soll im der Sirop
N vnd

Neuerfundner gebrauch des

vnd wasser zu täglichem tranck/ geendert vnd zu felte geneeygt werde/ nemlich das holtz minderend vnd das wasser merend/ gleich wie vö den francken inn der jugent warmer oder kalter Complexion gesagt ist/ also werde auch vö den alten verstanden / allein das von wegē der blöden dāwung der tranck des Sirops gemindert werden sol/ deßgleichen die sterckend oder die krefftigend Sict des fleyschs zügelassen werden. Weiter soltu auch mercken das du in der Cur gemelter schädlicher böser zufäll auch folgende salb vom Mercurio oder quecksilber brauchen magst/ namlich in löchern vnd schäden des heymlichen ortz / auff folgende weiß/ nach dem die löcher vnd schäden wol geseübert vnd gereynigt seind/ so salb das gemacht vnnnd schloßbeyn wol also warm / deßgleichen auch den halß in löchern vnnnd schäden des munds/ sibem mal mit einem spattel oder darzü bereyten scheüßlin yhe über den dritten tag. Wurde aber das zansfleisch vnd biller daruon verferet vnd die speychel hefftig fließen / vnnnd geschehe solchs am dritten tag/ so solt du abston von der salbung/ aber dise gemelte salb werde also bereyter.

Vnn Camillen öl/

Dillen öl/

Lo:öl/

Indianschen holtz:

Lo:öl/

Blaw Lilien öl/

Rosen öl yedes iij·lot/

Lauttern vnnnd klaren Venedischen Terpentim
zwey lot/

vngesaltzen schweinin schmaltz wol geleüttere
anderthalb pfund/

Goldglett/

Bleyweiß zu fast reinem vnd aller subtilistern
puluer gestossen/yedes iij·lot/

Laß dise stuck züsamen gossen/mit einem wall
auff sieden / setz es vom feür herab /vnnnd thii
darzu

Käbholz äschen/

weissen Weirauch/

erleßnen Mastix/yedes j·lot/

vermisch dise stuck wol züsammen in form vñ
gestalt einer salben/dan nim quecksilber das ge
reynigt sey/wie folgen wirt/vnd gerödt in ei
nem steynin mö:ser / mit Terpentim oder rosen
öl / biß es gänzlich nit mer gesehen oder erkät
werden mag/vj·lot/

des weychen flüssigen gummi Storax ij·lot.

Dise stuck alle züsammen gethon inn ein mö:
ser / vnnnd fast wol zu einer salben umbgeriere
vnnnd vermischer / welche du nützlich in disem
vnnnd anderen gebiechen brauchen magst/ auch

M ij mis

New erfundner gebrauch des
mit wachß ein hartes pflaster darauß machē/
vnd brauchen/wie es sich gepürt.

Von der natur vnd Complexio
des Mercurij oder queckfilber.

Das 17. Capitel.

Sie natur vnd Complexion des Mercurij oder queckfilber zu erkündigen/ sind ich nit ringen vnder scheyd bey den altē ärzten/dañ etlich der aller eltesten setzen es kalter vñ truckner Complexion/Galenus schreibt das er kein gewisse erfahrung daruß hab/ allein das es ein tödtende krafft hab/ eüßerlich außgelegt/oder in leib gebrauchet. Auicenna setz es im andern Canon in eim besondern Capitel kalter vnd feüchter Complexion im andern grad. Albertus magnus spricht / das ein wässerige feüchte darinn seye / also setzet es auch Guilelmus Placentius/ deß gleichen auch der groß irrefflich Alchimist Hermes / welcher zum aller ersten darvon geschriben haben sol/setzet es auch kalter vñ feüchter natur/ Arnaldus Nicocomensis in seinem Rosario der Alchimisten/will/das es vermischt oder züsammen gesetzt sey von weißer schweblicher erde/ mit klarem wasser. Platarius haltet es darumb für kalter

Indianischen holz.

Falter natur/ darumb das es eüsserlich am griff
über die maß Felte. Zubar der Alchimist sagt/
das der Mercurius ein schleimige fetichte sey
inn den klumben der erden / subtiler substanz
weißfärbig/durch ein rechtmässig vermisch-
te wöme gefeibt/also vereynigt durch ein fast
ringe haftung/biß die fetichte von der trüekne
verzöret werde/ darumb es leichtlich ablauffe/
vnd beweglich ist auff einer schlechten ebne/vö
wegen seiner wässerigen fetichten. Dife ärztet
haben den grund irer meynung daher genum-
men / erstlich von dem nammen/dannes in
Griechischer sprach Hydragiron gnant wirt
das möcht verteüschet werde ein fließend wäs-
serig silber oder silberwasser. Zum andern vö
wegen des gewichts/welches ein grössere an-
zeygung.gibt der felte dann der wöme. Zum
dritten auß dem gebrauch / dann so es in salbe
auff geschmiert wirdt/treibet es die natürlich
wöme hineinwertz vnd von wegen seiner fel-
te wirt sy gesterckt vnnnd gekreffigt/ heymlich
oder augenscheinlich / zülösen vnnnd zerteylen/
zeitigen oder die materiz zuerherten/daruö die
sucht gar bald herwider köret / die der erfaren
mag / d solchs braucht. Weiter so gibt auch sein
eüsserliche felte / so mans greiffet vnd fület/ein
anzeygung seiner falten natur / vö welcher die
M ij auß

Neuerfundner gebrauch des

aufgespreytet materi über ein hauffen zůsammen getriben wirdt. Es hat auch die krafft/dum/doll/vnd vnentpfintlich zůmachen/wie durch sein würckung erscheint/dañ es erweckt den schlag/parliß vñ zittern. Wa auch also die hitz zůsamen getriben vnd gekräfftiger wirdt/vnd nit erwan durch ein glid außschlieg/wurd gewißlich das glid von vile der materi erstecket. Das aber diser Mercurius oder quecksilber ein hitzig oder warm metall sey / bezeuget Aristoteles/der spricht also/was nit dick wirt/zůsammen rinnet oder gestehet / müß kein wasserige feuchte bey ihm haben / oder der art des wassers sein/sunder vil mer warm vnd irdisch als honig vñnd most / oder mer luffte/als das öl vnd quecksilber. Galenus spricht auch in seinem büch von der natur vñnd krafft der einfachen stuck/das Arsenicum vnd quecksilber/vñ dergleichen grober substanz seyen / vñnd einer wärmenden krafft. Isaac der Israeliter setzet auch/das quecksilber im anderen theyl seiner Practic hitziger vñnd feuchter natur / im vierden vnd höchsten grad sey/ Desgleichen auch Constantinus setzet den Mercurium vñnder die stuck/die hitziger natur seind im vierden grad. Weiter auch Paulus Egineta/Razes/Platearius / Hali abbas/ Conciliator/setzen alle

Indianischen holtz:

gen alle solchs queck silber hitziger vnd scharpf
fer beiffender oder einfressender Complexion/
der Mercurius löset/zert:ylt vñ tringt durch/
welches auch sunderliche anzeygungen seind
seiner wdume/ Zu dem so subtiliert es auch vñ
erwdimpt die feüchten/vnd durch sein scherpf
fe treibt es sy auß/erwan durch den mund/ de-
nen die vil speychel haben/etwa durch den süls-
gang/denen so ein linden bauch haben.

Sieweil aber solche widerwertige meynun-
gen der alten ärztet fast schwerlich seind züuer-
eynigen / sprechen wir mit Conciliatore dz der
Mercurius zweyerley weg verstanden werde
mag / nach zweyerley art seiner substanz/ de-
ren eine wässerig ist/ die ander irdisch vñnd
schweblich. Derhalben /als fer:es schweblich
vñnd irdisch ist / mag es warm vñnd trucken
sein/dann durch sein sublimierung die feüchte
gelöset wirdt/vñnd also haben die war /die es
für warmer natur halten. Aber seiner wässeri-
gen substanz nach / welche gleich als sein sub-
stanz erscheint/also/das so bald es die hitz ent-
pfindt / von wegen seiner vnuollkommen ver-
mischung mit der irdischen schweblichen sub-
stanz gleich in ein rauch hinweg fließt / vnd
falte frantcheyten erwecket / vñnd sey solches

M iij gnig

New erfundner gebrauch des

gnügſam auff diß mal in ſolchem zwittracht & ärztet von diſem Mercurio oder queckſilber ge redt/verhoffend mit der hilff des allmächtige in furzter zeit in einem ſundern büchlin hier nō zūſchreiben/vnnd die warheyt baß vnnd tieffer züergründen.

Von vilfeltigem ſchaden/vnnd nutzbarkeyt des Mercurij oder queckſilbers.

Das x. Capitel.

SZweil' gemeyniglich der ſchaden gröſſer iſt dann die nutzbarkeyt des Mercurij oder queckſilbers / will ich dir erzölen / was ſchad vnd nutzbarkeyt von den altē ärzten im zūgeſchuben werden / vnnd erſilich von Galeno dem berümpfteſten ärztet ein anfang nehmen/welcher ſchreibt (wie auch drōbē gemeldet) das es eüſſerlich auffgelegt oder in leib genummen/tödt vnd zerſtö:re. Auicenna ſchreibt/das es den ſchlag/Parliß /vnd zittern erweck/die glider verharte/ vnnd das gekäder/das ſy ſtrack bleiben / vnd nit gebogen werden mögen/ſchadet dem gehörd/bringt ein ſtinctēden athem/verdunklet das geſicht / vnd wañ es ſublumirt iſt/wirt es ein tödtlich gift / deß gleichen auch wa es getödt iſt/ tödt es auch vō wegen

Indianischen holtz.

wegen seiner schwere/dann wa es sich hin setze
frisst es durch/aber solchs verstand/innerlich
vnd eüsserlich gebraucht/wie solchs von Dio-
scorde klärlicher anzeygt wirt. So es das feür
entpfindt/wirt es zer stört / vnd gadt im rauch
hinweg / welcher vich vnnnd leüten yederman
schädlich ist / aber inn den menschen zer stört es
fürnemlich sinn vnd vernunfft/ daruon dz ge-
hörd entzogen/das Parliß /zittern vnnnd beben
der glieder / die fallensucht vnd zülest der bit-
ter rodt verursacht werden/ dann daruö erlam-
met alles geäder/dardurch dem gantzen leib al-
le sinn/entpfindlichheyt /vnd beweglichheyt be-
nummen wirdt/ das hertz vnnnd lebliche kräfte
werden dardurch zer stört/ vnd das hirn daruö
vertrücknet / Derhalben die reychung/so dise
zeit bey den blater ärzten im brauch ist / nichts
anders dann ein schädlich tödtlich giffit befun-
den wirdt/dañ der Zinober nichts anders ist/
dann Mercurius oder quecksilber mit schwe-
bel verblendet/wie die Alchimisten wissen/die
den Zinober vom Quecksilber vnd Schwebel
bereyten /es seind auch alle zufäll/so vö rauch
des Zinobers vermischet /werden vil schädli-
cher wann die so der Mercurius erwecket /als
in speychel/feüle vnd schädigung des munds/
vnd durchbruch des bauchs/ro Plinius nennet
M v auch

New erfundner gebrauch des

auch das quecksilber ein schädlich giffit aller ding. So spricht Auicenna das man alles das / so von getödiem quecksilber bereyt wirt / gar weit vom magen vnd den fürnempstē gliedern brauchen soll / deßgleichen vil mer andere treffliche ärztet stimmen hierin zūsammen das der rauch des quecksilbers ein tödelich giffit sey des menschen ꝛc. Das aber das quecksilber ein sūdere natürliche eygenschaftt hab / vnd ein gewisse hilff sey wider die schwere franckheyt der Franzosen oder bösen blatern vnd allen bösen schädlichen zufällen / dauon setzen die blater ärztet diser zeit ein solchen grund jr vnwissenheit zūbeschönē / namlich dieweil doch solcher Mercurius dermassen schädlich sey / das es niemād genügsam außsprechen mög / brauchen wir es doch als in höchster vñ letster not / wa sunst weder hilff noch radt gefunden werden mag / daß böß muß man mit bösem verreibē / ein halb ertruncken kalb sey güt zū wage / vnd nemē dar zū iren grund vnd beweisung auß den Worten Galeni / welcher spricht / wa die Cur inn einer franckheyt nur einen weg hatt / darzū der gebrest oder die sucht zū der gesundtheyt gebracht werden mag / soll der selbig / obs gleich dem franken zūwider ist / vñ schwerlich gebraucht werden /

Indianischen holtz.

werden/ dann der artzet braucht auch offinals
das so dem francken glid ganz zu wider vnnnd
schädlich ist/ et was böfers zu vermeiden / dar
mit es zu rechter gesundtheyt gebracht werde/
als so man mit glüendem eisen Cauterizirt od
brennet / mit scharpffen dingen etzet vñ schneid
et/ vnd der gleichen gifftrige treibende artzney
gibt/ vnd der gleichen mer. Darumb ver mey
nen sy auch inn der not / dieweil sy andere hilff
nit haben oder wissen / man müsse das quecksil
ber brauchen / aber mein radt were (dann ich
solchs durch langwirigen brauch vnnnd übung
erfaren hab) dieweil ich dir ein nutzliche vnnnd
gar vnschädliche heylsamer artzney angezeygt
hab des holtzrancks / du wöllest dich desselbi
gen gebrauchē/ die reüchung/ schmierung vnd
der gleichen gänzlich meiden vnd fliehen.

¶ Wie das quecksilber gereynigt/
vnd im seiner schädlicheyt eins theyls benom
men werden soll / darmit es den glidern
dest minder schädlich sey.

Das xj. Capitel.

Eist auch hoch von nöthen / vnnnd fast
nutzlich dz ein yede artzney / sundlich die
etwas

New erfundner gebrauch des

etwas vnreyn vnd vnfauber ist / vnd scharpff /
das jr die selbig scharpffe vnd vnreynigkhey be-
nummen werde. Derhalben mich fürnemlich
nuz vnd güte dunckt / das auch vom Mercurio
oder quecksilber aller schwebel / vnd was von
bleyiger ir:discher art / vermischet ist / von ihm
genummen werd / darmit es von aller vnvoll-
kommenheyt durch ein bequeme bereyung ab-
gestündert werd / damit es kräftiger subtilierē
vnd baß durchdringen möge / auch in wenige-
rem ringern gewicht / kräftigere würckung
thū / solche bereyung mag inn zweyerley weg
geschehen / als durch sublimierung vnd durch
schwemmen vnd wäschen mit scharpffem es-
sig / aber die sublimation soll hierinn nit gesche-
hen / wie der gemeyn brauch ist bey den Alchimi-
sten / sunder nū den schlechtesten Mercurium
für sich selbs / thū in ein Kolbenglaß / setz ein
helm drauff / verkleyb die fügen wol / mit einē
darzū bereyten leyden / setz in äschen / gib ihm
ein gemächlich feür / laß sänfftiglich auffstei-
gen / so wirt sich das subtilste scheyden auffstei-
gen / vnd näbens herumb an dem Kolben anhen-
cken / brichs dan widerüb auff / vnd schab die an-
gehentē materi fleißig ab vnd behalts / zu sol-
chem werck magstu dir ein öfelin vnd Kolbē be-
reyten auff folgende weiß / mit einem hohen Kol-
benglaß / wie dir diß figür lin anzeygt.



Neuerfundner gebrauch des


Wa du aber solche bereytschafft nicht haben
möchtest/so nim ein schlecht kolbengläßlin od
ein starck harnßglass/setz in warmen sandt /vnd
laß also auffsteigen / Weiter so mag auch der
Mercurius mit essig / wie gesagt/ gereyniget
werden/wol geschwemmt vnd gewäschen/ al-
so das du inn einer irzdinen oder glesin schalen
essig darüber getüßest / wol zügedeckt / vnnnd
mit einem sanfften feürlin er wermpf/ dann so
lang gerürt/biß der essig verreücht / vnnnd der
Mercurius zü fleynen stüeklin werde/dañ als
lang geschwemmt vnnnd gewäschen/biß nichts
irzdichs mer erscheinet oder vnßaubers / sun-
der als schön vnd klar werde als der hummel/
Wadich dann die not tringen wurde/möchte-
stu disen Mercurium brauchen / dann fürwar
ein vntz als vil schaffen wurde/als des andern
rohen vnd groben Mercurij ij.vntz.

Zü dem sublimieren (diewel solcher subli-
mierter Mercurius zü vilen dingen fast nutz-
lich gebraucht werden mag / möchtest du dise
bede folgende gschirz oder gefeß auch wol vñ
füglich brauchen.

¶ Von hefftigem schmerzzen der
gleich in blatern oder bösen Franzosen.
Das xij.Capitel.

Wa

Indianischen holtz:



WA die Franzosen od bösen blatern veraltet vnd tieff eingewurzlet werden/ vnnnd kein andere hilff noch radt nutz schaffen wolte/ vnd hefftiger schmerz d gleych vnd glider entstünde/ solt du erstlich die vsach böß schädliche feüchte vnd giffrige materi als vil dir müglich ist/ mindern vnnnd austreiben/ wie zu vil mal gesagt vnd angezeygt ist / dann die Cur des holtztranccks auff nachfolgende weiß brauchen. Ist der franck jung/ Choleric scher oder Sanguinischer Complexid/ so speiß ihn durch auß die ganz Cur mit der genawen
orden

Neu erfundner gebrauch des

ordenlichen Diet der Mercreübel vnd mandel
kernen /bereyt ihm auch den Sirop durch auß
die ganz Cur von j. pfund holtz /vnd xij pfund
wassers /eingesotten / nach dem es ein ganzen
tag gestanden /gebeyzt vnd erweycht ist in ei-
nem irzin geschir: biß auff v. pfund einseitid /
daruon gib im täglich abends vnd morgens
anderhalb pfund. Den gmeynē träck des andn
suds bereyt von xx. pfund wassers / biß auff x
pfund eingesortē. Ist aber d' franck jung / flez
matischer oder Melancholischer Complexion
so speiß in mit der genawen ordenlichen Diet /
der mercreübel vnd mandelkern durch auß die
ganzzeit der Cur. Den Sirop bereyt ihm von
anderhalb pfund holtz /vnd xij pfund was-
sers /laß beytzen oder erweychen vnd einsiedē /
biß auff v. pfund / gib im abends vnd morgens
alle tag anderthalb pfund / das ist vj. vntz /
durch auß die ganz Cur. Den tranck des an-
dern sudts bereyt von xxv. pfund wassers / ein-
gesotten biß auff xv. pfund. Inn alten leuten
soltu gleiche ordnung halten der Cur / allein dz
du sy speisest mit der krefftigenden sterckenden
Diet des fleyschs / aber außserhalb solliē die gli-
der mitt folgender salben geschmiert werden /
welche fast krefftig / bewärt vn̄ sunderlich nutz
vnd güit ist / bereyt sy also /

Indianischen holtz.

Nim̄ des edlen Rhömischen Timians Sticas
dos Arabicum genennet/
der edlen ouchten Salbey/
Yua artetica oder glidkraut/
Braun Bethonien/
Sanct Johans kraut/
Seudann Chamedrys gnant/yedes anderhalb
handtuoll/
ackerwurtzel ij.lot.
Seid̄ dise stuck inn kräftigem weissem wein/
seibe es durch/thu darzu
wol geseiberte rägenwürm mitt wein gewäs-
schen ein halb pfund/
des wolriechenden Stryacis Calamite zerstos-
sen vij.lot/
vngesalzen reyn geleütet schweinin schmaltz
ein pfund/
Lor öl/
Sillen öl/
Mastix öl/
Weiß Weirauch öl/
Spicken öl/
des aller ältesten baumöls yedes vij.lot/
Rosen öl/
Frisch butter/yedes viij.lot/
Weirauch gestossen iij lot/
des scharpffen gummi Euphorbij j.lot/
¶ Laß

Neuerfundner gebrauch des

Laß senfftiglich mit einander sieden / so lang
biß sich der wein verzört oder eingeseüdt / dann
thü darzü des schönsten Flaresten Venedischen
Gloriet oder Terpentin öl / von Sennen holtz
gebrant / yedes iij. lot /
reyn gepulvert gold glet ein halb pfund /
des weychen flüssigen styracis / iij. lot /
des besten vnd ältesten Thiriacs ij. lot /
Käbholtz äschen j. lot /
rote Mini v. lot /
des auffgestignen sublimierten Mercurij / wie
in nächst vorgeendem capitel angezeygt / bereyt
mit rosendl wol zertriben vnd getödtet / in ein
stein in mdsen / iij. lot /
Vermischs wol zusammen vnd rürs vnderein
ander zü einer salben.

¶ Von harter geschwulst vnd beü- len der gleych vnd glider in den Franzosen.

Das xiiij. Capitel.

Solche harte geschwulst vnnnd beülen /
welche von Melancholischer materi
entspringen / oder auß andrer vrsach er-
wachsen / etwa im fleysch etwan im gebeyn et-
wan in jnen beyden / die im gebeyn / sonderlich
des ruckgrads / ist sorglicher schwerer vñ mü-
samer

Indianischen holz.

samer zübeylen / dieweil es in der gestalt eines
Apostems bleibet / daruon gemeyniglich das
beyn zerstört vnd verfaulet wirt / vnd mag sol-
ches dreyer ley weiß geschehen / also das dz beyn
allein eüsserlich erfeült vnd zerstört wirt / oder
in der tieffe allein / oder zü beyden orten / welche
sich dann meret / vnd ye ein beyn von dem ande-
ren erfeült vnd zerstört wirt. Solches magstu
erkennen / wa die beyn aussen herumb gelöset /
rauhe vnnnd hart seind am griff / doch die haut
ganz vnnnd vnuerfert / vnnnd wann du dar auff
greiffest / fület er hefftigen vnleidliche schmer-
zen von wegen der hertigkhey vnnnd reühe des
beyns die da sticht. Wa nün solche hertigkeit ver-
altet / vnd sunst kein andere artzney helfen will
solt du die Cur des holztrancs brauchen / wie
von dem schmerzen der gleych gesagt ist / inn
veralteten tieff eingewurtzleten Franzosen /
doch das du vorhin die vrsach die schädlich ma-
teri vnd giffrige feuchte wol außtreibest vnnnd
minderst. Die harten geschwulst vnd beülen /
salbe mit dem sälmlin im Capitel vö drüß-
lin vnnnd harten beülen der kinder
verordnet auff vierzehen
oder fünffzehen
tag lang.

¶ ij ¶ Von

Neuerfundener gebrauch des
¶ Von hohlen schäden vnd fistulen
der Franzosen oder bösen blatern.

Das xiiij. Capitel.

Hole tieffe schäden vnd fistulē der Fran-
zosen / werden eben gleicher maß Cu-
riert als die erfeülñß der beyn/ mit vn-
uerfetter gantzer haut / 20.

¶ Von bösen / giftigen / eytterigē/
einfressenden schäden auch mit zerstörung vnd
feülñß der beyn in veralteten tieffe einge-
wurzleten schäden / Das xv vnd
leift Capitel des dritten
teyls dieses büch-
lins.

HJe reden wir von den alten bösen giff-
tigen eytterigen vnd einfressenden schä-
den der Franzosen / darinn mancher-
ley vermischet ist / daruon die heylung gehindert
wird / darin soll vor allen dingen von einem er-
farnen wundarzet das schädlichst vnd erfeül-
test mit Cauteriziren oder etzen hinweg genū-
men werden / als ferz solches die einfressung/
feülñß vnd zerstörung erfordert / doch das all-
zeit / vor vñ ee die schädlich giftig materi genūg
samlich

Indianischen holtz.

samlich außgetrieben werd/dañ solt du die Cur
des Indianischen holtztranccks brauchen/wie
vom weetagen vnd schmerzen der gleych inn
veralteter tieffeingewurtzleter Franckheyt der
Franzosen gesagt ist/damit auch solche gesche-
digte glider leichter Curirt werden mös-
gen/magstu die salb brauchen im vii. capitel di-
ses dritten theyls verordnet/wa auch er feülmiß
vnd zerstörung des beyns erschin/soltu es scha-
ben mit bequemen vnd hiezü dienstlichen In-
strumenten/wie ich dir solche künstlich coner-
feyt oder abgemalt hab in meiner grossen vol-
kümnen Teütschen Chirurgey/darün du weit-
tern/klarern vnd gründlicher bescheyd vnd
vnderrichtung finden würst. Wa dañ solches
geschedigts/zerstörts vnnd erfeültes beyn ge-
schaben vnd geseübert ist/soltu für faren mitt
der Cur des kostlichen vnd heylsamen India-
nischen holtztranccks/wie droben in gemeyn vñ
solchen holen vnd offnen schäden gesagt ist.

End des dritten teyls von der art/eygen-
schafft vnd gründlicher Cur der
Franzosen od bösen bla-
tern / sampt allen
schädlichē zñ-
fällen/rc.

N ij Vnglicher

New erfundner gebrauch des
Nützlicher bericht vom
wein/wie der selbig in diser new er
fundnen artzney nutzlichen gebraucht/vnd zü=
gelassen werden möge/auch zü dem Indiani=
schen holz vermischet/vnd darmit gesot=
ten/biß auff dise zeit bey wenigen
im brauch gewesen. Der
vierdt vnd lestt teyl
dises büch=
lins.

New erfundner gebrauch des
weins zü dem Indianischen holztrancf/
Das erst Capitel des dritten vnd
lestten teyls.

D Jeweil ein jegliche
kunst von tag zü tag Geme=
ret / vnnnd durch züthüung
nutzlicher ding / yhe lenger
ye vollkümner wirdt / aber
darzü der fleiß vnnnd nach=
trachten sunderlich behilfflich seind / ist vor alle
dingen nutzlichen vnd hoch von nöten das sol=
che kunst / dardurch leibliche gesundtheyt er=
halten/

Indianischen holtz:

halten / vnnnd schwere Franckheyten vertriben
werden / vor anderem täglichem zümenen ge-
wiffer vnd vollkümner werde. Derhalben wir
vns auch weiter befeissen die neüw erfundene
heylsame Cur des holtztranccks zümeren / vnnnd
vollkümner zümachen / wiewol keiner gnüg-
sämlich außsprechen noch beschreiben mag die
wunderbarlichen tugent vnd kräfte / so bißher
in solcher kostbarlichen artzney erfunde seind.
Dieweil vns aber die täglich übung vnd erfa-
rung / wa sy mitt vernunft geschicht / allzeit
weiter vnnnd näher hinzü bringet zü der war-
heyt eins yeden dings / seind auch mancherley
stück mit disem heylsamen holtz weiter ver-
stärket worden / namlich solchs mit wein züver-
mischen / vnd ist also erfunden worden / dz sol-
ches trancck ein frefftigere durchtringēde kraft
gehebt hat / dan der wein nitt allein dises holt-
zes / sunder auch anderer stück fürer vnd ge-
leytter ist inn die tieffe zütringen / dahin sye
von ihnen selbs nicht kummen möchten. Der-
halben mich auch für nutzlich vnd güit ange-
sehen hat in disem leisten theyl zübeschreiben / ob
der wein oder das wasser hierin nutzlicher ge-
braucht werden möcht. Weiter ob auch yemāde
vö den alten ärzte / etlich stück in wein gsottē /
N iij zü

New erfundner gebrauch des
zü mancherley Cur der Franckheyten gebrauchet
hab/sampt anderen nutzlichen stucken/ zü diser
sachen notwendig vnd dienstlich.

Das der wein / vilerley Franck-
heyt zü wenden vnd Curieren/ fast nutzlich/
vnd von den alten ärzten darzū ge-
braucht worden sey.

Das ij-Capitel.

Es ist ein gemeyne regel hey den ärzten/
das solche artzneyen / die ein langsame
würckung haben/in wein erweycht wer-
den sollen/darmit sy gescherpffe vnd gestercke
werden/derhalben Abinzoar nit vergeblich ge-
sprochen hat/das weder die speiß noch die artz-
ney nimmer on wein gegeben werden soll. Es
lernet auch Mesues / wie man die purgierend
wurtzel Khabarbara in wein erweychen soll/
dan er spricht/der artzet soll allzeit dahin trach-
ten/das er den gschmack der artzney vergleich
der speiß leiblicher narung/dan also wirdt die
natur die artzney begirlicher angreifen/darzū
ist aber der wein sunderlichen nutz vñ bequem.
Derhalben nit vergeblich erdacht ist/vō man-
cherley gewürtz/auch vō blümen wurtzlen vñ
früchten/bereyte wein zūmachen / vñnd auch
solche

Indianischen holtz.

solche stück zu vilerley sichten vnd gebrechen/
in wein züsieden / wie dan solches dise zeit bey
meniglichen im brauch ist/20

C Ob der wein in kranckheytē für
das wasser zürwölen sey / vnnnd in welchen
kranckheyten solchs gezimme.

Das ij. Capitel.

S Jeweil der wein/der innerlicher natur
licher wöme fast ähnlich ist / vnnnd allen
gliedern kräftige narung gibt / aber dz
wasser keiner dulden mag / er sey dan Sanguini-
scher Complexion / als niemandt leügnen
mag/wie kräftig der wein sey in seiner durch-
tringenden krafft/ die leblichen geyster zükreff-
tigen vnd erquickten / welche vö Felte vnd trück-
ne zerstört/ aber von der wöme des weins ge-
sterckt vnnnd bekräftiget werden / deßgleichen
auch wie kräftig der wein sey/die natur deren
ding so man darin erweicht vnd beyzet durch
alle glieder zübringen/vnd in die tieffe züführen/
welche er kräftiglich an sich nimpt / wie einē
yeden durch tägliche erfahrung bewißt/ wurde
solcher wein in schwacheyt vnd blödigkeyt na-
türlicher kräft / verlonnem Aperit vnd vnlust
zü der speiß/böser dawung / vil nutzlicher ge-
A v braucht/

Neu erfundner gebrauch des

braucht/ deßgleichē auch so der Franck flegmatischer Complexion wer/ oder die sucht vō flegmatischer oder Melancholischer feuchte verursacht/ auch in veralteter vnd tieff eingewurtelter Franckheyt mag der wein vil nutzlicher gebraucht werden/ aber in Cholerischer od Sanguinischer Complexion erhitzigung der leber/ überflüssig geblüt/ gallē od Cholerischer feuchte/ auch der Franck starck vñ kräftig wer. Summerszeit in grosser hitz oder wōdme/ als dann ist der holztrancck frischlich vō wenigem holz gesotten/ nutzlicher vnd besser.

Das man auch inn den holztrancck mit wein gesotten andere Simplicia od einfache stuck vermischen vñnd brauchen mög. Das iij. Capitel.

Es ist allen denen / so sich der heylsamen kunst der artzney vnderwinden vnd aneminnen/ kundt vñnd offenbar / das einē yeden glid in sunderheyt etliche stuck nutz vnd dienstlich seind. Derhalben auch dieweil von der schweren Franckheyt der Franzosen mancherley glider verletzet vnd geschedigt werdē/ nit wol zū glauben ist / das durch ein einige artzney solchen vilfeltigen glidern/ die verunreynet vnd

Indianischen holz.

vnd gekrenckt seind/helffen mög. Darüb auch zu diesem holztrancf solche stück vermischet werden sollen / dem geschedigten glied in sundheyt zugeeygnet/sein vilfeltige kräfte/tugent/vnnd würckung zu dem selbigen ort zübringen/ das selbig zülösen/erweychen/reynigen/zerteylen/trücknen vnd stercken / dest fürderlich vñ kräftiger/nach dem es die sucht oder der gebrechen erfordert.

¶ Von erwölung des weins/welcher am nützeften vnd dienstlichsten sey.

Das v.Capitel.

Szweil der wein widerwertiger natur ist/dañ die alten leüt feltet er/aber junge leüt erhitzigt er/vnnd die so hitziger natur seind/kület er vnd trücknet die feüchten/vnd herwiderumb erfeüchtet er die trucknen/solt du den besten also erwölen. Der wein ist im ersten jar kalt vnnd feücht/aber der fiernen von vier biß in das sibend jar/ist hitzig vñ trucken/vnd wirt in den dutton grad gesetzt/aber der mittler alte hiezzwischen / ist mäßiglich warm vnnd trucken /vnnd diser wein erwärmet vnd temperiert die schwarz gallen / oder Melancholisch feüchte/ durch sein wärme vnd
erfeüchtung

Neuerfundner gebrauch des

erfeuchtung/vnnd fürnemlich so er das ander jar nit erreycht hat/ Diser wein dienet für alle gebrechen der Melancholey/ schadet auch den erhitzigten nichts. Der weiß/klar /vnd dünn wein/ist güt den erhitzigte/dañ er erweckt keinen schmerzen des haupts. Solcher wein ist auch Cholerischen leüten nutzlicher vnd besser dann er treibt auß solche überflüssige Cholerische feuchte durch den harn/ist auch nutz denē/ so feuchter natur seind/ dañ er trücknet mäßig klichen. Sterckt vnd krefftigt nit allein die natürlich wärme/sunder leitet auch vnd erkläret das geblüt / derhalben der weiß klar vnd dünn wein erwölt werden soll/mittels alters/schön von farben/vnd recht güts geruchs / krefftigs geschmacks/nit wässerig /noch herb rauhe od saur/noch züsieß. Wer aber die sucht fast kalt/ veraltet/auch der francf kalter Cöplexion/vnd verstopfft in inneren glideren/vnd ein kräftigere durchtringende vnnd lösende krafft von nöten wer/so magstu älteren wein erwölen.

¶ Von bereytung des weins/vnd den fürnempften reglen so hierin gehalten vñ wargenumen werden sollen. Das sechßte vnd leßt Capitel des vierdten vnd leßten teyls.

Indianischen holtz.

Sie bereytung des trancks vom wein/
soll eben dermassen vnnnd gestalt bereyt
werden / wie wir droben von rechtem
vnd ordenlichem bereyten mit dem wasser ge-
sagt haben/nach art des francken vnd d sucht/
dann wie auch vormals gsagt zu vilerley fräck-
heyt/auch der tranck auff vilfeltige weiß berey-
tet werden soll/ Derhalben wa du ein solches
tranck von wein bereyten wolrest / so such das
selbig capitel/dar inn die Cur gemelter Franck-
heyt beschriben ist/vnd gleich wie von dem ge-
wicht des wassers vnd des holtzes geordnet ist/
also bereyt auch sollich tranck/ wie dir fürge-
schriben ist/zü dem letzten bequeme stuck darzū
gethon nach erheyschung der Franckheyt/vnnnd
des verletzten geschädigten glids/wie ich dir
folgende anzeygen will/nach dem du dan sol-
chen holtztranck ordenlich bereytet hast/ so nim
ein pfund des geschabnen holtzes/thu es in ein
irzin geschirz/geuß x-pfund weisses /klares/
lauters weins nach dem solchs vermischet ist/
darüber. So nim des vorzigen gsotnen trancks
mitt wasser bereytet / wie dir ein yedes Capitel
einer yeden Franckheyt sunderlichen anzeygt/
gesotten vnd bereytet/wie es die sucht vnd Cō-
plexion des Francken erfordert/ als vil als des
weins ist /vermischs zūsammen/ als heys du

New erfundner gebrauch des

es von dem feür hebest. Wann es also zusamen gegossen ist/laß es nit weiter sieden/sonder ein ganzen tag ston vnnd erweyhen/ seühe es dann durch / vnd behalts für den Sirop abends vnd morgens / vnd für den tranck inn den malzeiten/ dann der ring sudt des holtz vñ wassers wirt die hitz des weins /wa sy vorhanden wer/demmen / damit solchs in hitzigen külen/vnd hitziger Complexion nit schädlich sey. Damit du aber solchs ein klarern verstand vñ eygentlicher n bericht fassen mögest/wil ich die folgendes alle notwendige reglen für schreiben vnd anzeygen.

Die erst regel ist / das allzeit im gebrauch des weins in einem yede sudt des holtztrancks der rinden vom Indianischen holtz fast fleyn gestossen/vñ reyn gebeütelt/ auff vier vntz vermischer vnnd gesotten werden sollen /mit verordnetem gewicht vnd maß des holtz vnd wassers/wie dan in eim yeden Capitel einer yeglichen franckheyt in sunderheyt verordnet ist.

Die ander regel / wa in einer sucht die leber erhizet wer /soll man solche stück brauchē /welche ihr ire hitz benennen/ oder die leber külen als Endwien/Wegweiß/erdttrauch oder taubenkropff/dreyerley gschlecht des sandels/vnd dergleichen stück mer /allzeit zum lezten ein wenig

Indianischen holz:

wenig darmit gesotten/wa auch die leber verstopffte were / soll man eröffnende stuck solcher verstopffung eben dermassen brauchen.

Ist aber das hirn erkaltet/ so brauch des Römischen Timians/ Sticados Arabicū gnant/ braun Bethonien / vnnnd dergleichen kalte oder warme stuck/nach gelegenheyt des gebrechtes. Weren dan die glider mit schmerzen behafft/ oder mit herter gschwulst beladen/so brauch dz glidfreülin Yuam artetica/aller wurtzel / sticados vnd Sanct Johans fraut.

Zu dem hertzen brauch Burretsch/ Ochsenzung fraut wurtzlen vnd blümen/ Alantwurtzel / Scabiosen vnnnd dergleichen/ zu end des sudts fast zärtlichen gesotten/vnd dan wie gesagt/zü dem wein vermischt.

Die dritt regel/inn yeder zübereytung des weins/in aller gestalt der Franzosen oder bösen blatern/solche züwenden / wañ sy veraltet seind/soll allzeit ein handtuoll von Carden benedicten fraut/sampt den andern stucken darz zü gethon vnd gebraucht werden.

Die vierdt Regel/in yeder bereytung des weins soll gleiche maß vnd ordnung sein des holztrancs.

Die fünfft regel ist / das in solcher Eur vnd gebrauch des weins nicht alle franchheyten zügleich

New erfundner gebrauch des

gleich in einer bestimpten zeit Curiert werde/
dañ etlich xv. etlich xx. tag erfordern/aber et-
liche ganze xl. tag/vnnd etlich auch mer/aber
solche vngleichheyt/entspringt nach art vnnd
eygenschafft der Franckheyt/natur vnd Com-
plexion des Francken/dañ es ist gar vil daran
gelegen/ob der gebrech hitzig oder kalt sey/alt
oder new/20.

Die sechst regel ist/das du zu der Cur ein
schön/klar/temperiert wetter erwölen solt/
als den Fröling oder Glentzen/welcher die be-
ste zeit hat/vnnd nächst ihm nach den Herbst/
dañ der Summer ist zühitzig/vnd der Winter
zükalt/der Winter leidet nit die durchtringüg
derhalben Summer vnd Winter in der würa-
ckung verhinderlich seind.

Die sibend regel ist/das der Franck mit der
kressigenden vnnd sterckenden Diet des fley-
sches gespeiset werden soll/dieweil durch den
wein die natürlich hitz erweckt wirdt/darvon
die dāwung vnd durchtringung behender ge-
schicht/der feuchte widerstat/daher kräftig-
lich lust vnd begird zu d speis entstadt/darüb
der Franck abends vnd morgens mit fleyssch ge-
speiset werden soll.

Die acht regel ist/das du sicher bist/wa der
Franck gleich vom lufft angewähret wirdt/das
jm

Indianischen holtz.

jm solchs nit schädlich ist / daß von wegen des weins wirt er innerlich geschickt aller eüßerlicher fetülniß züwiderstohn / auß gleicher vrsach / mag auch der Franck der verträüßlichen müß des schwitzens überhaben werden / vnd sich vil kecklicher / getrösterer / vnd sicherer in handel begeben.

Die neündt regel ist / wa der Franck zü der speiß vnd malzeit / solchs tranck nicht trincken möcht / vnd ihm fast züwider wer / von wegen vilerley stuck vermischung / magstu jm sollich tranck oder Sirop wol durch ein kupfferin instrument abziehen durch die distillatz mit gleichem teyl weisses weins vermischen / vnd also zü der speiß inn malzeiten / zum gebietlichen tranck bereyten vnd geben. Wer aber der Fräck arm vñ vnuermüßlich solchs kostens / so magstu ihm den tranck des andern sudts bereyten / wie daß in solchem Capitel der selbigen Franck heyten / darmit er beladen verordnet ist / on zühüung oder vermischung anderer stuck / des selbigen trancks vnnd des weins gleich vil züsammen vermischer / solchen wein sol der Fräck zü den malzeiten / vnnd sunst glatt fein ander tranck trincken.

Die zehend regel ist / wa der Franck Cholearischer oder Sanguinischer Complexion wer /

U vnd

New erfundner gebrauch des

vnd von schwacheyt wegen des magens / doch
solcher wein gegeben werden müß / das du als
dañ vnder ein teyl weins / fünff mal als vil des
holztrancßs ver mischest / solchs geschehe auch
vnd werde gehalten in frischen einfallenden
Frantzosen oder blatern.

Die xi-regel / wa zñ anfang des gebrauchs
des weins / die glider mit schmerzen / beülen /
vnd harten gesch weren beleydiget wurden / dz
solche fürnemlich mit dem geträck des weins
gebähet werden sollen / Wa aber solchs nichts
hulffe / das man den schmerzen am höchsten
auffsteigen der Cur stille vnd gelege mitt dem
sälblin / droben im capitel vom schmerzen vnd
weetagen der gleych beschuben. Die schäden
vnd löcher mögen auch sicherlich mit der salbe
vom Mercurio bereydet / geheylet werden / wie
auch droben gesagt ist von bösen giftigen schä
den vnd löchern.

Die zwölfft regel ist / das im gebrauch des
weins alle wochen die schädlich feuchte vnd
giffzig materi nach erhetschung des francken
vnd der sucht außgetriben werde vnd gemins
dert. Sē Sir op täglich zwey mal trinck abēds
vnd morgens auff vj vnz warm gemacht bey
vier stunden vor der speiß / die selbig stund sich
zñ beh

Indianischen holtz.

zu beth halt/ vnd auff den schweyß warte / wie dann droben gesagt ist.

Die dreyzehend regel ist / wa du im gebrauch des weins den bauch lösen vnd öffne woltest / das du in den tranck sampt andern stucken gesdorrtter pflaumen von Samasco auff zehen ander zal vermischest / sampt Sener blettern / Engelsieß (oder Eychfarren) yedes auff ein lot / welche stuck alle sunderlich in den Franzosen nit entgegen oder zuwider seind. Aber Coloaquint / Agaricum / vnnnd Diagridion soltu nie brauchen oder darzu vermischen / wie etlich vuerstendige thünd mit verderbniß vnnnd großem schaden der Francken.

Die vierzehend regel / wa zu end der Cur d Franck / fürnemlich wa er Sanguinischer Cöplexion wer / zu fast erhitziget wurde / von wegen des weins / soltu jm die leber ader od gula din adern öffnen.

Die fünffzehend vnd lestt regel ist / wa ettwan von einer eynigen Cur vnd gebrauch des holtzes die Franckheyt nicht vertriben werden möcht / welches ein vrsach sein mag das etliche arzneyen hitziger natur seindt / deren hitz aber etwan von der kelte wegen d Franckheyt übertroffen vnd geschwecht wirdt / also das sy ihr würckung nicht vollbringen mag /

Derhalten
U q wa

New erfundner gebrauch des

wa sy erstlich geschwecht / soll die Cur zu dem andern vnd dritten mal gebraucht werden / so lang biß die artzney bey jrn Kräfte[n] bleiben / jr würckung vollbringen / vnd die fette geendert werde. Damit du aber nit leichtlich irren oder fälen mögest / will ich dir ein klar vnd verstendlich Exempel setzen / namlich / wa dir einer für käme / beschwert mit schmerzen vnd weetage des haupts / vnd der gleych / der glider / mit bösen giftigen schäden vnd löchern / mit zerstörung des niderligenden beyns / hefftigen schmerzen erlitte / beülen vnd harter gschwer vñ gschwell / des Podagrans oder hufftwees / sole du erstlich die giftig materi vñ schädlich feuchte / daruon solchs erstlich geursacht ist / austreiben vnd mindern / die bösen gschwer vnd zerstörung des beyns von jrer giftigen bösen art eins teyls endern / nachmals folgende Cur / vñ gebrauch des weins / auff dise weiß anheben / Nimm des düñ gehobleren oder geschabnen holzes anderthalb pfund / thü es in ein iridin geschirz sampt iij. vntzen / das ist / acht lot 8 klein gestoßnen vnd subtil gepuluereten rinden / von offrgemeltem Indianische holz / geuß zwölff pfund wassers dar auff / laß bey einem sanfften linden Kolfeürlin gemächlich sieden / das es ein seüdt biß auff vier pfund nahe / vnd acht pfund über

Indianischen holtz.

überbleiben/dañ thū darzū der kreüter/
braun Bethonien/
Glidkraut oder Yua artetica/
Carden benedicten/
des edlen Römischen Timians/sti-
cados genant/
Sanct Johans Kraut / yedes ein
handtuoll/

Ackerwurtzel ein lot/
seüds wider das noch j. pfund einsiede.

Dise brū geüß in ein new ir: din gschirz/dar
inn ein pfund des geschabnen holtz vñnd des
besten weissen weins vñ. pfundt darüber ge-
schüttet seyen / Laß solche zū sammen gießung
ston ein ganzen tag / dan seübe es durch ein lei-
nin thūch/das fast dick sey / gib einem Francken
der Flegmatischer oder Melancholischer na-
tur ist/des abends vñnd morgens alle tag für
ein Sirop ein halb pfund/das ist vñ. vntz/ des-
gleichen zū der speiß vñnd zwischen den malen.
Aber denen so Cholischer oder Sanguinisch
er Complexion seind/denen soll der tranck bes-
reytet werden / wie im Capitel von schmerzen
vñnd weetagen der gleych in veralteten tieff ein
gewurtzleten Franzosen gesagt ist.

Sieweil es aber das fürnempst vñnd notwē-
digst ist/einem yeden der sich diser vñnd anderer

Q iij arzneij

Neuerfundner gebrauch des

artzney vnderston will / das er gar eygentlich die natur vnd Complexion eins yeden menschen vnd yeder Franckheyt / schnell vnd gründlichen erkennen mög / hab ich etlich kurz verzhennener zeit ein sunderlich büchlin darvon beschriben / solche gar eygentlich durch gewisse künstliche vnd natürliche zeychen zu erkennen / wirt dir hierin über die maß nutz vñ dienstlich sein.

End des vierdten vnd leisten teyls dises büchlins der neuerfundnen / heylsamen / wunderbaren hilff vñnd artzney des Indianischen holzes / für mancherley schwere vnd vñnheylbare franckheyt / gemeynem nutz zügüt vnd wolfar inn
Teütscher sprach in
truck verordnet.
net/xc.

Folgt das gemeyn Register vnd kurzzer inhalt aller nñ-teyl dises büchlins.

Register

Register fund inhalt

des ersten teyls.

Von rechter bereytung vnnnd nutzlichem ge- brauch des Indianischen holztranccks / vnd dz solchs nicht in gleicher art vnnnd weiß inn allen francckheyten / vnd einem yeden bereyt / vnd zñ gleich gebraucht werden soll / das erst capitel.	pag 1
Eygentliche beschreibung des Indianischen holztes / das	ij. capitel. 2.
Wie das Indianisch holz zñ erkennen / vñ wel- ches das best sey / das	ij. capi. 5.
Von der natur / eygenthschafft / vnd Complexio des Indianischen holztes / das	— 9.
Von der trefflichen / kräftigen / vilfeltigē wūr- ckung des Indianischen holztranccks. v. ca.	— 14.
In was francckheiten man von dem holztracck abstohn soll / vnnnd andere artzney erwölen / das	— 15.
Auß was vrsach dz Indianisch holz also kräft- tig sey / mancherley francckheyt zñ Curieren / das	— 17.
Das nit allein die Franzosen oder bösen bla- tern / sunder auch andere schwere sorgliche zñ- fäll vnnnd francckheyten mit dem Indianischen holz	— 19.

Register.

- Pag 20. Holz Curirt vnnnd gewendet werden mögen/
 das viij. capitel.
 Von erwdlung des pits vnd gemachs/ darein
 der Franck gelegt werden sol/dise heylsam atz
 22. ney des holztrancks zübrauchen. ix. capit.
 Von der erwdlung bequemer zeit des jats/
 das x. capitel.
 23. Von der speiß vnd narung/ vnnnd warumb die
 selbig fast ring vnd genaw sein soll. xi. cap.
 23. Von erwdlung des brots/ damit der bresthafft
 die zeit der Cur gespeiset werden soll. xij. ca.
 25. Gemeyne ordnung vnnnd Regiment der speiß/
 deren sich der Franck die ganz zeit der Cur ge-
 brauchen soll/das xij. capitel.
 26. Wie die ordnung vnnnd Regiment in der speiß
 züuerenderen sey / nach gelegenheyt der sucht
 vnd des francken/das xiiij. capitel.
 28. Wie der presthafft innerlichen purgiert oder
 gereynigt werden soll/das xv. cap.
 Wie sich der Franck in zeit der Cur haltē / auch
 was er meiden soll/das xvj. capitel.
 Vom schweyß/vnd was hierinn zübetrachten
 sey. xvij. capitel.
 Von rechter vnnnd ordenlicher bereyrtung des
 trancks von dem Indianischen holz. xvij. ca.
 Vrsach warumb solches holztranck ein langen
 sude bedarff. xix. capitel.
 Wie

Register.

Wie das Indianisch holtz erstlichen zu dem
trancf bereyt werden soll. xx-capitel

Wie vnd wie offte der trancf des Indianischen
holtzes gesotten werden soll. xxj-ca-

Ob auch im trancf des Indianischen holtzes/
andere bequeme stuck /nuzlich gesotten werde
mögen. xxij-capitel

Wie das holtztrancf in mancherley grad /inn
sunderlichen gebrechen yede zeit bereydet wer-
den soll. xxij-capi-

Wie der Sirop / oder erst sudt des holtzträchs
zūbrauchen sey. xxij-capitel.

Das nit gleicher trancf in stercke vnd in maß
oder vile/allzeit gegeben werden soll /

das xxv-capitel.

Wie man sich halten soll / wañ der trancf dem
francken fast zūwider ist /vnd hefftig darob vn
willet. xxvj-capi-

Wie auch etwan zu zeiten solcher trancf vnder
lassen /oder ein zeitlang angestellt werde mög-
das xxvij-capit-

Wie der getranck des Indianischen holtzes/
in der Cur vnd heylung der Franzosen oder
bösen blatern zūgebrauchen sey. xxvij-ca-

Wie man sich halten soll nach der Cur des In-
dianischen holtzes. xxix-capit-

P Auß

Register:

pag 50.

Auß was vrsach das Indianisch holz vilfeltige würckung vollbringe/ Das dreysßigt vnd lezt capitel des ersten theyls dises büchlin.

End des registers des ersten teyls.

Register vnd inhalt des andern theyls.

Von langwirigem schmerzen vnd veraltetem weetagen des haupts. j-capit.

Wie das veraltet eingewurzlet hauptwee vñ Flegmatischer feüchte verursacht in ein jungen Cholerschen oder Sanguinischen menschen Curiert werden soll/ ij-capit.

Solche sucht / inn einem Flegmatischen oder Melancholischen jungen zuwenden vnd heyle. das ij.cap.

Veraltet hauptwee von Flegmatischer feüchte in einem alten Cholerschen oder Flegmatischen zu Curieren. iij-capitel.

Da die Melancholische feüchte ein vrsach were solches langwirigen hauptwees ein jungen Cholerschen oder Sanguinischen zu Curieren. das v-capitel

Solchen

Register.

- Solchen gebrechen in einem alten Cholerischē
oder Sanguinischen zū Curieren. vii. cap.
Solchen gebrechen zū wenden in ein alten fleg
matischen vnd Melancholischen. vii. ca.
Von vnmässigem vnnatürlichem wachen/
das vii. capi.
Vnnatürlich vnd vnmässig wachen in jungen
flegmatischen oder Sanguinischen menschen
zū uertreiben. ix. capitel
Erstgemelte sucht inn jungen flegmatischen
vnnnd Melancholischen leütchen zū wenden.
das x. capitel
Einen alten Cholerischen oder Sanguinisch
en von solchem fäl vnd mangel zū entledigen.
das xi. capitel
Solchen fäl vnd mangel in einem alte fleg
matischen vnnnd Melancholischen zū wenden.
das xii. capit.
Von verwürrüg verstands vñ vernunfft mit
verlierung der gedächtniß. xii. cap.
Verwürrung der vernunfft vnd sinn / mit ver
lierung der gedächtniß zū wenden inn jungen
Cholerischen oder Sanguinischen / wa der ge
brech von flegma wer geursacht. xiii. cap.
Solchs in ein jungen flegmatischer od Choa
lerischer Complexion zū wenden. xv. capi.
P ij Einers

Register.

- Einen alten/Cholerischer oder Sanguinisch
er natur /von solchen gebrechen zü entledigen.
das xvj-capi-
Einen alten/Flegmatischer oder Melancho-
lischer natur von gemelter sucht züentledigen.
das xvij-capitel
Wa die Melancholisch feüchte ein ursach we-
re/schwacher gedächtniß/vnnd verwürrung
sinns vnnd vernunft/ein jungen Cholerischer
oder Sanguinischer Complexion zü Curieren.
das xvijj-capitel.
Solchen gebrechen inn einem jungen Fleg-
matischen oder Melancholischen züwenden.
das xix-capitel.
Inn einem alten Cholerischen oder Sangui-
nischen solchen fäl vnd gebrechen züwenden/
das xx-capitel.
Einen alten Flegmatischen oder Melancho-
lischen in diser sucht zü Curieren. xxi-capi-
Von der tobsucht vnd wanwitzigfeyt auß Me-
lancholischer feüchte. xxij-capitel.
Die Melancholische tobsucht in einem jungen
Cholerischen oder Sanguinischen zü Curire-
das xxijj-capit-
Wanwitzigfeyt inn einem jungen Flegmati-
schen oder Melancholischen züwenden/
das xxijj-capitel.
Von

Register.

Von gemelter dobsucht ein alten / Cholerischer oder Sanguinischer Complexion zu Curieren.	
das	xxv. capitel
Vom schwindel vnd umblausen vor den augē	
das	xxvj. cap.
Von der fallenden sucht.	xxvij. capi.
Die fallende sucht in jungen leüten / Cholertischer oder Flegmatischer Complexion zuuerreiben / vnnd ganz gründlichen zuwenden /	
das	xxviij. capit.
Ein jungen Flegmatischen oder Melancholischen von der fallenden sucht zu entledigen /	
das	xxix. ca.
Die fallend sucht den kindern / von vier jaren an biß auff das vierzehend zuwenden vnd verreiben.	xxx. capitel
Von den saugenden kindern zu Curieren /	
das	xxxi. capitel
Von dem Parliß oder kleynen Schlag /	
das	xxxij. capit.
Lämnis inn jungen leüten / Cholerischer oder Sanguinischer Complexion zu Curieren /	
das	xxxij. capit.
Lämnis in einer jungen Flegmatischen oder Melancholischen person zuheylen vnd wende /	
das	xxxiiij. capitel.
	P ij Vom

Register.

Vom Krampff gegicht thönen vnd spanne der glider. xxxv. capitel

Krampff vnd gegicht in jungen Cholerischen vnd Sanguinischen leütchen züwenden.

das xxxvj. capit.

Ein jungen flegmatichen oder Melancholischen von gemeltem Krampff vnd gegicht zü entledigen.

xxxvij. capi.

Von hefftigem vnnässigem oder vnnatürlichem fluss der augzäher.

xxxviii. cap.

Den vnnatürlichen fluss der träher oder augzäher / inn jungen leütchen / Cholerischer oder Sanguinischer Complexion zü Curieren /

das xxxix. capit.

Solchen gebrechen inn einem flegmatichen oder Melancholischen züwenden.

xl. capi.

Von fäl vnd gebrechen der oren vnd schwerlichem gehö:d.

xli. capitel.

Von schädigung vñ flegmatischem gschwer der nasen.

xli. capitel

Vom gegicht der zungen vnd dem wässrigen gschwer vnder der zungen.

xliij. capi.

Von losem / luckem zansfleysch / vnd herzüfliessender fetüchter schäden der lefftzē / einfressung der biller / vnd bewegung der zän /

das xliij. capitel.

Von

Register.

Von brustsucht / reichē oder schwerlich athmē / das	xlv. capit.
Von der lungen sucht / schwinden vnd abnem- men.	xlvj. capit.
Von verlorne[m] lust vnd appetit zu der speiß- das	xlviij. capit.
Von stinckendem oder starckriechendem athē / das	xlviij. capi.
Vom gschwer des magens.	xlix. capit.
Von fäl vnd gebrechen der leber / vnd erstlich vō hartem fleyschigem Apostem gschwel oder gshwer.	l. capit.
Von der wasser suchte.	lj. capit.
Von franckheyten vnd gebrechen der nierē / vñ schädigung der blasen.	liij. cap.
Von mancherley fäl vnd gebrechen der bärmit- ter oder geburtglider / vnd erstlich von vnna- türlichem fluß.	liij. cap.
Vnnatürliche vnfruchtbar keyt zuwenden. das	liij. capi.
Vom freps der bär mütter.	lv. capit.
Von andern geschweren vnd schädigungen d bär mütter.	lvj. capit.
Von mancherley art vnd geschlecht des bruchs zü heylen.	lvij. capit.
Von maltzey / öl schencklen / zerrisßnen vnd P. iij. auch	

Register.

auch zerbrochen aderen der schinbeyn /
das lviij. capitel.
Vom weetagen vnd schmerzen der gleych vñ
gleder / Podagra / hufftwee vnnnd der gleichen /
das lix. capitel.
Von Falten Apostemen vnd geschweren / beü-
len vnd drüßlin der kinder / Das sechzigst vnd
letst capitel des anderen theyls dieses büchlin
von dem gebrauch des Indianischen holzes.

¶ Register des dritten teyls dieses büchlin.

Rechte art vnnnd eygenschafft die Franzosen
oder bösen blateren eygentlichen züerkennen /
Curieren vnd heylen / Das erst Capitel des drit-
ten teyls.
Löcher oder auffgebrodne geschwer vnd schä-
digung der gemächte züheylen inn Franzosen-
das iij. capitel.
Wie die blatern / rufen / oder gschwer der Frā-
zosen Curiert vnnnd geheyle werden sollen /
das iij. capitel.
Schädigung vnnnd fetülñiß des munds züheyle-
len /

Register.

Von bösen/giftigen/eytterigen/einfressende
schäden/auch mit zerstörung vnnnd seülniß der
beyn inn veralteren tieff eingewurzleten schä-
den/ Das xv. vnd leyst capitel des dritten teyls
dieses büchlin.

Register des vierdten teyls dieses büchlin.

Vew erfundner gebrauch des weins zu dem
Indianischen holztranc. Das erst capitel des
vierten vnd leysten teyls.

Das der wein/viler ley Franckheyt zu wenden/
vnd Curieren/ fast nutzlich / vnnnd von den al-
ten ärzten darzu gebrauchet worden sey.

Das ij. Capitel.
Ob der wein inn Franckheyten für das wasser
zuerwölen sey / vnnnd in welchen Franckheyten
solchs gezimme. iij. Capitel.

Das man auch inn den holztranc / mit wein
gesortē / andere Simplicia oder einfache stuck
vermischen vnnnd nutzlichen brauchen mög.

Das iiij. Capitel.
Von erwölung des weins/welcher am nütze-
sten

Register.


sten vnd dienstlichsten sey. v. Capitel.
Von bereytung des weins/ vnd den fürnemp-
sten reglen/ so hierinn gehalten/ vnnnd warge-
nummen werden sollen. Das vj. vnnnd
letst Capitel des vierdten
vnnnd letsten
teyls.

Getruckt zu Strassburg bey Bal-
thassar Beck.

09-216

[Faint, illegible handwriting]

[Faint, illegible handwriting]



1100
1100

H541
F388 n

15

R-1437

